



7. A. 25

1881-1882  
CLINICARUM.

PROLEGOMENA

CLINICAM

1881-1882

1881-1882

1881-1882

1881-1882

1881-1882

1881-1882

1881-1882

1881-1882

1881-1882

1881-1882

1881-1882

1881-1882

1881-1882

1881-1882





INITIA  
INSTITUTIONUM  
CLINICARUM,  
SEU  
PROLEGOMENA  
IN  
PRAXIN CLINICAM.

---

TIRONUM IN USUM

EDIDIT

*Joh. Valent. nob. ab Hildenbrand,*

PRAXEOS CLINICAE,

PATHOLOGIAE, THERAPIAEQUE SPECIALIS

PROFESSOR PUBL. ORD.

ACADEM. REG. SCIENTIAR. GOTTING.

ET

SOCIET. SYDENH. HALLENS.

SODALIS.

---

VIENNÆ,  
APUD JOH. GEORGIUM BINZ.

1807.

CLINICAL

PROBLEM

9671

---

## P R A E F A T I O.

---

*Quævis fere practica disciplina tum generalia præcepta complectitur, tum & specialia. Priora cuivis casui, posteriora singulari tantum adcommodanda.*


*Ita quoque Medicina, & ipsa Clinica Praxis. Multæ hic occurrunt regulæ, ad omnem lectum observandæ. Liceat eas Generalia nuncupare, & prima practicæ Medici-*

## PRÆFATIO.

*næ initia ; sciagraphiam clinicam ;  
Breviarium officii medici.*

*Hæcce quotannis tironibus medicis exponere constitui, antequam eos ad ægrorum lectos conduxerim. In usum academicum hic communico.*

*Specialis praxeos clinicæ doctrina coram ipsis ægrotis individuis non-nisi ad lectos explicanda venit.*



---

# ELENCHUS CONTENTORUM.

---

## *CAPUT I.*

**De dignitate experientiae medicae.**

## *CAPUT II.*

**Ratio institutorum clinicorum.**

## *CAPUT III.*

**De virtutibus ac officiis Candidatorum.**

## *CAPUT IV.*

**Medicinae practicae idea, objecta, divisio.**

## *CAPUT V.*

**De praxi in morbis explorandis.**

## *CAPUT VI.*

**De praxi in morbis cognoscendis & determinandis.**

# ELENCHUS CONTENTORUM,

## CAPUT VII.

De praxi in morbis tractandis.

## CAPUT VIII.

De praxi in futuro eventu prædicendo.

## CAPUT IX.

De modo historias morborum scribendi.

---

## CAPUT PRIMUM.

### *De dignitate experientiæ medicæ.*

---

1. **A**uxiliariis literis imbuti, atque theoreticis principiis rite instructi Medicinæ Candidati admittuntur ad lectos ægrorum.
2. Practicam ultimamque medicam doctrinam hauriunt, utilissimam omnium; nam is medicorum laborum finis est, ut apta ægris medela fiat. Sed & difficillimam longe, nec absque assidua adplicatione perdiscendam.
3. Cujus quidem dignitatem quivis sanæ mentis agnoscere facile debet. Artis enim penitus experimentalis studium nonnisi practico exercitio coronari potest.
4. Primum jam artis medicæ inventæ fundamentum sola *experientia* posuit. Post inventam medicinam ratio quæsitæ, non post rationem medicina. Casus fortuiti, naturales instinctus, variæ medelæ ex dura necessitate tentamina, observationes denique eorum, quæ pro diætâ prodesse, ægris aut nocere, prima ejus rudimenta dederunt.



5. Hanc in incunabulis medicam artem, necessitate quæsitam, fortuito casu inventam, sola iterum *experientia* sub Analogiæ usu excoluit, & ad incrementum perduxit. Ne scilicet perirent pro genere humano ea, quæ quisque didicisset experiendo, ita conservabantur, ut prius tentata ab aliis in simili casu analogice adhiberi possent.

6. Noluit autem diu adquiescere in experimentis hisce animadversis intellectus humanus, phenomenorum observatorum disquisitione continuo occupatus & delectatus. Etenim infantili jam jam artis tempore in Aegypto & in Græcia mystica quædam aliaque dogmata ad explicandas morborum sanationes fuerunt excogitata.

7. Quibus vero paulo post desertis mox iterum empirica & mere *experimentalis* medicina succedit, quæ per totam antiquitatem græcam conspicua est, & quam etiam *Hippocrates* exercuit.

8. Serius quidem Philosophi græci & præcipue *Platonica Schola* suas quoque speculationes ad fundandam medicinæ theoriam adplicarunt, quæ a *Diocle Carystio* adeo exulta fuit, ut anteponebatur *experimentalis* methodo.

9. Dein vero denuo caput suum extulit empiria, quæ omnibus theoreticis subtilitatibus contenta, solam *experientiam* sequi conabatur; tempore præcipue *Herophili*, qui majorem in medicamina quam in artem medicam fiduciam posuit; atque discipuli ejus *Philini Coi*, qui insufficientibus pro praxi felici anatomicis Magistri detectionibus, *empiricæ Sectæ* auctor factus est, omnia ejus ævi ratiocinia spernentis.



10. Corpuscularis postea *Epicuri & Dicæarchi* Philosophia novam quidem rursus theoriam in medicinam introduxit, ex qua *methodica Schola* doctrinæ suæ fundamenta petiit.

11. Sed ipsi Methodici ob doctrinæ suæ insufficientiam refugerunt iterum ad *experientiam*. Atque *Agathæus Spartanus* Methodicorum dogmata laudabili intentione cum experientia combinavit, fundavitque *Sectam eclecticam*.

12. Huic etiam adhæsit, dum juvenis esset, ipse *Claudius Galenus*. Serius autem eo modo recessit ab ea, ut Academicæ Philosophiæ subtilitates cum Peripatheticis conjungendo, theoriam propriam medicam exstruxerit, quæ per *Arabes* promota, a *Chemicis* deturpata, ab aliis reformata ad ultima nostra secula perstitit.

13. Gratias vero habemus observatoribus eximiis, *Nic. Pisoni, Petr. Foresto, Joh. Schenkio, Fel. Platero, Lud. Septulio, Guil. Ballonio, Thom. Sydenhamo*, aliisque a servitute *Galen*i alienis viris, qui medicinam denuo *experientiæ*, non commentis; factis, non theoriis superstruxerunt.

14. Elapso nuper seculo dogmaticam denuo medicinam diverso eventu excolere ceperunt diversi medici, quorum sæpe ingenia admiramur, praxin non imitamur.

15. Alii tamen iterum eodem ævo viri *experientiæ* in arte medica superioritatem libenter agnoverunt, promoveruntque conatibus operibusque suis experimentalem medicinam. Inter quos *Georg. Baglivium, Joh. Huxhamum, Joh. Georg. Zimmermanum, Guil. Granthium, Ant. de Haen, Ant. L.*

*B. de Störk, Max. Stollum & Phil. Pinelium*  
præ aliis nominamus.

16. Consideratis hisce artis medicæ fatis celebrioribus, ubique fere & quovis in ævo *experientiæ* potestatem in medicina dirigenda cognoscimus. Prouti ars medica ex *experientia* unice exorta est, ita & omne suum incrementum, & eam, quam habet, perfectionem *experientiæ* debet. Et quoties eam derelinquebant medici, theoreticis deliramentis adhærentes, toties medica ars detrimentum faciebat, & ad eam denuo redire cogebatur.

17. Ideo primorum Empiricorum laudabilis jam intentio fuit, hypotheses lubricas e foro medico expellere, atque medicinam sub *experientiæ* & analogiæ usu excolere. Quo quidem modo plus ad artis augmentum collatum fuit, quam omnibus omnium ævorum theoriis.

18. Ipsam hancce ex analogia & *experientia* medicinam, juvantium ex consilio unice desumtam, a medicis quoque philosophis, moderno adhuc tempore minime neglectam cernimus. Mercurio Veneris mala sanant, quin alium, quam analogiam ducem sequantur; quin aliud, quam casu detectum & sola *experientia* confirmatum obponere huic morbo remedium sciant. Vaccina variolas feliciter arcent, quin rationem adsignare valeant.

19. Non tamen hic *cæcam Empiriam* in medicina exercenda laudibus extollere animus est. Tale traditionum analogo in casu adhibendarum adgregatum securam praxin minime constituit, nisi cauto sub rationis regimine. Turpis econtra & de-

testabilis illa empiria est, quæ nullo ducta ratiocinio experimenta per mortes facit.

20. Sed illam medicam praxin unice celebramus, quam, duce experientia, ratio dirigit. Nam *fallit* persæpe absque ratiocinio instituta *experientia*.

21. Abhorremus quidem ab omnibus theoriis *hypotheticis*, quæ summe lubricam & sæpe damnosam praxin constituunt. Nunquam enim naturam intellectui, sed intellectum naturæ subjiciendum esse scimus; quum crebro in expertis *ratio mentiatur*.

22. *Vera* autem nobis & ad praxin unice applicanda erit illa *Theoria*, quæ in veris principiis fundatur experientiæ superstructis, ac felici eventu in praxi coronatur. Maximum igitur pretium illis dogmatibus theoreticis statuimus, quæ exactissimis puræ Philosophiæ inductionibus ex observatis phenomenonis *methodo* vere *analytica*, ex ideis objectorum eruuntur, atque reciproce modo summe proficuo ad praxin adplicantur.

23. Non tamen hæc multa sunt. Plura alia ad artem exercendam adplicanda dogmata infidelia sunt, & insufficientia critico practico. Relinquant dubia plurima, & ad *scepticismam* invitant. Atque illis in casibus, ubi nulla omnium theoriarum sufficit, denuo ad aliquam *empiriā* trahunt, quæ si ratione dirigitur, securius ducit, quam omnis *dogmatismus claudicans*.

24. Utut ergo summum ponamus momentum maximamque utilitatem in medicina experimentalis, sufficientes tamen in intelligendis ac dirigendis ex-

perientiis theoreticas Candidatorum medicorum cognitiones subponimus, quæ critico literaturæ medicæ studio collectæ, utilium omnis ævi theoriarum valorem æque pernoscere, ac reliquarum utilium vilitatem determinare valebunt; quæ ad praxin adplicatæ, caute ubique illos dirigent, sub magna dubitandi arte non temere audaces, nec tamen & timide hæsitabundos facient.

25. Sed transitus a contemplante medicina ad ejus exercitium non minimæ difficultatis res est. Est enim aliud quid ratiocinio perspicere, aliud quid operè præstare.

26. Hanc ob rationem illa instituta est Medicinæ pars, quæ non solum morborum descriptiones, sed & morbos ipsos proponit in practico nosocomio. Ibi simul in mentem revocantur, quæ in theoretica disciplina absentibus physicis objectis minori cum animi adtentione audita fuerunt. Nam semper & ubique (quantum fieri licet) rationalem medicinam practicæ jungere cura erit, & medicinam intelligenter faciendam docere.

*G. Trinkhufus*, de Experientia. Jen. 1665.

*Fr. Bayle*, Dissert. de Experientia & Ratione conjungenda in Phys. Medic. & Chirurg. Hag. 1678.

*J. A. Hoffstetter*, Dissert. de Experientia & Ratione tanquam fulcris & principiis cognoscendi in arte medica. Hal. 1705.

*J. G. Berger*, Dissert. de Experientia necessaria. Lipsiæ 1717.

N. Wagner. Dissert. de Experientia medica, titulo-  
que medicorum, quo Expertissimi au-  
diunt. Isleb. 1734.

D. H. Lavater, Dissert. de nexu Theoriæ cum Praxi,  
Got. 1801.

---

## CAPUT SECUNDUM.

### *Ratio institutorum clinicorum.*

---

27. **U**t jam Medicinæ Candidati eam in morbis cognoscendis & curandis dexteritatem, illudque moderamen in arte dirigenda adipiscantur, quod utilem in praxi medicum constituit, protracto quodam & diuturno exercitio sub sedula ægrorum ad ipsos lectos observitatione opus est.

28. Is est scopus *Scholarum medico practica-  
rum*, sive *clinicorum institutorum*, in quibus mor-  
bi ipsi, eorum cognitio, tractatio, sanatio *practice*  
demonstrantur, medicorumque officia *practice* per-  
discuntur.

29. Ad quem attingendum in antiquissimis jam temporibus, cognita experientiæ medicæ dignitate, medici magistri discipulos suos ad privatos ægros ducebant, atque præ lectis erudiebant.

30. Propriæ autem Scholæ clinicæ in publicum emolumentum exstructæ, seculo primum XVI Pa-  
tavii erectæ obscura vestigia habentur. Seniori



tempore *Franc. Dellbonus* Lugduni Batavorum institutum clinicum locavit, ab *Herm. Boerhaavio* reformatum, ex quo nostra transplantata sunt omnia.

31. Grata memoria semper tenebimus conatus *Ger. L. B. van Svieten*, quibus *Theresia* Augusta Imperans ad eam sententiam perducebatur, ut clinicum tale institutum Vindobonæ exstrueretur, ab *Ant. de Haen* ad mentem præceptoris *Boerhaavii* custoditum. Quæ quidem Augustorum Successorum munificentia ad reliquas quoque Universitates austriacas nunc explanata est.

32. Eo loci, ut morbus omnium primo *cognoscatur*, & cognosci doceatur, Studiosis omnibus lecto adstantibus, ægri publice circa præteritum & presentem statum exactissime examinantur, ut vestigentur morbi causæ & signa; quæ omnia adcurate scripto notantur (ut & in hoc exercitationis genere facilitas comparetur), atque adtentissime inter se conferuntur, ut morbi natura & indoles pateat.

33. Deinde ut morbus *sanetur*, sanarique doceatur, debitæ indicationes formantur, medicamina, ceteraque necessaria præsidia, ut & conveniens victus præscribuntur.

34. Ubi vero medelæ impossibilitas elucet, candide & hoc declaratur; atque ut etiam insaniabilis æger debito modo *tractetur*, tractarique doceatur, faciendæ quoque & in hoc casu medicinæ ratio assignatur.

35. Idcirco de futura insimul ægri sorte, sive de *prognosi* rite formanda, quantum præscire licuerit, semper differitur.

36. Postridie relegitur tota morbi historia, narraturque singillatim, quiquid ab eo tempore, quo Discipuli secesserunt, acciderit ægro, sive ab arte, sive a natura, sive ab aliis circumstantiis; adjectis semper cujuscunque rei rationibus. Tum exponitur, quid morbi mutatio in indicationibus & therapia immutandis & corrigendis postulet, vel non postulet; atque debita denuo curatio adtemperatur, futuraque fors caute denuo præ sagitur. Sic dein quotidie, ad ipsam usque ægri convalescentiam.

37. Quodsi morbi vis ægrum superaverit, tunc convocatis Auditoribus cunctis, qui ejus tractationi interfuerant, secatur cadaver, in eoque curiosissime exploratur, quidquid potuerit tum morbum hunc facere, tum morti causam præbere; tum etiam disquiritur, solidæne fuerint naturæque morbi vere consentaneæ, quæ inter medendum proferebantur, dijudicationes.

38. Quinimo, ne gloriosos medicos agere videamur, consulto casus aliqui exhibentur, qui quavis medicamentorum virtute, omni medicorum industria & sapientia, quacunque demum ope humana superiores essent; ut & incurabilium quorundam morborum phenomena exponantur, & causæ mortalium quemque latentes, arctioresque artis limites demonstrantur.

39. Ac ne studiosis sedulisque Discipulis quid desit, quominus audeant ipsimet ægrorum curam suscipere, conceditur iis, qui diutius assidueque

præsto fuerint hujuscemodi clinicis exercitationibus, adire quotidie pluries ægros in Schola practica monstratos, eos contemplari & examinare, ut animo concipiant genuinam morborum in quocunque statu effigiem. Quin, sub auspiciis directioneque Professoris quidam ægri penitus eorum curationi conceduntur.

40. Dubia, si quæ resisterint Candidatis, candidè aperientibus a Professore semper, quoad fieri potest, resolvuntur; ac si gravior quidam casus obvenit, plurium semper sententiæ colliguntur.

41. Si vero denique ex defectu vel proprio, vel circumstantiarum inevitabilium varie agentium tamen error se aliquis in grave hoc negotium insinuet; minime illum occultare, sed potius in futuri similis casus utilitatem vertere semper studetur.

42. Hæc fere est ratio ac dispositio clinici nostri, & cujusvis alterius instituti.

43. Sed quædam adhuc momenta liceat adducere, & disquisitioni diligentiori commendare, ex quibus tum mens practicæ doctrinæ in institutis hisce clarius elucebit, tum impedimenta nonnulla intelligentur, meliori Tironum in practico hoc exercitio profectui non raro obstantia.

44. *In Scholam medico practicam recipiantur pauciores ægri.* Morbi enim adcurate, penicillate & patienter a Candidatis observandi sunt; atque hoc fieri non potest, nisi in paucioribus ægris.

45. In primo initio prælectionum clinicarum hoc præcipue necessarium est. Paulatim deinde sub exercitio longiori acquiritur habitus & dexteritas ægros promptius examinandi, causas morbi citius

dete-



detegendi, phenomena certius distinguendi, indicationes & medicamina perfectius determinandi.

46. Plures econtra ægri superficialiter tantum observantur. Nam plura simul objecta potius confundunt, quam instruunt intellectum. Ipsi sensus inadfectis ex varietate objectorum turbantur. Et expertissimi medici, dum numerosos ægros tractant, discriminis plenam medicinam plerumque faciunt.

47. Propterea hæc dicta sunt; quoniam animus nonnullis juveniliter prurit, mox ubi theoreticas præceptiones absolverunt, maximum numerum ægrorum videndi. Multa, non multum videre volunt. (*Max. Stoll*).

48. *In Schola medico practica morbi populares & vulgares præ aliis pertractantur.* Quotidianos enim, semper & ubique obvios morbos quam optime cognovisse oportet. Hi frequentissimi morbi frequentissime etiam perniciosi sunt, & generi humano insensibilissimi; proinde medentis dexteritatem, eamque promptam præprimis exigunt. Neque in vulgatissimis morbis omnia semper vulgaria sunt. (*Max. Stoll*).

49. Inter populares morbos eminent sic dicti epidemici, a temporum qualitate varie prodeuntes, vaste sæpius grassantes, plerosque alios in suam potestatem trahentes. Horum maxima est certis temporibus frequentia; horum observatis & studium maxime commendatur.

50. Interim & aliorum morborum expositio, quæ occasio præbet, nequaquam negligitur. Præcipue illi, qui in Pathologia & Therapia speciali

describuntur, quantum fieri licet, ad lectos ægrorum practice simul demonstrantur.

51. Omnes autem morbos in natura observatos, atque in Nosologiis descriptos, durante cursu clinico vidisse volere, ridicula esset prætentio. Dantur Veterani in arte, qui morbos & plures quandoque, per integrum praxeos suæ cursum non viderunt.

52. Illi jam morbi, quorum vivam in ægris imaginem exhibere facultas non erit, in prælectionibus specialis Pathologiæ & Therapiæ, eo fufius explicabuntur.

53. Si denique & tali modo illum adhuc scientiæ gradum adsequi tamen non licebit, qui humanitatis in emolumentum adtingendus foret; illi ad minimum lapides per industriam nostram e via removebuntur, ad quos juniores medici in damnum ægrotantium sæpe allidere possunt.

54. Plurimum adhuc propriæ industriæ & castæ adplicationi visorum auditorumque ad indeterminatos casus reliquendum erit. Nam in medica arte, uti in militari, optima ex Scholis & praxi hausta principia; individuis casibus propria prudentia adtemperanda sunt.

*Ant. Störk*, instituta Facultatis medicæ Vindobonensis. Vien. 1775.

*J. P. Frank*, Plan d'école clinique. Vien. 1790.

*J. G. Hofrichter*, de arte clinica in nosocomiis oportune addiscendis. Viteb. 1795.

*C. W. Hufeland*, Journal der pract. Heilkunde. III. B. p. 528.

A. Röschlaub, über den Nutzen eines wohl eingerichteten medic. Clinicums. Landsh. 1803.

---

## CAPUT TERTIUM.

### *De virtutibus & officiis Candidatorum.*

---

55. **D**icendum adhuc restat, quidnam ex parte Candidatorum desideretur, ut omni modo officium eorum expleatur, atque ut experimenta clinica utiliter capiantur.

56. Juxta *Herm. Boerhaavium* duo tantum firma fundamenta agnoscenda sunt, quibus certissima medicina nititur. Nempe 1. adcuratissima observatio earum adparitionum, quæ in homine sano, ægroto, moriente & mortui cadavere *Sensibus externis adparent*; 2. severa indagatio illorum, quæ in homine latent, *sensibus abscondita*, & quæ sola ratiocinatione exacta obtineri possunt, dum data experimenta singulatim perfecte expensa in omnibus suis proprietatibus examinantur, ac inter se sedulo comparantur, ut convenientia vel diversitas patescat; tumque ea omnia notantur, quæ clare inde deduci possunt. Neque vero posteriora hæc prioribus minus firma vel fida erunt.

57. In omnis ergo morbi indagatione, ex parte medici semper sensuum & ratiocinii usus absolute requiritur. Basis omnis experientiae.

## *Sensus.*

58. Sensus externi colligunt prima data, pro omni observatione & experientia futura. In omni ergo arte experimentalis sensuum usus pernecessarius est.

59. Sic & medicus clinicus plurima phenomena colligit, quæ *in ægro & circa ægrum* oculis, auribus, naribus, lingua & digitis tangentibus percipi possunt.

60. *Oculi* v. g. vident & explorant ægri physiognomiam, decumbendi rationem, linguæ, respirationis, excretionum conditiones, cutis colorem, exanthemata, vulnera, ulcera &c. Icterus morbus solo visu detegitur.

61. *Auribus* percipiuntur ægri ejulatus, tussis, vox, respirationis sibilus aut stertor, deglutitio sonora &c. Ventris meteorismus, tympanites, ut plurimum auditu ab alius generis expansione dignoscitur. Ita quoque asthma.

62. *Nares* sentiunt odores, fetores, oris, lotii, alvi, sudoris &c. Fuere medici, qui non viso ægro, ex solo odore genus exanthematum determinarunt, variolas, miliaria.

*A. E. Büchner v. Langer*, Dissert. de olfactus ad capienda signa usu. Hal. 1752.

63. Etiam *gustu* plura dignoscerentur ad lectos ægrorum, si ejus applicatio minus fastidiosa es-

set. Sed & tales fuerunt medici, qui urinas & alvum, ichores & alias res nauseoso experimento degustarunt.

64. *Tactus* denique distinguit arteriarum & cordis pulsum, linguæ ac cutis varias conditiones, corporis calorem & frigus; explorat abdomen, uterum, tumores varios, abscessuum fluctuationem, & alia plura.

65. Sed iidem sensus inquirunt etiam in id, quod *extra & circa ægrum* est, atque ad datum morbum aliquam rationem habet. Vident oculi ægro externe adplicata & adjacentia nocua vario modo. Nares sentiunt exhalationes rerum circumdantium ægrum. Et sic & reliqui sensus conditiones eorum, quæ extra ægrum sunt, cibi, potus, medicaminum &c. explorant.

66. Ideo inter prima practici medici requisita *felix sensuum organorum integritas ac frequentatio* censetur. Prior quidem naturæ beneficæ dos & talentum est; posterior vero, adepta per longum multumque exercitium in sentiendo dexteritate, adquiri potest.

67. Patet inde, minus validas esse experientias eorum medicorum, qui vel sensu uno alterove carent, vel sentiendi organa hebetiora universim habent, aut sensus suos frequentando non exercent.

## *Ratiocinium.*

68. Ast experientiæ requisita in sensibus externis unice non sunt quærenda. Talia ope sensuum mere collecta phenomena nunquam experien-



tias securas, potius simpliciter *animadversiones*, aut *empiricus perceptiones* constituunt; *materiem* tantum *objectivam* pro experientiis subministrant.

69. Omnia sensuum externorum experimenta inutilia sunt, nisi animus ad ea adtentus sit; nisi ratiocinium ea perlustraret. Sensus enim nonnisi separatas & singulares imagines colligunt, quas ratio combinare, & ad ipsius observationis dignitatem elevare debet. *Observatio* igitur consistit in perlustratione operationis animadversionum per sensus collectarum.

70. Absque rationis auxilio sensus etiam sæpe fallunt. Quod qui non considerat, ipsemet fallitur, *falsamque observationem & falsam experientiam* contrahit. Id tantum verum est, quod sensibus intellectus adsecurat.

71. Observationum verarum numerus, dum intellectu humano ad certum quemdam finem & usum adaptatur, *experientiam* primo constituit.

72. *Experientia vera* est ergo cognitio veritatum ope sensuum observatarum, cum prudenti earum in utilem finem applicandi modo. Subponit præter bonos exercitatosque *sensus* in experiente, *collectionem* sinceram historicarum cognitionum; *memoriam* felicem eas cito capiendi & tenaciter retinendi; *reminiscentiam* eas denuo non tantum reproducendi, sed & recognoscendi; *ratiocinium*, capacitatem scilicet phenomena inter se combinandi, ac ex singularibus perceptionibus generales cognitiones eruendi; *intellectum* denique, eas in usum & finem debitum adplicandi.

73. Inde elucet dignitas philosophicarum scientiarum in omni experimentalī, præcipue autem in medica arte. Hæ doctrinæ ideas ordinare, simplices combinare, intricatas separare, objectorum proprietates, similitudines, diversitates pernoscere, & phenomenis causas, incognita ex notis eruere; uno verbo rite cogitare, argumenta rite instituere docent; observationes dirigunt, falsa detegunt, veritatem ubique evincunt.

74. Atque hisce e fontibus unice fluunt securitates experientiarum nostrarum.

75. Neque tamen hic unicus ratiocinii in experientia medica usus est. Multa dantur in ægris & circa eos, quæ sensus nostros externos penitus fugiunt, & tamen adsunt; quæ ergo mero ratiocinio detegi debent, & certo detegi possunt; nec minus fido, quam per ipsos sensus modo, dummodo argumentatio de visibili ad invisibile per sinceras philosophicas inductiones instituat, separata omni hypothesi, simplicissimo modo & non interrupta catena jungendo veritati veritatem.

76. Quoniam autem integra hæc ratiocinandi & intelligendi facultas non cuivis homini æquali modo a natura tributa est; neque etiam absque assidua philosophica exercitatione sufficienter acuitur & roboratur; hinc patet, præter talentum observandi & experiendi, magno exercitio & consuetudine fere habitum aliquem in experiendo contrahendum esse. Nam eo solum veriores & securiores experientiæ fiunt, quo magis sensus & intellectus eis adsueti sunt. Atque unica hæcce dexteritas

in dijudicandis morbis, verum promptumque *iudicium practicum* constituit.

77. Ad illam jam dexteritatem securius faciliusque acquirendam, quædam adhuc regulæ de modo debite observandi & experiendi præmittendæ necessariae erunt, antequam ad lectos ægrorum & ad ipsam experientiam Candidati admittantur.

78. Nam medici veri nomen is solus meretur, dignitatemque hancce is unice adipiscitur, qui in observando & experiendo versatus, naturæ ægritudinum studendæ methodum probe intelligit. Recte *Georg. Baglivius* dicit, quod prima medicina consistat in morbis observandis, altera in morbis sanandis.

### *Modus observandi & experiendi.*

79. Omnium prima virtus, medico observanti & experienti necessaria, est *adtentio*. Adtentia enim sola animadversio observationem constituit. Et universim sola est attentio, quæ facit differentiam inter vagam observationem hominis tantum curiosi, & inter solidam observationem strenui observatoris. *Aesculapius* propterea cum serpente depingitur, quoniam serpens apud antiquos attentionis Symbolum fuit.

80. Adtentus observator omnes, quin & minimas circumstantias adnotare debet, quæ minus adtenti oculam facile effugiunt. Nullius momenti illa observatio est, quæ tantum ad unam alteramve morbi partem extenditur. Totum morbum amplecti, omnesque *simul* circumstantias colligere



debet. Minus adtentus, & fragmentariis observationibus contentus, ex imperfecta observatione imperfecta argumenta trahit. Exinde imperfectissimæ experientiæ oriuntur.

81. Propterea adtentio non tantum *circum-plectens* omnia phenomena, sed etiam *assidua* sit oportet in serie phenomenorum adnotanda, *extensiva & intensiva*. Cujus adtentionis & exactitudinis in observando *Hippocrates* primum est medicis exemplar.

82. Differt tamen multum ab adtentione *Subtilitas* (argutiæ). Qui enim nimis sunt subtiles in observationibus, ii plerumque vident phenomena, quæ non sunt, atque profundius rem, quam fieri potest, penetrare volunt. In minutissimis quasi partibus rem fere totam quærun. Optime jam *Seneca* dicit, esse utilia magis, quam subtilia quærenda.

83. Observatorem medicum *nulla præconcep-ta opinio*, nullus conjecturæ aut hypotheseos amor *obscæcare* debet; nulla auctoritatis, systematis, magistri aut Scholæ prædilectio trahere. Sola veritas est quærenda & invenienda. Omnis illa observatio claudicat, quæ opinionem potius, quam naturam observatam pro basi habet.

84. Observationes medicæ debent ergo *sincere* institui. Nunquam vanæ hypotheseos gratia natura invertenda est. Minori omnino observationum fallacia, minorique experientiarum lubricitate ars laboraret, si hanc regulam medici semper observassent.

85. Observator medicus debet *patienter* observare. Patientia certissime detegit invenienda. Fesinantes econtra debita pro observationibus attentione nunquam uti possunt.

86. Observationes medicæ *prudenter* sunt instituendæ. Prudentia nunquam nimia in observando & experiundo adhiberi potest. Verus ergo observator, qui omnem fallaciam evitare intendit, debito sub experimentis ratiocinio semper uti debet. Phenomena morborum stabilia a variabilibus, essentialia ab accidentalibus distinguere, eorum successivas mutationes reciprocumque inter se invicem nexum perspicere, ad causas eorum harumque agendi rationem adscendere, effectus morbi ab effectibus medicaminum aut aliarum circumstantiarum discernere probe intelligat. Hæc perspicacitas sola utilem observatorem constituit.

87. In adplicatione observationum harum ad experientiam caveat a falsis analogiis. Communissimum illud argumentum, *post hoc, ergo propter hoc*, falsissimum sæpe esse potest. Propterea summa cum exactitudine semper inquiretur, utrum effectus observati positæ causæ cor respondeant, & utrum corollaria ex observatione, tanquam axiomate fluentia, logica sinceritate non destituantur.

88. Observationes medicæ semper *repetitione confirmandæ* sunt. Ex una alterave observatione multum certi erui, & firma experientia colligi non potest. Eam autem pluries repetendo, dubium a probabili, probabile a vero & certo distingui potest. Plurima aliena se in experimenta inmiscunt;

int ea in repetendo ideo, quia aliena sunt, a supersunt, quæ ideo perpetuo similiter it, quod ex ipsa rei natura fluant. Hinc data observatio tantum semper valet, quanta detectio.

89. *Observationes medicæ non colligant abrariora & insolita phenomena*, quia non raritas, sed pretium veritatis æstimatur. Dum res grandiores nos occupant totos in tentaminibus nostris, minus adtendere solemus in minutias sæpe, a quibus adtente perspectis universum quandoque panditur mysterium. Non quidem hæcce grandiora penitus negligere convenit; sed præcipua tamen opera danda est, ut vulgaria morborum phenomena bene observentur.

90. Hæ, quidem non omnes, sed potiores regulæ sunt, Tironibus praxin medicam adeuntibus ceu Canones commendandæ, in quibus primaria præcepta continentur pro fructu ex observationibus & experienciis clinicis trahendo.

91. Sed est in his omnibus, uti *Hallerus* dicit, ars adhuc quædam videndi & inveniendi, quæ verbis dici non potest, & quam natura paucis concessit. Propterea etiam veri practici medici sunt rariores, quia morborum observationes sunt difficiles. Medicus, sicuti poëta aut miles, natus sit oportet.

*G. Emerich*, Dissert. de ratione & experientia medica. Reg. 1693.

*G. Baglivi*, de praxi medica ad priscam observandirationem revocanda.

*G. E. Stahl*, experimenti fallacia. Hal. 1706.

*J. Bohn*, Dissert. de experimentia fallaci. Lips. 1710.

*J. Salzmann v. F. E. Niclus*, Dissert. de ratione observandi medica. Arg. 1720.

*J. L. Wucherer v. H. C. Gernhard*, Dissert. de experientia medica. Jen. 1721.

*N. Burchard*, Dissert. de experientia rationali. Rost. 1726.

*H. Schulze*, Dissert. de experimentis medicis majori auspicio captis. Hal. 1741.

*G. v. Döveren*, Orat. de imprudenti ratiocinio ex observationibus & experimentis medicis. Gron. 1754.

*G. Stegmann*, Pr. de iis, quæ in experiendo maxime sunt cavenda. Cass. 1755.

*J. G. Zimmermann*, von der Erfahrung in der Arzneykunst. 2 Thle. Zürich. 1764. 1777.

*Joh. Sennebier*, Kunst zu beobachten. Leipz. 1776.

*E. Horn*, über Erfahrung, besonders in Rücksicht auf Medicin. (In Archiv für Erfahrung.) Leipz. 1801.

*Joh. Stoll*, Versuch einer medicinischen Beobachtungskunst. Zürich 1802.

*Deselben* früherer Aufsatz im Musæum der Heilkunde IV. B. Zürich 1797: Wie soll der Arzt am Krankenbette beobachten?

### *Aliæ virtutes & officia.*

92. Sed & aliæ virtutes requiruntur in Candidatis clinicis, aliaque adhuc officia observanda sunt, si lectos ægrorum adeunt. Potiorum saltem mentio fiat.

93. Omnium primo requiritur in Candidatis singularis alacritas aut *vocatio* ad hoc studium & of-

ficiū moleſtū ac laborioſum. Discere invita Minerva injuria eſt in omni arte, maxime in medica ſub tædiis noſocomialibus, omni patientia ſæpe majoribus.

94. Maxima, quæ adtingi poteſt *perfectio* in arte medico practica *quærenda* eſt. Nam & mediocritas non Sufficit in ſtudio clinico, & medicus tantum mediocris eſt omni intuitu pernicioſus. Præſtat nullum habere. Quodſi & ridicule ſuperbiat peculiari præſidentia, ſe omnia jam ſcire, omnem & ſibi viam ad ulteriores progreſſus præcludit.

95. Negligentia maximum impedimentum, *diligentia* autem indefeſſa maximum adjumentum eſt in medicina practica rite addiſcenda & exercenda. Exercitia clinica maxima cum ſedulitate, omni animo ſenſuque ægris condonato, atque catena non interrupta ſunt inſtituenda. Abrupta morborum fragmenta, præterviſis phenomenorum morbi mutationibus & ſucceſſionibus, nunquam medicum ſufficienter erudire poſſunt.

96. Non ſolum illius ægri, quem tractant, ſed & illorum, quos in Schola practica obſervare licet, diarium Candidati ſcribant. Morbum quemvis, qui præctice ad lectum demonſtratur, in auctoribus qui commendantur, pertractatum legant & relegant. Ars longa eſt, & vita brevis. Nemo tanta in arte propriis experiētiis ſapere poteſt. Aliorum igitur experiētiæ ſedulo colligendæ ſunt, ut & alieno periculo experti reddamur.

97. Medicus ab omni initio, dum ad praxin ſe accingit, ſit gravis, cogitabundus, cunctabun-



— 30 —  
dus, non velox, non audax, non leviculus. Talis quondam in publica praxi erit, qualis esse in Scholis incipit. (*Max. Stoll.*)

98. Nullam faciat conditionis ægri distinctionem. *Hominem ægrotum* unice pro objecto habeat.

99. Sit misericors. Discat compati, & compassione & auxilio morbos lenire. Non sit durus & verbis asper in ægros, precipue irritabiliores, magis impatientes. Aegrum, utut deploratum, nunquam derelinquat. Nullo modo ægrem pusillanimum reddat.

100. Non tamen decet medicum nimis mobilis animi esse. Confunditur talis ægrorum lamentis, & in ratiocinio turbatur; imo facile seducitur, ut faciat medicinam morbo graviorem. Virili animo & in arduis consulere oportet.

101. Sit taciturnus. Morbos quosdam in nosocomio occurrentes ne evulget; epilepsiam, maniam, herniam, luem, graviditates & puerperia. Nunquam de aliorum morbis apud alios narret. Medicus blatero infamis.

102. Sed hæ necdum sunt omnes virtutes medico ineunti necessariae, necdum officia omnia ab illo observanda. In publica praxi ad longe plura alia animus convertendus erit, quam in Scholis practicis. Quorum regulæ non adeo in nosocomiis perdisci, quam ex legibus humanitatis, ex artis exercitio, tum etiam ex auctorum lectione desumendæ erunt.

*Hippocratis*, libri (spurii) de arte, de decenti habitu, de lege.

*Zacuti Lusitani*, introitus ad praxin. Lugd. 1643.

*J. Bohnius*, de officio medici duplici, clinici ac forensis. Lips. 1704.

*F. C. Weinhardt*, de medici prudentia morali politica. Diss. XXVI. Oenip. 1716.

*Fr. Hofmann*, medicus politicus. Hal. 1718.

*Philatri*, medicinischer Machiavellus. 1722.

*J. A. Sicci*, de optimo medico liberaurens. Erf. 1740.

*J. G. Lambertin*, Diss. de necessariis ad hoc, ut medicus praxim cum lande exerceat. Vin-  
dob. 1765.

*J. Gregory*, lectures on the duties and qualification, item on the character and conduit of a physician. Lond. 1772.

*Desfelben*, Vorlesungen über die Pflichten und Eigenschaften eines Arztes. Leipz. 1778.

*C. G. Gruner*, Gedanken von der Arzneywissenschaft und den Aerzten. Bresl. 1772.

*K. F. Uden*, medicinische Politik. Leipz. 1783.

*Specifica* und Charlatanerien geprüft und gerügt von einem Freunde der Wahrheit. Frkt. 1789.

*G. Wedekind*, über das Betragen des Arztes &c. Mainz. 1789.

*J. P. Frank*, sermo academ. de civis medici in republica conditione & officiis. (*In delectu opuscul.*)

*Ejusdem*, discursus inauguralis de instituendo ad praxim medico. (*Ibidem*).

*G. S. Vogel*, über das *sçavoir Faire* in der medicinischen Praxis. (In *Hufeland Journ.* I. B. 3 St. VIII B. 3 St.)

*Chr. L. Schweikhard*, auch Etwas über das *sçavoir Faire* in der medic. Praxis. (*Ibidem* VI. B. 4 St.)

*W. G. Ploucquet*, der Arzt, oder über die Ausbildung &c. des Arztes. Tübing. 1797.

*E. J. Thomassen a Thueffink*, oratio de eo, quod medicus in arte facienda imprimis agat. Gron. 1798.

*J. Stieglitz*, über das Zusammenseyn der Aerzte am Krankenbette. Hannov. 1798.

*A. Metternich*, über einige Pflichten der Aerzte. Frkft. 1803.

## CAPUT QUARTUM.

*Medicinæ practicæ idea, objectum, divisio.*

103. **M**edicina in latissimo sensu dicitur doctrina de morbis eorumque medelis; tum & de sanitate tuenda. Nam is est duplex medicinæ scopus, ut vita sana conservetur, ægra vero in pristinam salubritatem restituatur.



104. Utrumque hunc scopum qui adsequitur, *Medicus* vocatur.

105. Quum autem *Hygiene & Macrobotica*, quarum prior sanitatem conservandam, altera prolongandam vitam tractat, speciales doctrinas fiant; hinc *medicina* stricte tantum circa morbos eorumque medelas versatur.

106. Neque hoc satis, ad veram medicinæ ideam. Nam omnes morbos sanare possibilitas non datur, atque fereâ mortalitatis lex artis medentis scopo ipsa repugnat.

107. Et quidem aliqui morborum ex naturâ sua omni artis molimini adeo pertinaciter resistunt, ut absolute in mortem vergant. Ibi *impossibilitas* sanationis est *absoluta*. Tales ægrôs, uti *Hippocrates* dicit, inevitabilis moriendi necessitas occidit, curantis culpa non intereunt.

108. Alii iterum, quos quidem sanare possibilitas fors daretur, arctiores tamen artis medendi limites transcendunt, ac sanari nesciuntur. Hæc *impossibilitas* sanationis est *relativa*, ad ipsius artis imbecillitatem.

109. Utoque autem in casu, (nam *vincibilis* medici *ignorantia* nunquam illum excusabit) in utroque casu prius dicto, qui morbum talem incurabilem tantum cognoscit, æque magnus medicus esse potest, quam qui curabilem sanat.

110. Ergo *medicina* in vero sensu est doctrinâ de morbis cognoscendis, curabilibus sanandis, incurabilibus determinandis.

111. Tractat autem medicina de *hominum* morbis, & excluditur hic medicina brutorum, Hippiatris & Veterinariis relinquenda.

112. Quousque hoc (110.) scienter tantum explanabatur; *theoretica* medicina audiebat. Dum vero jam ad ipsos ægrorum lectos in natura, sub ipso exequendi modo demonstratur, *practica medicina* dicitur.

113. Hanc practicam medicinam, ceu methodum executivam ad lectos ægrorum, *clinicam* quoque medicinam vocant, quia κλίνη græcis lectum significat.

114. *Medicus* ergo *practicus* sive *clinicus* ille est, qui ad lectos ægrorum in actum deducit & ipso opere præstat, quod theoreticus tantum scienter noscit. Et *medicina practica* sive *clinica* illa est, quæ hominum morbos cognoscere; incurabiles determinare; curabiles sanare ipso experimento docet.

115. Doctrina de futuris morbis antevertendis eo magis a clinica medicina separatur, quoniam in nosocomiis & ad lectos non perdiscitur.

116. Parum interest, sive artem, sive scientiam dixeris doctrinam istam. Dexteritas in applicatione medelæ *artem* medicam omnino constituit.

117. Liceat ergo nostram medicinam practicam hic exponendam *artificialem* dicere, quantum fieri potest, scientificis principiis superstructam; ut ab illa separetur, quæ *empirica* penitus, nec artis nomine digna, per traditionem solum inter amicos

propagatur, *domestica* aut *naturalis* dicenda, simplici analogia aut naturali instinctu ducitur.

118. *Objectum* practicæ medicinæ est *homo*; corpus humanum sub omni intuitu; vivum & mortuum, sanum & ægrotum.

119. *Vita* hominis est omnium primum medicinæ nostræ objectum. Ubi enim sanitas, id est vita perfectissima obtineri non potest; ibi saltem & minus perfecta vita desideratur conservanda; ibi saltem acerba insanabilium fors prudenti consilio sub maxima vitæ protractione lenienda.

120. *Mors* vero hominis, sive vitæ obpositus status, practice medicinæ objectum non ideo est, ut scopus aliquis per ipsam attingatur; sed ideo potius, quia mortem amovere cum præcipuo medici scopo collineat.

121. Propterea saltem medico adeo scitu necessariæ sunt illæ adparitiones, quæ sub morte, post mortem & in mortuorum cadaveribus obveniunt.

122. Phenomenorum *sub morte* occurrentium cognitio confert ad periculum insians mortemque futuram prævidendam.

123. *Post mortem* phenomena comparentia ad determinandam mortem veram & ad distinguendas asphyxias necessaria sunt. Ambo ipsam agendorum rationem dirigunt.

124. Phenomena autem in ipsis *mortuorum cadaveribus* colligenda, multa docent de præterito morbo, & ad alios casus magnam [sæpe analo-

glicam adplicationem merentur. Neque etiam aliud quid plus confert ad diagnofin prognofinque tempor vitæ factas rite confirmandas, ad fedes morborum indagandas, & ad cognoscendas præcipue organorum fub morbis mutationes, quam cadaverum incifio.

125. Hæc eft ratio, cur in prælectionibus clinicis cadavera defunctorum incurabilium fedulo aperiuntur, eo fcopo, ut ex organorum conditione confirmari, vel non confirmari confpiciatur, quid quid ægro vivente adhuc de morbo, ejus fede, caufis, de morte futura vel non futura dictum fuit; & ut exploretur, an non inopinatum aliquid deprehendatur. *Pathologicas* has *fectiones* vocant.

126. Ratio autem fectionum harum ex fequentibus melius patebit.

127. Nullum cadaver primo mortis die exenteratur; imo legibus vetitum eft, ante 48 horas cadavera difsecare; nifi ex destructione nobiliffimi alicujus organi evidentiffime pateat, revivifcendi poffibilitatem nullam omnino dari.

128. Nonnullorum cadaverum fectiones ob metum contagii aut mephitis in adftantes redundantis negligi debent. Frigida tamen cadavera minus contagiofa funt, quam calida, viventia corpora.

129. In pluribus cadaveribus diffectis nihil omnino deprehenditur, quod lumen ad prægreffi morbi naturam diffundere valeat. Nec fcalpellum anatomici nec acies oculorum eo penetrant, ubi caufæ morbi fedent, vel mortis. Ita sæpe in febri-

bus & malis nervosis, nec non in omnibus morbis dynamicis ubi organicæ adfectiones desunt.

130. Plurimum solummodo in illis cadaveribus detegitur, in quibus organorum structura & conditio adeo immutatae sunt, ut sensibus hoc pateat. Ita in morbis organicis, & in illis, ubi heterogenea in corporis diversis partibus latent. Hæ autem sectiones & explorationes non obiter, sed maxima cum adtentione sunt instituendæ.

131. Effectus mortis a causa mortis sunt in cadaveribus caute distinguendi; præcipue si longiori post mortem tempore sectio fuscipiat. Sic collectiones humorum præternaturales in cavis variis, polypi, degenerationes partium ex dissolutione variæ, sugillationes, sphaceli &c. sæpe ipsius mortis effectus non causæ sunt.

132. Aequè damnosum est, effectus morbi, qua causas ejusdem considerare.

133. Cadaverum ergo exenteratio & inspectio, nisi sub ratiocinio pathologico instituatur, summopere medicum fallere potest. Et difficillimum est judicium circa morbos, quod ex cadaveribus capitur.

*Th. Bartholini*, consilium de anatomia practica. Hafn. 1664.

*Th. Bonnet*, sepulchretum s. anatome pract. ex cadaveribus &c. Genev. 1679. 2 Vol.

*Th. Kerkring*, specilegia anatom. 1689.

*J. J. Manget*, Bibliotheca practica. Genev. 1700.

*A. Vater*, de anatomes utilitate in eruendis causis occultis morborum. Viteb. 1723.



- P. Barzere*, diverses observations anatomiques. Par. 1751.
- N. Gianella*, oratio, non tuto semper ex cadaverum sectione colligi posse morbor-causas.
- J. B. Morgagni*, de sedibus & causis morbor, per anatomen indagandis. Ven. 1761.
- Joh. Lieutaud*, historia anatomico medica. Par. 1767.  
II T. 4. It. Goth. 1796, III T. 8.
- J. F. Isenflamm*, de difficili epicrifi in observationes anatomicas. Erl. 1771.
- N. Sandifort*, de circumspccto cadaverum examine, optimo medic. pract. adminiculo. Leid. 1772.
- N. Müller*, de utilitate anatomiae practicae. Giefs. 1783.
- Chr. Fr. Ludwig*, primæ lineæ anatomiae pathologicae. Lips. 1785.
- Chr. Sal. Schinz*, de cauto sectionum cadaverum usu ad dijudicandas morborum causas. Got. 1786.
- J. F. Meckel*, de promovendis anatomiae pathologicae administrationibus. Hal. 1790.
- M. Baillie*, the morbid human Anatomy. Lond. 1793.
- Desfelben*, Anatomie des krankhaften Baues &c. Ueberf. v. *Sömmerring*. Berl. 1794.
- G. Chr. Conradi*, Handbuch der potholog. Anatomie Hannov. 1796.
- A. Fe. Hecker*, Magazin für die patholog. Anatomie und Physiologie. Alt. 1796.
- A. R. Vetter*, Aphorismen aus der pathologischen Anatomie. Wien 1803.



F. G. Voigtels, Handbuch der patholog. Anatomie.

Halle 1804. 2. B.

134. *Sanitas* hominis & corpus humanum sanum ex multiplici ratione practicæ medicinae objectum est, præcipue vero ideo, quia deperditam sanitatem restituere, ubi fieri potest, artis scopus est; quia medicus de sanitate perditâ judicare & restitutam cognoscere, & probe etiam scire debet, quousques morbum prosequi ac redeuntem sanitatem roborare oporteat.

135. Status sanitatis sistit quasi normam, in quam omnis deflexus corporis morbosus reclinari debet; a qua declinatio quævis morbosam affectionem præbet.

136. Notare tantum oportet, relativam ad subjectum etiam sanitatis ideam dari, atque cuivis fere hominum propriam sanitatis formam esse, propriamque *valetudinem secundam*. Ad quod practicus summopere attendere debet.

137. Præcipuum tamen objectum practicæ medicinae *morbi* sunt; quoniam medicus raro vocatur, nisi homines morbum sentiant, & clinicus medicus unice ægrotis occupatur. Uti communis omnibus hominibus mors est, ita communis ad mortem via est morbus.

138. Organismi, virium, facultatum, actionumque in corpore humano vivo inde pendentium a statu normali declinatio *morbos* constituit; *valetudinis adversæ* multifariis formis incedentes. *Ægrum* vero dicimus, qui morbo laborat,

139. *Deformitates* tamen organorum ; quousque functiones non lædunt, nec morbis adnumeramus, nec practicæ medicinæ objectum agnoscimus.

140. Quantum autem in statu morboſo & ipſa mens languere poterit, unicuique uotum eſt, qui ſcit contrario, quantum in ſtatu bonæ ſanitatſ bene vigeat. Imo mens humana vi commercii, quod cum corpore ſuo habet, multa operatur, quæ vitam aut ſanitatē varie obprimere aut erigere valent. Proinde *mens* ipſa practicæ medicinæ objectum dici poteſt.

141. Multa quidem in cognoscendis & tractandis mentis ægritudinibus Psychologiſ concedimus, ſed non omnia. Nam inſanienti ſæpe, quem nulla Philoſophia emendare, cui nulla demonſtratio perſuadere valet, medicum auxilium tamen optime mentem cum corpore ſanat. Interim tamen medicis psychologicum ſtudium, mentisquæ therapiam moralem ſummopere commendamus.

142. Tanta ergo, tamque varia ſunt objecta practicæ medicinæ, hominem unice amplectentia. Mortuum & moribundum, ægrotum & ſanum hominem practicus medicus conſiderat, & ad mentem ægrorum ipſam animum ſuum dirigit.

143. Proinde neque labor exiguus eſt, *aplum* hoc officium eum in ordinem redigere, qui Tironibus praxeos methodum addiſcendam faciliorem redderet.

144. Quod ut eo aptius fieri possit, a nostra arte illæ *separandæ* sunt, quarum exercitia speciali labore distinguuntur.

145. Hic omnium primo in duas partes ipsam practicam medicinam *dividere* oportet, quarum una *praxis clinica* proprie, sive & *medica* aut *interna* dicitur, atque morbos solummodo internos (non chirurgicos scilicet) proponit; altera vero *praxis chirurgica* sive *clinica externa* adpellatur, & morbos externos demonstrat (chirurgicos scilicet, manularia dexteritate indigentes). Harum posterior ex propria cathedra docetur. Utraque tamen arctissimo vinculo sibi juncta, nec limitibus definitis separata.

146. Specialius in his versantur nonnulli, ita ut non tantum morbos partiales, & hos quidem pro differentia partium corporis humani recenscant; sed et morbos infantum, mulierum, venereos &c. separatim pertractandos putent. Antiquitus saltem medici specialibus tantum morbis sanandis se dedicarunt.

147. Sed hodie morbi singulares in praxi medica non amplius a se invicem separantur; & non nisi in chirurgica arte *obstetricatio*, *morbi dentium* & *oculorum*, & ab aliquo tempore *herniosi* morbi peculiare caput chirurgiæ practicæ efficiunt.

148. Sic & illæ, quæ in foris occurrunt causæ, de quibus medici judicium sæpe exigitur, etiam fundamenta cognoscendi non tantum ex disciplina theoretica, sed ex omni & practicæ medicinæ ambitu sumant, nomine tamen *medi-*

*næ ac chirurgiæ forensis* in propriæ doctrinæ formam redactæ sunt, atque penitus separatam & ex peculiari cathdra tradendam partem medicinæ constituunt.

149. Nos ergo ea praxeos clinicæ pars solum adtinet, quæ tractat *morbos internos* cognoscendos & curandos, chirurgica & manuali dexteritate non indigentes.

150. Hæc autem duplicia principia complectitur; generalia ac specialia. *Generalia* cuivis casui & ad quemvis ægrorum lectum adcommodari possunt; meritoque præmittuntur *specialibus* illis, quæ nonnisi specialibus ab individuis casibus adcommodanda, ad separatos & singulos ægrorum lectos tradenda veniunt.

151. Sequentia præcipue momenta medicina clinica generalis comprehendit. 1. Generalia circa praxin in morbis explorandis. 2. Generalia circa praxin in morbis cognoscendis & determinandis. 3. Generalia circa praxin in morbis tractandis. 4. Generalia circa praxin in eventu futuro prædicendo. Appendicis loco aliqua de historiis morborum scribendis adjicientur.

---

## CAPUT QUINTUM.

### *De praxi in morbis explorandis.*

---

152. **D**ictum fuit, integram medicinam practi-  
cam consistere in morborum cognitione & tractatio-  
ne. Facile intelligitur, omnem morbum prius  
cognosci debere, untequam curari aut insanabilis  
daclarari possit. Agitur ergo omnium primo de  
morbis cognoscendis.

*N. Stráufs*, Diss. de necessaria morbi cognitione ad  
curandum. Giefs. 1675.

153. Ut autem cognosci possint, debite & sin-  
cere colligenda sunt illa omnia phenomena, quæ  
huc contribuunt. Quo requiritur *ars* illas circum-  
stantias practice *explorandi*.

154. Et quum harum magna pars ex ipso ægro  
pctenda & quærenda sit; hinc etiam necessariae  
erunt regulæ circa *modum examinandi ægros*.

155. Ut hocce examen exactum sit, & ut me-  
dicus nullum phenomenon transeat, quod ad mor-  
bum cognoscendum & dijudicandum contribuere  
possit, exactus semper in examinando ordo obser-  
vandus erit; quem quidem quivis pro libitu sibi



ipse construere potest, cui vero & quivis adeo ad suescere debet, ut illam sibi promptitudinem comparet, qua nihil unquam essentiale omittet, nihil econtra superfluum in ægri vexationem repetet.

156. Circa hunc modum & ordinem in examinandis ægris aliquas ergo regulas adnotare oportebit; subjugendo deinde quasdam circa methodum illa phenomena explorandi, quæ extra ægrum quærenda sunt, atque ad morbi cognitionem conferre possunt..

### *Examen ægri & morbi exploratio.*

157. Primum ægri examen, morbo adhuc ignoto, maxima cum exactitudine est instituendum; ut exinde morbi cognitio, quantum fieri potest, eruatur. Reliqua quotidie examina & breviora sunt, & in primo maxime fundantur, confirmantque illa, quæ in primo examine tentata fuerunt, & sæpe non tam morbi cognitionem, quam ejus decursus docent.

158. In primo quoque examine multum fundatur ipsa fiducia erga medicum; & non pauci ægri, nec adeo inepte, ex modo examinantis medici ad reliquam ejus prudentiam concludunt. Probe ergo medicus sciat, quomodo hoc examen instituat.

159. Fronte non severa, nec tamen indecora etiam hilaritate ægro medicus se approximet; vultu sincero & benevolo omnes ægri sui & occultas calamitates in fiduciam suam proliciat; patienti adtentione narrantem & respondentem ægrum exaudiat; suavique modo de necessariis interroget.



260. Nihil in examine obliviscatur, quod scitu necessarium. Infida adhuc medica semiologia est, & quodvis minimum phenomenon colligi sedulo debet, dummodo ad morbum cognoscendum contribuere valeat. Plus sæpe ex copia signorum, quam ex valore singularium sperandum est.

161. Præcipua momenta, quæ medico exami-  
nanti scitu necessaria sunt, & ad morbum cognos-  
cendum conferunt, sunt: I. *Subjecti ægri conditio  
ejus dispositio & proclivitas in certos morbos.* II.  
*Causæ morbi occasionales.* III. *Præsentis morbi  
ratio decurrendi & symptomata.*

## I.

### Cognitio subjecti ægri, ejus dispositio & proclivitas in certos morbos.

162. Nullius morbi vera natura bene cognos-  
ci potest, nisi & ad individuum ægrum debitus  
respectus habeatur. Idem morbus in diversis sub-  
jectis diversè modificatur, diversa proinde medela  
indiget. Hinc subjecti ægroti, maxima quæ habe-  
ri potest cognitio acquirenda est.

163. Sub exploratione autem conditionis sub-  
jecti ægroti consideramus ejus dispositiones & pro-  
clivitates in certos morbos.

164. Ad omnem morbum progignendum requiritur  
tum *dispositio* certa, tum excitans aliqua aut occa-  
sionalis causa, quæ sub data dispositione morbum

producere valet. Absente illa dispositione nulla morbifica causa efficax esse potest.

165. Omnium ergo primo rescire interest, in quosnam morbos æger dispositus vel non dispositus sit; sive, quorumnam morborum in dato ægro possibilitas vel probabilitas detur, aut non detur. Nam certis sub dispositionibus, certis solummodo morbis homines obnoxii esse possunt.

166. Hanc variam in morbos dispositionem male quondam *causam disponentem* vocarunt. Est enim solummodo momentum internum, pro causæ occasionalis efficacia. Seminium morbi *Gaubii*.

167. Hujus quoque dispositionis diversitas, posita eadem excitante causa, ejusdem morbi *diversam modificationem* in diversis subjectis constituit.

168. Et quemadmodum relativam excitantium causarum actionem aut & inefficaciam earum penitus determinat, ita etiam sæpe contrario efficere valet, plures homines ex minima occasione eodem morbo sæpius in vita corripì.

169. Hinc exoritur cognitio *proclivitatis* individuorum in certos, & eosdem morbos sæpius invadentes; quæ denuo ad suspicionem latentis morbi ducere potest.

170. Ista jam proclivitas varia, dispositio aut & indispositio in certos quosdam morbos, & tota subjecti ægroti conditio desumitur: 1. ex *sexu* ægri; ex ejus 2. *ætate*; 3. *temperamento*; 4. *corporis habitu*; 5. *vitæ genere*; 6. *conditione & opificio*; 7. *hæreditaria constitutione*; 8. ex ægri *idiosyn-*

*erasis & 9. particularitatibus variis; & 10. demum ex prægressis morbis.*

## 1. *Sexus.*

171. Sexu ægri ex contuitu vel ex circumstantiis facile colligitur. Non viso tamen ægro, quæstio de sexu nunquam negligenda est. Quare in historiis morborum semper adnotandus.

172. Sicuti functiones duplices sunt generales & privatæ sive sexuales; sic etiam morbi, qui læsiones sunt functionum, duplices omnino sunt; communes scilicet, utrumque sexum adgredientes, & privati, uni vel alteri sexui proprii, *viriles & feminei*. Viri e. g. laborant hydrocele, morbis testium, malisque a læsione secretionis horum organorum pendentibus. Feminae econtra adfectionibus uterinis, mammarum, morbis aliis sub graviditate, partu, puerperio, lactatione. Quibus exhaustæ denovo ad alia mala disponuntur.

173. Sed præter sexualem organisationem in tota reliqui corporis constitutione & compage, magna inter virum & feminam differentia adhuc obvenit, quæ morbos diversos, diversasque morborum modificationes gignit. Femina universim est constitutionis tenerioris, viro magis sensilis, fluidis abundantior, solidis laxior; prius maturescit, & tamen provecius senium adtingit; percutim molliorem plus transpirat, & tamen plus mingit; sanguine abundantiore sed minus coagulabili gaudet, & calore animali minus intenso; vasa habet minora, sed copiosiora; nervos, præci-

pue lumbarēs, copiosiores & crassiores, pulmones minus voluminosos &c. In viris contraria obtinent. Exinde omnino dispositio in morbos alia in utroque sexu exoritur.

174. Deinde & aliæ plurimæ circumstantiæ, uti vestitus, occupationum genus, consuetudines & integra vitæ ratio, diversas in divētos morbos utriusque sexus non tantum proclivitates & dispositiones, sed & ipsas occasionales causas producant.

175. Peculiares quoque, quarum nec ratio assignari potest, in peculiares morbos proclivitates ex sexu pendere observantur; ita ut illi ipsi morbi, qui utrumque sexum infestare possunt, unum tamen præ altero frequentius infestent. Sic viri e. g. frequentius tentantur apoplexia, podagra, calculo, herniis, hæmorrhoidibus fluentibus; femine econtra magis vexantur morbis nervosis, melancholia, animi deliquiis, hæmorrhagiis, cancro, cæcis hæmorrhoidibus &c.

176. Imo ejusdem speciei morbum diversi sexus ex peculiari dispositione diverso modo ferunt, id est, periculo diverso adquirunt. Sic calculi vesicæ, pulmonum inflammationes &c. minus periculi universim habent in feminis, quam in viris.

177. Quare operæ pretium omnino est, sexum ægri ad lectos ægrorum semper perpendere.

## 2. *Ætas.*

178. In varia etiam ætate homo ad varios morbos dispositus est & proclivis. Ratio latet in diver-

diversa corporis sub hisce ætatibus constitutione, incremento, evolutione, decremento &c.

179. Quo juniora Subjecta, eo teneriora, molliora, laxiora, succolenta magis sunt. Contrarium in senibus, rigidis, exsuccis. Quod quidem magnam omnino in morbificis dispositionibus diversitatem causat. Juniora ob majorem vitalitatem a minimis stimulis magis irritantur, contagia avidius arripiunt, medicaminum effectus citius ac vehementius perferunt &c.

180. Longe ergo alia dispositio ad certos morbos, quin & ipsissimorum morborum alia modificatio sub diversa ætate observatur. Unde & prognostis in eodem morbo alia sæpe in juvene quam in adulto subjecto esse potest. Nec non diætæ diversitas magna pro diversæ ætatis ratione requiritur.

181. Varii inter tenerrimam juventutem & senium rigidissimum gradus ætatis, varias quoque hujus dispositionis gradationes ponunt, quas periodicæ corporis evolutiones præprimis immutant.

182. Sed & varias alias in certa mala proclivitates, ætati fere proportionales experientia docet.

183. *Neonati* v. g. frequenter laborant ictero, ophthalmiis, sopore, convulsionibus, hydrocephalo, intertrigine, vomitu.

184. *Infantes* laborant acido primarum viarum, dentitione, aphthis, crusta lactea, rhachitide, diarrhæa, atrophia, herniis umbilicalibus.

185. *Pueri* laborant lumbricis, pituita, morbis glandularum, achoribus, tussi convulsiva. *Puellæ* laborant chlorosi, prima menstruatione.



186. Post pubertatem *juvenes* laborant frequenter febribus acutis, intermittentibus, hæmorrhagiis, angina.

187. *Adulti* laborant hæmorrhoidibus, alvi constipatione, obstructionibus viscerum abdominalium, hypochondriasi, melancholia, phthisi.

188. *Senectus* — ipsa est morbus. Senes vexantur chronicis malis, tussi, asthma, hydrope, calculo & morbis urinariis, arthritide, erysipellate & ulceribus crurum, rigiditate corporis & articulationum, sensuum hebetudine.

189. *Decrepiti* vero laborant vertigine, apoplexia, paralyfi, incontinentia urinæ, epiphora, cæcitate, surditate, mala manducatione & digestionem, marasmo.

190. Hi sunt fere morbi variae ætatis. Potest quidem quivis horum accidentaliter hominem in qualibet ætate infestare; generatim autem prædictis solummodo ætatibus est molestus.

191. Quare omnino ægri ætatem in ejus examine rescire & perpendere interest, ut ex hujus in varios morbos dispositione aut proclivitate saltem suspicio præsentis morbi habeatur, aut & occasio-  
nalis causæ agendi ratio melius intelligatur.

192. Aegri quidem annos ætatis quandoque nesciunt exacte assignare. Sufficit autem tunc in historiis morborum illa ætatis stadia assignare, quæ aliquam vitæ periodum constituunt; uti *neonatus*, *infans*, *puer*, *juvenis*, *vir* triginta, quadraginta, quinquaginta, sexaginta annorum, & *deportanus*. In feminis vero rescire oportet, an *virgo*, men-



fruans vel non; an *mulier*; an *gravida*, certo aut conjecturaliter; an *puerpera*; an *nutrix*; quantum-  
ne temporis post puerperium; quotne prolium *ma-*  
*ter*, felix ant infelix, vel utrum menstrua penitus  
jam cessaverint (*vetula*).

*B. Codronchi*, de annis climactericis comment.  
Col. 1623.

*N. Schelhamer*, Diff. de morbis ætatum. Jen. 1694.

*Fr. Hoffmann v. Budæo*, Diff. de ætatis mutatione  
morborum causa. Hal. 1728.

*J. B. v. Fischer*, Abh. von dem hohen Alter, und  
den Stufenkrankheiten desselben. Leipz.  
1777.

*W. G. Ploucquet*, vom menschlichen Alter. Tüb.  
1779.

*Ph. D. B. Seifert*, de annis climactericis. Ien. 1792.

*D. B. C. Faust*, die Perioden des menschlichen Le-  
bens. Berl. 1794.

### 3. *Temperamentum*.

193. Corporis humani fani diversa in diversis  
individuis constitutio, ex partium constituentium  
diversa proportionem & mixtione exurgens, certam in  
certos morbos certasque morborum modificationes  
dispositionem produciens, ipsumque varie animum  
moderans, *temperamentum* veteribus vocabatur.

194. Desumebatur ut plurimum ex humorum præ-  
valentium indole. Inde sanguineum, cholericum,  
melancholicum, phlegmaticum.

195. Attamen hæc temperamenta nunquam sim-  
plicia & meraca, sed innumeris fere sub varietatibus

fuerunt observata; imo variantia in eodem subjecto sub varia ætate, sub vario climate, vitæ genere &c.

196. Sufficiet autem practico medico, qui hominum temperamenta, qua dispositiones in certos morbos, aut qua varias directiones ejusdem ceterum morbi considerat, bina solummodo distinxisse, ex oppositis corporis qualitatibus desumpta, quorum unum *calidum*, alterum *frigidum* adpellare liceat.

197. Attamen innumeræ & inter hoc utrumque gradationes obveniunt. Sed prouti ad unum alterumve magis inclinare cernitur, *subcalidi* aut *subfrigidi* nomine facile exprimi potest.

198. *Calidum temperamentum* dignoscitur forti firmaque corporis compage; carne elastica; solido universim prævalente; viribus animalibus validis, constantibus; functionibus vitalibus & naturalibus promte peractis; spiritu animoso; animi adfectu vehementi; oculo vivido; pulsu fortiori, celeriori; cuti densa, colorata; pilo crassiori.

199. Hoc temperamentum magis proclive est in morbos acutos, præcipue inflammatorios, contagiosos; evacuationes fert validiores; stimulos non patitur &c.

200. *Contrarium temperamentum frigidum* cognoscitur carne molliori, flaccida; fluido universim prævalente; tarditate in functionibus; viribus animalibus modicis; animi adfectu minus vehementi; spiritu tardo; oculo languido; pulsu debiliore; cute molli, decolorata; tenui pilo.

201. Hoc temperamentum disponit ad debilitates, ad morbos cum irregulari decursu, nevroses,

eachexias & chronicos languores; evacuationes validas non fert; stimulos vero tolerat &c.

202. Juxta hæc bina ergo temperamenta dispositio in morbos, præcipue obpositos, morborumque diversa, sub eadem morbifica causa modificatio, aliqua saltem detegitur. Bina quoque hæc temperamenta in eodem sæpe morbo & ceteris paribus, diversam medelam deprecantur.

A. E. Büchner r. Gæbel, Diff. de temperamentor. ratione in semiolog. habenda. Hal. 1762.

#### 4. *Habitus corporis.*

203. *Habitus corporis*, in externis qualitatibus, in colore, volumine, structura, organorum ad se invicem proportionem quærendus, ad certos non raro morbos disponit.

204. *Habitus athleticus*, in hominibus fortiter structis, sanguine plenis, bene nutritis & torosis, coloratis, sanissimis, disponit ad hæmorrhagias, inflammationes &c.

205. *Habitus apoplecticus* in hominibus capite crasso donatis, collo brevi, ventre amplo, statura humili & artubus brevioribus, disponit ad obesitatem, apoplexiam, asthma, suffocationem & mortem repentinam.

206. *Habitus phthisicus*, in hominibus, quibus collum longum, gracile, scapulæ alatæ, thorax planus, caput pronum, labia crassa, rubra, pilus tenuis, extremitates macilentæ & longæ, dispositi sunt & proclives in morbos thoracis, tussim, hæmoptoen, phthisin, mortem præmaturam. Idem valet de nonnullis gibbosis.

207. Tales habitus corporis autem plures adhuc sunt, ad varios morbos disponentes; longa tamen experientia facilius cognoscendi, quam signis characteristicis describendi.

208. Imo morboſi habitus dantur corporis, quorum conſideratio ipſum deliteſcentem morbum patefacit. Ita habitus rhachiticus, ſcrophuloſus, cachecticus &c.

209. Sed bene notandum eſt, ad varios hoſce habitus dignoſcendos, ægros extra lectum, in totius corporis proportionem explorandos eſſe.

210. Denique, prouti totius corporis habitus, ita & ille ſingularium partium probe conſiderandus venit, atque ad proclivitatem in morbos explorandam ſæpe conſert. Sic ex habitu capitis & cranii, ex habitu & ſtructura thoracis, dorſi, abdominis, pelveos &c. plurimæ in diverſos morbos diſpoſitiones cognoſcuntur,

J. P. Frank, orat. academ. de ſignis morbor. ex corporis ſitu, partiumque poſitione petendis.  
(In delect. opuscul.)

Orbيلي Anthropoſcopi, Verſuch einer Geſchichte der Phyſiognomik. Leipz. 1784.

## 5. Vitæ genus.

211. Genus vitæ, non ſolum diſpoſitiones varias, ſed & occaſionales cauſas morborum præbet. Propterea exſpiſcandum ſemper eſt.

212. Aliter ad morbos diſponuntur, imo longe aliis morbis plerumque obnoxii ſunt, qui ſedentariam vitam, quam qui actuoſam & laborioſam ducunt. Priores facilius nanciſcuntur viſcerum obſtruc-

tiones, pravas digestiones, multiplices cachexias, nevroses; posteriores vero inflammatorios morbos, hæmorrhagias &c.

213. *Miserum vitæ genus, ex inedia, pravo nutrimento, animi pathemate deprimente, medicaminum atque auxilii medici defectu, ad alios omnino morbos ducit, ac aliter corpus disponit, quam lautum genus vivendi ditiorum hominum, qui cibis exquisitis, carnibus diversis, vinis generosis, multisque commoditatibus in vestitu ac domicilio fruuntur, atque rarius etiam neglectis morbis laborant, quam pauperes & miseri. Utrumque vitæ genus diversam opportunitatem producit.*

214. *Intelligendæ etiam sub hoc vitæ genere veniunt consuetudines quædam hominum, morbum dispositiones tum occasiones præbentes. Sic mandones, bibones, amatores saltus, venatus, literarum, musicæ, tabaci, aliæque consuetudines in diæta, somno, motu, vestitu &c. proprias fere in proprios morbos dispositiones agnoscunt. Imo organa singularia a vitæ genere morbose sæpe disponuntur, & sub minimo dein morbo peculiariter adficiuntur.*

*N. Baier, Diss. de morbis bibonum. Altd. 1720.*

215. *Consuetudines quoque medicinales & vitæ genus medicum, aliquod sæpe lumen circa dispositiones ad morbos diffundunt. Sic dantur homines, quibus in consuetudinem abivit certis temporibus venam secare, alvum purgare, balneis uti, medicatas aquas bibere, scarificationes instituere, fluxum hæmorrhoidalem, aut purulentum ex fon-*



ticulo pati &c. Hæc in diversos morbos proclivitates gignunt; eorumque repentina omissio in occasionalem morborum causam sæpe convertitur.

216. Præcipue *soli natalis mores* in tenacissimas consuetudines abire solent, tantasque in certos morbos dispositiones gignunt, ut patria ægrorum cognita multum quandoque ad facilitandam morbi diagnosin contribuat. Nam & eadem consuetudines nationales, tum tenaciter observatæ, tum repentine immutatæ, ipsas quoque pro morbis occasiones frequenter præbere possunt.

N. Plaz; Diff. de morbis ex vitæ genere. Lips. 1764

## 6. *Conditio ægri & opificium.*

217. Varia hominum *opificia* non tantum ad varios sæpe morbos prædisponunt, quatenus diversa organa corporis sub diverso labore exercent aut adficiunt; sed & causas morborum ipsas occasionales multiplices offerunt; latentis morbi igitur naturam sæpe aperiunt. Sic v. g. fabri ferrarii, ob vehementiorem ignem, cui exponuntur, ob vehementiora musculorum pectoralium exercitia, morbis inflammatoris& quidem thoracis maxime sunt obnoxii. Sartores & sutores econtra, ex continua viscerum abdominalium pressione, morbis abdominalibus, atque malis inde oriundisrequentissime exponuntur. Tubicines in hæmoptoen, bajuli in hernias proclives sunt. Fumarii peculiari morbo, cancro scroti vexantur. Atque sic plurimi alii morbi, morborumque semina e variis hominum negotiis & occupationibus generantur.



*B. Ramazzini*, de morbis artificum. Genev. 1717.

— — — — — deutsch durch *Akermann*, Stend. 1780.

*G. Adelmann*, über die Krankheiten der Künstler und Handwerker. Würzb. 1803.

## 7. *Hæreditaria constitutio.*

218. Negarunt quidem aliqui morbos *hæreditarios*; sed innumeræ experientiæ confirmant, tum varias organicas constitutiones, tum & dispositiones morbificas varias, evolutiones morbosas, & morbos ipsos a majoribus, præcipue a patre ad proles æque modo propagari posse, uti hominum physiognomiam propagari videmus. Calculus, podagra, phthisis, hæmorrhoids, epilepsia, mania, alii-que varii morbi a parentibus ad proles certissima experientia descendunt. Quinimo aliqui horum morborum certis Familiis per plures generationes proprii manent.

219. Eorum igitur notitia proclivitatem certam in certos morbos patefaciet; multiplicia prophylactica auxilia indicare, & ad ipsam prognosin multum conferre potest.

*J. W. Ploucquet*, über die Erbfähigkeit der Kinder Tüb. 1779.

*J. B. Kreuzner*, über die Erblichkeit der Krankheiten. Wien. 1790.

*J. G. Fr. Henning*, über die Erbkrankheiten. Zerbst. 1800.

## 8. *Idiosyncrasia.*

220. Singulorum hominum *idiosyncrasia* medicorum attentionem quammaxime requirunt. Dan-

tur scilicet peculiare constitutiones, quæ a nonnullis impressionibus longe aliter adficiuntur, quam reliqui plerique homines. Sic dantur feminæ, quæ ex intuitu araneæ aut muris convelluntur, aut vomunt; aliæ ex minima data causa vertiginosæ fiunt &c.

221. Ex hacce peculiari idiosyncrasia nonnulli in morbo ac in sano statu inconsuetis phenomenis se distinguunt. Quidam delirant in minimo febris gradu; alii vorant sub maximo morbo; nonnullis pulsus in sanissimo statu intermittit; aliqui cadaveroso fere intuitu, aut semiclausis oculis dormiunt. Ne ergo habeamus sæpe pro symptomate morbi, quod homini naturale est.

222. Denique in quibusdam hominibus etiam medicamina nonnulla vel perverse, vel penitus non agunt nonnunquam. Sunt, qui ab ipecacuanha non vomunt, qui moschum, camphoram, acetum non ferunt, ex insolitis purgantur, a remediis minime heroicis maxime adfiuntur.

223. Harum ergo idiosyncrasiarum cognitio præsentis sæpe morbi originem & dijudicationem, atque pharmacorum exhibendorum rationem docet. Hinc, uti *Celsus* dicit, medicus amicus semper est optimus,

## 9. *Particularitates variae ægrorum.*

224. Neque superfluum erit, ubi fieri facile poterit, *particularitates* varias ægrorum, circumstantias eorum domesticas, variasque alias conexiones explorare, quæ cum præsentis morbo in aliqua existere ratione possunt. Varii enim ani-

mi adfectus et calamitates variæ occultæ, non tantum de varia in morbos proclivitate, sed & de ipsis causis morbificis, & de latentis morbi genio & indole medicum instruere valent. Ast hæc interrogando non semper extorquentur ex ægris, alioque sæpe modo detegi debent.

225. Hisce animadversis facilior multum redditur etiam cognitio morborum fictitiorum, quos homines ex multiplici ratione quandoque simulant. Viceversa iterum nonnulli revera ægrotantes, speciem sanorum exhibere volunt; quod certius sæpe ex intentione cognita, quam ex symptomatibus falso adsignatis desumitur.

### 10. *Morbi prægressi.*

226. Nihil autem magis proclivitates hominum in certos morbos designat, quam historia morborum ægri jam prægressorum & perpefforum quondam. Nam multi homines in vitæ suæ corculis eidem quandoque morbo frequentius obnoxii sunt. Videmus hoc in illis, qui sæpius, & quidem uno in anno, angina, pleuritide, hæmorrhagiis, ictero, arthritide, feбри intermittente, erysipellate &c. vexantur.

227. Deinde morbi quidam perpeffi, etiamsi non ipsimet reiterata vice absolute compareant, saltem quasdam proclivitates in alios morbos relinquunt, qui ubi irruunt, eo facilius cognoscuntur, quo exactior prægressorum notitia fuerit. Sic hæmoptye, pleuritide vexati facile in phthisin, ictero sæpius laborantes aut febribus intermittentibus, facile in hydropem proni sunt &c.

228. Non negatur hic, quemvis hominem vix non cuivis morbo obnoxium esse posse; non negatur, homines eodem morbo pluribus vicibus non absolute prehendi deberi; neque negatur, aliquos dari, qui provectionem ætatem adtingunt, antequam morbo quodam corripiantur.

229. Interim tamen sæpius ex morbis jamjam perpessis, præcipue certis perpessis, aut ex ipsa prioris sanitatis incolumitate aliqua saltem proclivitas elucescit in hunc vel alium morbum probabiliter eventurum. Imo ipsa causa præsentis morbi ex cognitione elapsi mali quandoque patescit. Sic v. g. hæmorrhoides quondam fluentes, scabies, erysipelas prægressum ad præsentis morbi naturam & fontem non vana sæpe conjectura ducunt.

230. Hocce examen ergo etiam contribuet ad cognitionem, utrum morbus præsens sit originarius vel *primarius*, vel autem *secundarius*, ex prægresso originem trahens, aut in aliqua cum illo ratione existens.

231. Denique hoc examen designabit quoque, quænam pars corporis ab alio prægresso quondam morbo vel in organismo mutata, vel debilitata fuerit, proinde ad futura mala magis disposita. Quæ consideratio non solum ad diagnosin morbi, sed etiam ad prognosin ipsam formandam plurimum confert. Metastases & metaschematismi morborum libenter ad illas partes fiunt, quæ ab alio morbo prægresso maxime sunt debilitatæ.

232. Etiam si autem æger de morbis quondam prægressis exactam medicamque descriptionem red-

dere non semper valeat, morbumque unum vel alterum perpeffum denominare & fufficienter determinare nesciat, tamen ejusmodi morbus ex descritto decurfu, ex adnotatis caufis & fymptomatibus, ex auxiliis adhibitis &c. utcunque cognoscendus erit.

233. Præ aliis autem medicus examinans ab ægro refcire debet, utrum illos jam morbos perpeffus fuerit, qui difpofitionem fimul auferunt ad alterum fimilem morbum fubeundum. Tales funt fic dicti *morbi infantiles*, variolæ, morbilli, scarlatina. Dantur enim adultiores quandoque homines, qui morbos hosce nondum abfolverunt. Medicus ergo, qui negligit de iftis interrogare, a mifera nonnumquam vetula confunditur, quæ circumftantias adtentius perpendens, juftiorem de morbis hifce futuris aut non futuris fufpicionem habere poteft.

234. Hæc jam funt omnia momenta, ex quibus variæ hominum in varios morbos difpofitiones & proclivitates eruuntur. Ex hifce faltem fufpicio de morbi latentis natura exoritur. Nam ubi proclivitas illa abeft, morbus huic difpofitioni non contentaneus adefle vix poteft. Sic feniculus vix laborabit lumbricis, nec infans hæmorrhoidibus, nec variolatus variolis &c. Ex hifce infimul momentis conditio ægroti fubjecti optime elucebit, quod non tantum ad morbi diverfam in diverfis individuis modificationem cognoscendam, fed & ad therapiam rite dirigendam abfolute requiritur.



235. Videndum autem erit, quomodo ex ulteriori examine ægri, illa suspicio de natura morbi e proclivitatibus capta confirmabitur, vel non; & quomodo certior ejus & exactior cognitio obtinenda erit.

*Fr. Hoffmann*, Dissert. de corporum dispositione ad morbos. Hal. 1715.

*H. Schulze*, Dissert. de loco, quo corpora sana morborum initia suscipiunt. Hal. 1738.

*L. Enan*, Dissert. de morborum seminibus. Edinb. 1777.

## II.

### Causæ morbi occasionales.

236. Certissima morbi determinatio, prognostis securissima, atque tutissima therapia a causæ morbi cognitione pendet. Hinc nunquam nimia accuratio in causis morborum indagandis adhiberi potest. Cognitis enim hisce facillime adscendimus ad ideam effectuum, qui morbus sunt, ad symptomatum morbosorum intelligentiam, ad ideam ablationis morbi vel incurabilitatis ipsius.

237. Hæ causæ occasionales, sive excitantes (potentias nocentes *Gaubius* vocat), quæ faciunt, ut morbus existat, adeo relativo modo in certis individuis producant morbum, ubi dispositio favet, ut in aliis & aliter dispositis subjectis aut nullum morbosum, aut & salubrem effectum gignere valeant; quandoque autem iterum adeo absoluto modo morbum generant, ut ad qualemcunque dispositionem allidentes, semper damnosum aut mor-

bosum effectum secum ferant. Utraque causarum harum operatio probe distinguenda est. Ad priorem intelligendam cognita ægri dispositio multum; ad posteriorem vero eruendam parum, aut & nihil quandoque confert.

238. Triplex autem casus sub quærendis hisce causis medico ad lectos ægrorum obvenire potest. Vel enim 1) *æger ipse causas morbi adsignat*; vel 2) *medicus suo examine, & strictiori quandoque, illas extorquere potest*; vel 3) *æger, utut strictissime monitus, penitus illas ignorat, & a solo medico circumstantias morbificas generales probe noscente, eruendæ veniunt.*

### 1. *Causæ ab ægro ipso adsignatæ.*

239. Quandoque æger interrogatus, ipse causam morbi, & bene & certam adsignat; præcipue si unica, violenta & absoluta morbum produxerit. Bene memorabit v. g. se post lapsum aut ictum primam morbi invasionem percepisse. Vel adfines aut alii adstantes, causas quasdam adperiunt.

240. Digrediuntur quidem plurimi hac in narratione & evagantur; sed hæc a medico patienter sunt audienda, ne in ordine suo proposito & filo narrandi turbati obliviscantur aliqua, quæ scitu sunt digniora.

241. Non raro tamen & falsas adsignant causas. Carnem v. g. quam cum nausea comederunt, quoniam opportuni jam in morbum fuerunt, pro causa morbi accusant. Medicus ergo causas adsignatas probe dijudicet oportet.

## 2. *Causæ medici examine extor-* *quendæ.*

242. Nonnullos ægros pudet causam morbi revelare. Ita venerei, gravidæ sæpe.

243. Aut etiam causam indicare nesciunt, quam aut non amplius recordantur, aut ad quam sufficienter non adverterunt.

244. Frequenter enim non unica, sed plures simul causæ ad morbum producendum conferunt, quæ si non sint violentæ, ab ægris negliguntur, nesciis, quantitatem plurium, utut exiguarum potentiarum nocentium, qualitatem vehementiorum non raro superare. Sic ad pauperum debilitates producendas, & vestitus pravus, & frigus aut humiditas, & inedia aut malus victus, & animi pathema triste, & plures aliæ nonnunquam causæ simul conspirant.

245. Ista potentiarum varie & contrario sæpe in corpus agentium multiplicitas magnam tamen ponit difficultatem in eruendis morborum naturis juxta doctrinam *J. Brunonis*, qui ex causis prægressis unice diagnosin elicere contendit, atque ergo potentiarum oppositarum separatim numeratarum vehementiam & summam stricte considerare, prævalentiumque actionem dijudicare jubet; quod in praxi difficillimum est.

246. Ut æger, causas morbi sui non advertens, ad illas ideas reducat, quæ fontem morbi revelare possent, optimum erit, præcipua illi momenta proponere & in mentem revocare, quæ frequentissimas morborum occasionales causas fiunt. Anqua horum

jam resciebantur sub examine proclivitatum. Reliqua reducuntur ad *ingesta, gesta, applicata externæ*.

247. *Ingestis* adnumerantur alimenta, potulenta, medicamina, aër inspiratus. De hisce sedulo interrogandum est, an ad præsentem morbum non contulerint. *Alimentorum & potulentorum* qualitas aut quantitas an non peccaverit. *Medicamina*, prophylactica fors a sano adhuc adsumta, an occasionem morbi non dederint. *Aër inspiratus*, an non calore, frigore, utriusque repentina vicissitudine, humiditate, impuritate &c. sanitati molestus fuerit.

248. *Gesta* constituunt motus & quies, corporis & animi, somnus & vigiliæ. Horumce excessus & defectus, adeo sæpe nocivi, sedulo expiscandi sunt.

249. *Applicata* denique *externæ* multiplicia, mechanice lædencia, aut chemice irritantia, horumque saltem potiora & frequentiora, in examine hocce non negligenda erunt.

250. Primum tamen hic denuo & inter istas potentias locum defendit aër, per superficiem corpori frequenter infestus, plurimorumque morborum fons. Propterea præcipuam adtentionem merebunt:

251. *Domicilium* ægri, in quo habitat, aut ante morbum habitabat. An subterraneum, nimis calidum, vel frigidum nimis, aëri nimis pervium, aut penitus impervium, nimis obscurum, vel lucidum nimis, exhalationibus nocivis sætum, vaporum vegetabilium, narcoticorum, animalium, putridorum metallorum, parietum recenter exfractorum; hominum plurimorum in eodem cubili commorantium &c.

252. *Situs loci*, in quo æger stabilem sedem habet & ante morbum habebat. An depressus, humidus, paludosus, maritimus, ventosus nimis, montanus, sylvestris, arenosus &c.

253. *Clima* ipsum, ob aëris solique conditionem certis morbis, certisque morborum modificationibus quandoque favens; quod mutati climatis in nonnullos morbos & homines evidentissimi effectus probant. An torridum, calidum, temperatum, frigidiusculum, frigidum.

L. L. Finke, Versuch einer medicinisch practischen Geographie. Leipz. 1792. 3 B.

### 3. *Causæ a solo, medico erundæ.*

254. Quodsi æger examinatus consideratusque circa omnia momenta superius exposita nihil respondere valeat, quo causam morbi medico exploranti aperire possit; quodsi & nihil de ea proferre sciat, quoniam penitus ipsum latet (v. g. epidemicum invisibile miasma, aut contagiosum); tunc omnino cognitio causæ morbificæ ex aliis fontibus eruenda venit, soli medico cognitis & ab illo probe reputandis.

255. Morborum scilicet universaliter grassantium ac ex causis minus manifestis sæpe prodeuntium perpensio, comparatioque cum dato morbo, plurimum adhuc ad ejus diagnosin contribuere possunt.

256. Hinc maxima adtentio habenda ad morbos endemios, ad characterem stationarium, ad epidemias regnantes, ad anni tempus & ad contagia grassantia.



## A. *Endemii morbi.*

257. Sicuti peculiare & certi morbi, morborumque characteres, provincias quasdam perpetuo molestare solent, *endemii* dicti; uti v. g. scorbutus & fluor albus polonicas terras, febris intermittens paludosam Hungariam &c.; ita econtra nonnullæ regiones a certis morbis adeo immunes iterum sunt, ut eorum rarissima suspicio ibi haberi possit. In Polonia v. g. calculi vesicæ & rachitidis rariora exempla dantur.

258. Hæc ergo endemiorum malorum cognitio, conjecturam de latentis morbi natura sæpe largitur.

*Fr. Hoffmann*, Diss. de morbis certis regionibus & populis propriis. Hal. 1705.

*C. Wintringham*, Treatise of endemic diseases. 1718.

*F. Carteuser*, de morbis endemiis. Fr. 1771.

*N. Fabricii*, Diss. de morbis endemiis. Duisb. 1786.

## B. *Character stationarius.*

259. Ille morborum character, qui per plures, sed incertos numero annos observatur, omnibus morbis, tum febrilibus, tum non febrilibus parasitico quasi modo adhærens, omnes fere morbos in suam potestatem redigens; more aliarum epidemiarum increscens, vicens, decrescens, æque alii iterum characteri incerto ordine locum cedens & dignitatem, *stationarius* vocatur.

260. Talem revera existere stationariam epidemiam, observationibus non tantum *Sydenhamianis* & pro parte *Stollianis* evincitur, sed & hodierna

confirmatur experientia, dum characterem debilitatis per plures jam annos morbis adhærere conspiciamus, quem antea (quod optime recordamur) non talem observavimus.

261. Hujus ergo characteris universalitas summe ad illum adtentos reddere debet medicos in morbis dijudicandis.

N. Ridèrer, Diss. de febris stationaria. Stutg. 1791.

### C. *Epidemiæ regnantes.*

262. Sunt autem & alii morbi, qui in populum quandoque grassantur, plurimosque eodem tempore homines infestant; nec tamen adeo fixi sunt, uti stationarii, nec contactu propagantur, uti contagiosi; sed ex aëris tum conspicuis, tum pluribus occultis morbificis qualitatibus proficiscuntur, aut ex aliis universalibus morborum causis profiliunt, ex victu per omnes pravo, annonæ caritate; ex aquis insanis &c.

263. Hi *epidemic*i dicuntur, atque ad eos medicus summopere attendere debet, ubi ægritudinis alicujus naturam determinare vult; nam dominium eorum latissimum est. Ita inflammatorii sæpe morbi, aut alii iterum varii adeo late grassantur, ut apud ægros plerosque talem morbum, talisque morbi originem suspicere liceat.

264. Notare etiam oportet, epidemicos non tantum characteres morborum, populo insensos, sed & *formas peculiare*s epidemicas non raro observari. Sic ipsa inflammatoria epidemia v. g. mox anginas, mox ophthalmias, mox catarrhos, pleu-

ritides &c. producit; sic febres intermittentes certo tempore omnes larvatæ.

265. Genii epidemici igitur cognitio plurimorum morborum determinationem faciliat, causarumque latentium originem sæpe detegit.

*A. E. Büchner*, de differentiis morborum, quæ constitutioni epidemicæ debentur. Hal. 1768.

*Lepecq de la Cloture*, Anleitung epidem. Krankh. zu beobachten. A. d. Fr. Leipz. 1785.

*Ph. Fr. Hopfengärtner*, Beyträge zur Theorie der epidem. Krankh. Leipz. 1795.

## D. *Anni tempus & tempestas.*

266. Totius atmosphæræ conditio maximum influxum in morbos progignendos, exacerbandos & varie immutandos habet. Magnus ergo ad eam sub causis explorandis respectus habendus.

267. Mutatur autem quammaxime in suis sensibilibus qualitatibus sub diverso anni tempore, hyeme, vere, æstate, autumno.

268. Hinc etiam multi, & universales sæpe populorum morbi, hisce temporum qualitatibus adhærentes, sub certis annuis periodis observantur, atque propterea *annui* dicuntur; ac si omni anno quasi recurrant. Febres intermittentes vernaes inter vulgaria exempla sunt.

269. Etsi enim dentur, uti *Th. Sydenhamus* adfirmat, morbi quidam omnium horarum, qui scilicet omni anni tempore comparere possunt & comparent; sunt tamen alii, qui annorum tempora

penitus sequuntur, non aliter, quam aves aut plantæ quædam.

270. Verum est, medicos nonnullos & scriptores observationem hancce magno abusu ad praxin medicam adplicasse, ac si natura morborum a temporum qualitatibus (unice penderet. Interim tamen temporum horumce considerationem ad genus morborum cognoscendum multum quandoque conferre posse, libenter concedimus.

271. Idem intelligendum est de accidentalibus atmosphæræ sub vario anni tempore mutationibus, quæ *tempestatum* nomine veniunt, atque causas morborum sat universales sæpe præbent. Minime tamen credimus, meteorologicas observationes epidemicorum morborum omnium naturam tuto statuere posse, qui sæpissime ex longe alio fonte, & magis occulto exoriuntur, quam ex conspicuis atmosphæræ qualitatibus.

272. Illæ denique morborum tum origines, tum exacerbationes, quæ circa *tempora æquinoticalia* communiter observantur, medici adtentione etiam haud indignæ sunt.

*Meibomii*, Diss. de morbis vernis. Helmst. 1677.

*Fr. Hoffmann*, Diss. de temporibus anni insalubribus. Hal. 1705.

*N. Chicot*, de anno & anni tempestatibus.

*A. Alberti*, Diss. de morbis æstivis. Hal. 1745.

*J. Juncker*, Diss. de morbis autumnalibus. Hal. 1745.

*H. Schulze*, Diss. de constitutione atmosphærica. Hal. 1791.

*N. Scharten*, Diss. de morbis autumnal. Giefs. 1791.

## E. Contagia.

273. *Contagia* ab epidemiis in eo quidem differunt, quod contactu immediato vel mediato ut plurimum propagentur, plurimisque *successivo tempore* hominibus communicentur. Sed negari non potest, eorum nonnulla etiam absque contactu, ex sola adproximatione in atmosphæram ægrorum divulgari posse.

274. Adeo late autem sæpe grassantur, ut eorum cognitio ad morbi alicujus originem & naturam definiendam certo quandoque ducere possit. Ita pestis, variolæ, morbilli &c.

275. Nonnunquam ipsi endemii morbi non ex alio, quam contagioso fonte oriuntur. Sic pestis in Aegypto & Turcia; sic typhi in nosocomiis & carceribus, quousque contagium non eradicatur.

\* \* \*

276. Consideratis jam hisce omnibus fontibus, ex quibus causæ morbificæ notitia hauriri potest, facile patet, ejus tamen cognitionem non semper *certam*, sæpius *conjecturalem*, imo & quandoque *nullam* esse posse.

277. Unde & aliæ omnino circumstantiæ colligendæ erunt, ex quibus latens causa vel erui adhuc, vel & cognita aut conjecturata confirmari & certificari possit.

J. Peregrini, de ratione cognoscendi signa & causas morbor. Bon. 1563.

E. Eysel, de prudentia medici in indagandis morbor. causis. Erf. 1704.



*Fr. Hoffmann*, de morbor. causis rite cognoscendis.  
Hal. 1717.

*J. Stenzel*, Diff. de rite perquirenda origine morbor.  
Viteb. 1733.

*A. E. Büchner*, de optima methodo causas morbor.  
investigandi. Hal. 1753.

*N. Schrader*, Pr. de rite cognoscendis morbor. cau-  
sis. Rintel.

### III.

## Morbi decursus & symptomata.

278. Decursus morbi, ejus scilicet modus decurrendi, stadiorum successio, ipsa quoque symptomata morbosa, tum prægressa tum & præsentia, utut a multis neotericis in consideratione morborum male neglecta, magnam tamen semper adtentionem sub ægri examine merentur; quoniam causam morbificam ab ægro adsertam, aut a medico conjecturatam optime confirmant; ignotam vero, si ab effectibus ad illam concludere licet, sæpe aperiunt; proinde latentem morbi naturam non raro manifestant. Quantum v. g. in morbo varioloso, decursus stadiorum, pustulæ variolosæ ac reliquorum symptomatum consideratio ad revelandam mali naturam contribuant, neminem latet.

279. Ad illa jam decursus symptomatumque morbosorum phenomena rite colligenda requiritur, ut morbi status tum *anamnesticus*, tum *præsens* exacte exploretur; sequenti fere ordine.

## 1. *Status anamnesticus.*

280. *Præsentis morbi anamnestica historia*, five collectio phenomenorum, quæ in præsentī morbo usque ad medici adventum occurrebant, plura momenta ad morbum cognoscendum offert; quorum examen ergo exactissimum sit oportet.

281. Ad exactam istam historiam requiritur cognitio *temporis initii morbi*; *phenomenorum initiantis morbi*, sub quibus exordium sumsit; *phenomenorum decurrentis morbi*, sub quibus ad hodiernum diem decursum suum absolvit; denique & *therapiæ hucusque adhibitæ*, vel non adhibitæ.

### A. *Tempus initii morbi.*

282. Medicus omnium primo indagabit in præsentis morbi *initium*, & quidem, si possibile fuerit, ipsum *diem initiantis morbi* expiscabitur. In æcutis præcipue morbis & febrilibus (ubi hoc etiam facilius determinari potest) plurimum sæpe interest scire, quotus morbi dies numeretur.

283. In historiis morborum scriptis semper ille dies morbi, & dies mensis simul adnotandi veniunt. Sequenti modo:

$\frac{1}{6}$	Dies mensis.
6	Dies morbi.

Quod & in decursu morbi per totam historiam continuandum. V. g.  $\frac{2}{7}$   $\frac{3}{4}$  &c.

284. Aegri interim, aut & adstantes primum morbi diem exacte adsignare sæpe nesciunt, aut &

falso adsignant; atque tunc in historia morbi tale initium etiam qua conjecturale tantum adnotare oportet. Præcipue in chronicis malis (ubi alioquin minus interest) non raro vix hebdomada aut mensis initii resciri potest.

285. Ex prudenti tamen ceterum examine multum dependebit, ægrum in enarrando morbi initio ita dirigere, ut sponte ad primum morbi diem ducatur; siquidem hoc rescire absolute necesse sit.

286. Denique patet, ex hocce initio cognito, morbi durationem ac ætatem statim cognosci posse.

## *B. Phenomena initiantis morbi.*

287. Cognito initio morbi, examinandus æger erit, quibusnam symptomatibus in primo exordio præsens morbus ipsum ingressus fuerit; quænam phenomena tunc in toto corpore, saltem potiora & eminentiora, aut ægro molestiora adparuerint, vel non adparuerint.

288. Atque, dum ægri ipsi functiones quasdam ab ipso jam morbi initio læsas, vel non bene animadverterunt, vel non amplius in morbi decursu recordantur; medici officium erit in examine ægrum ita dirigere & ad varias circumstantias ducere, ut potioribus saltem phenomenis cognitis, natura initiantis morbi, quantum fieri licet, detegi possit.

289. Sic eo facilius fit, ut morbus præsens statim ad certam aliquam in systemate morborum classem reducatur. Rescietur scilicet, utrum ex

classe febrilium sit, si cum horrore inceperit; vel utrum cum phenomenis inflammatoriis, gastricis, nervosis &c. originem sumserit.

290. Etiam si morbi facies per decursum utcumque immutari possit, tamen ad primariam morbi naturam cognoscendam omnino etiam confert morbi initii forma.

291. Quamplurimum autem interest rescire, utrum morbus *derepente*, vel *lente* ægrum invaserit, opportunitate scilicet prægressa; deinde, utrum *cum* vel *absque locali* aut *organica adfectione* exordium fecerit. Ita enim facilius distinguuntur morbi virium ac facultatum a morbis organismi.

### C. *Phenomena decurrentis morbi.*

292. Expiscandum insimul ex ægro erit, quemnam decursum morbus ad præsentem usque diem observaverit; & quidem, ubi fieri potest, quotidiana decurrentis hucusque morbi historia erit exaudienda.

293. Exinde intelligetur, utrum morbus in incremento, statu aut decremento versetur; utrum in decursu suo varie fuerit immutatus, complicatus, variam directionem adeptus, sive a therapia adhibita, sive ab accidentalibus circumstantiis, sive ex propria sua natura; utrum typum magis minusve acutum, continuum, vel remittentem, vel intermittentem tenuerit.

294. Atque percurrendo elapsos morbi dies, de phenomenis symptomatibusque saltem eminen-

tioribus interrogandum erit. In quibus omnibus diagnosis multum fundatur.

### D. *Therapia hucusque adhibita.*

295. Neque obliviscendum in hocce examine erit, quænam *medela* in præsentī morbo per totum hucusque decursum *adhibita*, vel *non adhibita* fuerit; ut effectus morbi, aliarumque in corpus agentium potentiarum, ab effectibus medicaminum & reliquæ therapie distingui facilius possint.

296. Resciendum igitur erit, utrum venæsectiones institutæ, & quot, utrum emetica, purgantia exhibita, vel alia auxilia, tum medica, tum domestica, præcipue heroica tentata fuerint; atque si formulæ fors ab alio medico præscriptæ existant, perlegendæ erunt. Si vero formulæ hæ non amplius habeantur, ex sapore, odore, effectui summi medicaminis, virtutem ejus conjecturare oportebit.

297. Simili modo & diætetica auxilia adhibita exploranda erunt; imo non raro & superstitiosa.

298. Ex hisce simul elucebit, utrum hucusque in usum vocata *juvaverint*, vel *nocuerint*, vel *neutrum*; quod quidem rescire non minimum est. Nam ex juvantibus & nocentibus sæpe certiorum indicationum fontes oriuntur, præcipue in chronicis malis; neque ipsi ægri facile negligunt adsignationem eorum, ex quibus emolumentum, vel detrimentum persenserunt.

299. Ipsa ergo morbi diagnosis ex cauta juvantium & nocentium dijudicatione facilius certiorque non raro redditur.



## 2. *Status morbi præsens.*

300. Exploratis cognitisque hisce omnibus prægressis in præsentî morbo, medicus adgreditur ejusdem morbi *diagnosticam historiam*, id est, examinat colligitque omnia præsentia in corpore ægroto phenomena, quæ ad morbi cognitionem contribuere valent. Symptomata hic morbosa, utpote causarum morbificarum immediati aut mediati effectus, optima signa diagnostica exhibebunt.

301. Ne autem aliquid obliviscatur in examine plurimorum illorum phenomenorum, opus est, debito quodam & habituali sibi facto ordine uti.

302. Aliqui medici, quoniam de functionibus læsis interrogare necesse est, *ordine physiologico* ægros suos examinant, percurruntque functiones vitales, naturales, animales, sexuales &c. Sed hic difficultates quædam occurrunt.

303. Præplacet *ordo anatomicus*, quo juxta partium situm phenomena colligimus, incipiendo a capite, & descendendo ad omnes reliquas partes. Hocce modo nec facile aliquid obliviscimur in examinando, nec facile quæstiones inutiles repetimus. (*Max. Stoll*).

304. Incipimus ergo examinare a capite, descendimus ad thoracem & abdomen, transimus ad extremitates, ad corporis superficiem, atque ad excretiones. Natura ipsa hunc ordinem defendit; pro diversa nobilitate viscera in diversa altitudine locavit.

## A. Caput.

305. In capite, ubi initium hujus examinis sumitur, distinguimus *cranium & faciem*.

### a. *Cranium*.

#### aa. *Externum*.

306. Externa cranii superficies examinanda exactius sæpe venit; utrum sit *vulnerata, contusa, dolens, tumoribus obfessa*, morbose *voluminosa &c.* Nonnunquam *tinea, achores*, ipsi *capilli* respectum merentur, eorum *siccitas, copia molesta, intricatio, defluvium &c.*

#### bb. *Internum*.

##### a. *Mentis conditio*.

307. Functiones mentis sensorio communi peragi, omnes arbitramur; atque eas, dum læduntur, ad objecta practici medici pertinere (140.) dictum est.

308. Ideo & omnium primo de nobilissimæ hominis conditione solliciti sumus, ac examinamus, utrum æger plenaria *mentis præsentia* gaudeat, vel utrum mentis, ut ajunt, *alienatio* adsit. Posteriori in casu totum etiam examen ex ægro haustum, vanum esset.

309. In febrilibus morbis mentis hæc alienatio sub nomine *delirii* venit. Estque observandum,,

an illud quoad typum sit *continuum*, *remittens*, an vero *intermittens* aut *periodicum*, cum lucidis intervallis. An sit *mite* aut *ferox* quoad vigorem; gestibus indecoris aut *furiosis* comitatum; an sit *triste*, *taciturnum* aut *jocosum* quoad pathema.

310. In chronico statu circa *maniam*, *amentiam*, *melancholiam*, ideas fixas &c. idem fere examinandum erit.

311. Sæpe etiam considerandæ veniunt, quatenus cum morbo in relatione sunt, *singularium mentis facultatum læsiones*; variæ animi imbecillitates, *fatuitas*, *memoria madida* &c. aut exaltatæ econtra conditiones, *imaginatio fortior* &c. Nam functiones mentis, uti omnes reliquæ physiologicæ, triplici modo lædi possunt, exorbitando, languendo, & declinando a directione debita.

312. Nonnulli autem in sano statu stupidi, fatui &c. sunt, quod sciendum. Tales imbecillitates ne deinde adscribantur morbo præsentis.

*A. E. Büchner* r. *Bodenburg*, de dilirus vitam & mortem præsagientibus. Hal. 1756.

*E. H. Döring*, Hippocratis doctrina de deliriis, optimum semiotices exemplar. Marb. 1790.

*C. Schmid*, Classification der Seelenkrankheiten. In *Hufeland Journ.* X<sup>r</sup>. B.

### β. *Molestiæ.*

313. Explorantur jam dolores, quos æger interne sentit, vel non sentit in cranio, & titulo aliarum molestiarum accusat,

314. Huc spectat capitis dolor, *cephalgia*, quæ quoad typum vel erit *continua*, vel *remittens*, vel *intermittens & periodica*; quoad regionem doloris persensu *totalis*, vel *partialis*, & quidem *orbitalis*, *frontalis*, *temporalis*, *occipitalis*, *hemicrania* ex uno latere, vel *clavus*, in uno quasi puncto perpressa. Quoad intensiorem vero & qualitatem molestiæ perpressæ erit vel *atrocissima*, cum sensu *puncturæ*, *pulsationis*, *tensionis*; vel levior in vario gradu; vel *obtusa*, *temulenta*, *vertiginosa*, absque omni dolore molesta.

### γ. *Somnus.*

315. In dormientibus mens quasi quiescit. Igitur in ordine hic simul interrogamus ægrum de somno; qui vel nullus erit, *agrypnia*, *pervigilium*; vel *parcus*; vel *insomniis turbatus*, vel *non reficiens*; vel econtra nimius, *sopor*; cum calore febrili, *coma*; cum inquietudine & delirio, *comagigil*; aut cum frigore fere lethali, *lethargus*.

J. E. Thebesii, Diss. de somno, ut signo. Lips. 1740.

J. G. Kruger r. Scheibner, Diss. de somnio, morborum patre & filio. Helmst. 1754.

### b. *Facies.*

316. Capitis pars anterior, *facies*, diversæ præbet phenomena, qua signa, examinanti medico,

aa. *Vultus.*

317. Imprimis considerata venit *tota facies*; quæ quandoque carne & rubris humoribus extensa, plena aut *turgida* cernitur; quandoque autem *extenuata*, debilitatem referens, *macilenta*, misera & angulata adparet, iterum nonnunquam inflata quasi, serosis humoribus referta & *oedematosa* conspicitur.

318. Quoad colorem facies mox *rubra* erit; mox *rosea*, mox *flava*, *flavescens*, *pallida*, *terrestris*, mox mixta ex diversis coloribus; aut & *exanthematica* aut *impetiginosa*.

319. Quoad pathema autem *vultus*, quo animus sæpe æstimatur, distinguitur in *languidum* & *tristem*, involuntarie *ridentem* (sardonius risus) aut *flentem*; *indifferentem*, *morosum*, *furiosum* &c.

320. Imo & plures morborum conditiones ex habitu peculiari faciei, sive *physiognomia*, ab expertis cognoscuntur, quin signa hæcce aliis communicare sciant. Obpositarum conditionum valetudinis consideratio hoc confirmat. Nam tantum vix non differt facies periculose ægrotantis aut moribundi ab illa sanissimi, quantum cadaverosa ab illa viventis hominis.

321. Ipse *Hippocrates* physiognomicos illos characteres non solummodo optime cognovisse, sed & maximi habuisse videtur valoris, & plures felicissime descripsit, uti ex ipsius libri de prænotionibus concludere licet. Juxta hanc descriptionem



ab eo tempore facies morientium, *hippocratica facies* dicitur.

*Chr. Lange*, facies Hippocratica levi penicillo adumbrata. Lips. 1651.

*J. V. Merbitz*, de varietate faciei humanæ. Dresd. 1676.

*G. E. Stahl* r. *Struve*, Diss. de facie morbor. indicæ. Hal. 1700.

*J. E. Schaper*, an e coloribus in microcosmo &c. aliquid judicari possit. Rost. 1706.

*S. Th. Quelmalz* r. *Akermann*, Diss. de profoscopia. Lips. 1748.

*A. E. Büchner* r. *Willmann*, Diss. de fronte morbor. interprete. Hal. 1755.

*E. A. Nicolai* r. *Hammes*, de habitu faciei, ut signo. Jen. 1763.

*R. L. Wychel*, considerationes medicæ de physiognomia hominis. Duisb. 1779.

*F. R. Isenflamm* r. *Wegelin*, Diss. de physiognomia pathologica. Erl. 1782.

*G. Hofmann*, Kunst, Krankheiten aus dem Gesichte zu erkennen. Frkft. 1800.

## bb. *Oculi.*

322. Partium faciei præterea nulla characteres prodit magis physiognomicos, quam oculus, observatione & attentione medici summe dignos.

*S. P. Hilscher*, Pr. de oculis, sanitat. & morbor. indicibus. Jen. 1745.

*H. P. Juch* r. *Schütz*, Diss. de oculo ut signo. Erh. 1748.

*A. E. Büchner* r. *Oswald*, Diss. de oculo ut signo. Hal. 1752.

*Chr. W. Härtel*, Diff. de oculo ut signo. Got. 1786.  
Deutsch. Königsb. 1791.

*Ph. Th. Meckel r. Fabricio*, Diff. de signis morbor.  
quæ ex oculor. habitu petuntur. Hal.  
1793.

## x. *Palpebræ.*

323. In regione oculorum autem primo considerandæ veniunt *palpebræ*; utrum *mobiles*, aut *immobiles*, a paralyfi vel debilitatē; utrum e contra *tremulæ* aut *convulsæ*; vel utrum *clausæ*, *semiclausæ*, *involuntarie apertæ*, *non connidentes*; utrum *tumidæ*, *exulceratæ*, *lippæ*, *reflexæ* &c.; utrum denique ad confinia eorum, præcipue circa angulum internum intumescentiæ, aut cavitas, rubor, livor &c.; quæ regio præsertim cum utero, magno in consensu est.

## β. *Bulbus.*

324. Considerandus deinde erit ipse oculorum *bulbus*, qui præter morbos innumeros locales varia characteristica phenomena medico exhibet.

325. In bulbi hujus consideratione varia ejus *mobilitas*; *convulsio*; *rotatio*; *immobilitas*; *spasmus*; tum & *protuberantia*, *depressio* &c. distinguendæ erunt.

326. *Albuginea* adparebit mox *inflammata* & *rubra*, mox *subrubra* (quasi a pulvere illapso *pulverulenta*) uti in morbis plurimis a contagio; mox *flava*; aut *flavescens*, uti in *ictero* (i. *polycholia*;

*mox plumbea*, uti in pituitosis & verminosis; *mox alba & nitida* uti in sanissimis; *mox sicca*, *mox lacrumosa* involuntarie.

327. Ipsa *pupilla*, *mox præter consuetudinem ampla*, *mox contracta*, *mox tarda ad motum*, aut & *penitus immobilis*.

## γ. *Adspectus*.

328. Directio præterea oculorum, seu ipse *adspectus* (der Blick) varias morborum condiciones docebit, prouti vel *voluntarius*, *vividus* erit, vel *involuntarius*, *fixus* aut *vagus*; & quoad pathema *hilaris*, *languidus*, *trux*, *torvus* &c.

## δ. *Visus*

329. *Visus* quoque, vario modo læsus, varia phenomena morbose exhibet; nam vel *nullus* est, vel temporarie *obcæcatus*, vel *hebes*, vel nimis econtra intensus in *photophobia*, vel *duplicatus*, *diurnus*, *nocturnus*, *nebulosus* &c.

## ε. *Nasus*.

330. *Examinatis oculis* in ægro descendit medicus ad *nasi*, *narium* & *olfactus* explorationem, ubi necesse est.

331. *Nasus* ipse quandoque *ruber*, *calens*, *ardens*, uti sæpe in phthisicis; *tumens*, *collapsus*, *exulceratus*, *impetiginosus* &c.

332. *Nares* quandoque *prurientes*, *stillantes* tum mukum, tum sanguinem; quandoque iterum *obstructæ*, *siccæ*, imo *siccissimæ*, atro exsiccati sanguinis pulvere quasi obturatæ, *fuliginosæ*.

333. Est quoque observandum, utrum *pinnæ* narium, quemadmodum sub respiratione summe anhelosa, commoveantur. Denique utrum æger vel penitus non, vel nimis frequenter *sternutet*.

334. Odoratus nonnunquam penitus abolitus deprehenditur, vel *imminutus*, vel corruptus & *depravatus*, uti in ozæna, corrhyza &c.

A. E. Büchner, r. Rolle Diss. de morborum signis, quæ a naribus desumuntur, Hal. 1754.

## dd. *Genæ*.

335. *Genæ* sunt *decolores*, vel varie *coloratæ*, *rubræ*, *rosæ*, *rubroflavæ*, *lividæ*, mox *diffusæ*, mox *circumscriptæ*; *constantes* nonnunquam, iterum alia vice *variabiles*, post pastum, somnum adparentes. Sæpe & *una* tantum gena rubet aut coloratur.

## ee. *O.s.*

336. In *ore* plurima phenomena examinanda & consideranda veniunt. Nam hic & labia, & *givingæ*, dentes, fauces, lingua, deglutitio, halitus oris, sapor, adpetitus, litis, & ipsa vox ægri aliquid circa morbi naturam & formam cognoscendam manifestant.

*A. E. Büchner r. Zimmermann*, Diff. de ore, ut signo.  
Hal. 1752.

*A. J. Hartmann*, Diff. de stomatoscopia medica. Vit.  
1786.

### α. *Labia*.

337. *Labia oris* sunt quandoque nimis *humida*, *mucosa*, aut & *salivantia*; quandoque iterum nimis *sicca* & *fissa*; interdum *tremula*, *tumida*, *exanthematica*; *pallida*, *livida*; mox iterum nimis *aperta*, morbose *oscitantia*; mox *clausa*, *oblique torsa*, vel in proboscidem *elongata*, aut *spumosa*.

338. *Musculus orbicularis retrotractus*, ut *dentes* aperto ore *promineant*, malum sæpe, in ægris debilibus, utut empiricum *signum*.

*A. E. Büchner r. Finger*, Diff. de oscitatione ut signo.  
Hal. 1758.

### β. *Gingivæ*.

339. In *gingivis* examinandum, utrum *laxæ*, *lividæ*, *scorbuticæ*, *exulceratæ*, *tumidæ*.

### γ. *Dentes*.

340. In *dentibus*, utrum *sordidi*, *arrofi*, *cariosi*, *vacilantes*, *stupidi*, *algidi*, *dolentes*, *coarctati*, *fridentes*.

### δ. *Fauces*.

341. *Fauces* ipsæ specialius sunt inspiciendæ in specialibus morbis. Sunt enim quandoque *inflam-*



*matae, ruberrimae, quandoque iterum pallidae, laxae, tumidae; alia vice aridae, exulceratae, aphthosae.*

### ε. *Lingua.*

342. Præ aliis *lingua* ægrorum tum oculis inspicienda, tum digitis tangenda & exploranda erit; nam multa morborum signa detegi possunt ex hujus organi conditione, quod toto cum alimentari & aëreo tractu in maxima ratione est, proprioque multiplici munere gaudet.

343. Imprimis hic observandus venit motus musculi linguæ. Nonnunquam enim *lingua* penitus *immobilis* est, nonnunquam solummodo *cum difficultate movenda & porrigenda*; quandoque *tremula* est ex varia causa; quandoque autem promptissimo modo & multum porrectam linguam ostendit æger; quod quidem optimum.

344. Etiam *loquela* pro varia motus linguæ læsione aut *penitus impedita* est, aut *præpedita* cum variis difficultatibus, *balbutiens, hæsitans &c.*

345. Ipse responsionis modus in ægro ad attentionem meretur; utrum *tarda* vel *prompta* sit. Propterea huc aliquatenus etiam spectat *loquacitas & taciturnitas* morbosa.

346. Denique etiam *volumen* linguæ *auctum* aut *imminutum* considerare oportet. Sæpe totum oris cavum fere replet volumine suo & mollitie, sæpe iterum minima & in conulum *retracta* est, ac dura.

347. Iterum quoad siccitatem & humiditatem magna diversitas in linguis ægrorum observatur. Sanorum lingua est mediocriter *mollis* & *humida*; ægrorum quandoque *subsicca*, vel *sicca*, vel *siccissima* & *arida*, *lignea* quasi, imo *fissa* non raro ex siccitate; *aspera* aut *glabra*. Nonnunquam etiam vesiculis, aphthis, ulcusculis *obsessa* esse potest.

348. Quammaxime autem medici linguæ ægrorum colorem & puritatem observare solent.

349. *Color* linguæ, vel *ruber* magis, vel *pallidus* & *albicans* non multum ostendit, & universim caute dijudicandus est, quia & sanis varius, & a variis rebus ore prius adsumtis dependens esse potest. Sic post acida & nicotianæ fumum lingua pallescit; post cerasa comesta rubescit; post adsumpta extracta & roob nonnulla fuscescit, nigrescit; post rheum flavescit &c.

350. Potiora signa morborum ex impuritate & spurcitie linguæ vulgo hauriuntur. Sed nec sani semper puram linguam monstrant.

351. Illa autem lingua proprie *spurca* dicenda erit, cujus dorsum mucore aliquo obtectum est, nec aqua abluendo, nec tritu abradendo. Ille mucor mox *flavus* adparet, mox *albus* magis & limosus, mox *fuscus* aut & *nigrescens*. Mox totum linguæ dorsum occupat, mox *radicem*, mox unum alterumve latas tantum.

352. Differt tamen a lingua spurca, & probe distinguenda est illa linguæ conditio, ubi non adeo mucore, quam potius prominentibus innumeris fila-

mentis seu villis dorsum linguæ obfessum est, quæ digito tractari commoverique facile possunt. Talis ergo lingua merito *villosa* dicitur.

*Pr. Cassilanus*, de lingua, maximo morbor. acutor.  
sign. Colon. 1626.

*J. M. Hoffmann r. Horst*, Glossographia. Alt. 1677.

*J. R. Kustner*, Diss. de lingua sana & ægra. Alt. 1716.

*D. W. Günther*, Diss. de signis ex lingua. Duisb.  
1772.

*J. Kis Witzay*, Diss. de lingua, ut signo in morbis  
Tyrn. 1774.

*J. Fr. Isenflammt. r. Gewinner*, Diss. de lingua squalida,  
Erl. 1779.

## 2. *Deglutitio.*

353. Examinari etiam debet *deglutitio* ægri, utrum sit *læsa* (dysphagia), *dolorifica*, penitus *abolita*, aut *sonora* (nisi a pravo situ talis).

*C. A. Klökhof*, Diss. de strepitu in pectore inter potandum.

## 3. *Halitus oris.*

354. *Halitus* quoque *oris*, loquente, eructante, vel expirante ægro facile percipiendus, signa latentis morbi sæpe præbet. Est enim ille quandoque *acidus*, quandoque *putridus*, *fætidissimus*, *nidosus* & alio modo ingratus, ex multiplici causa; ex dentibus sordidis, cariosis, ex faucibus exulceratis, ex inedia, ex pravorum alimentorum eructatione, ex ptyalismo, mala digestionem, saburra

ventriculi verminosa & alia, ex menstruatione, ex morbo scorbutico, varioloso, phthifico &c.

## S. Sapor.

355. *Saporis* sensus in morbis diverso modo vitatur & immutatur; proinde examinandus est. Potest autem observari vel *nullus*, vel *imminutus*, vel vario modo *depravatus*, *amarus*, *putridus*, *glutinosus*, *acidus*, *dulcis*, varie *nauseosus*, *metallicus*.

D. G. Triller r. Glafer, Diss. de dulcedine ægrotor. amari eventus prænuccio. Viteb. 1777.

Th. Zenzen, de sapore amaro. Mog. 1789.

## 1. Adpetitus.

356. Ciborum desiderii, seu *adpetitus* examen, morbosæ conditionis aliqua signa sæpe offerre potest. Est autem vel *nimius* caninus, bovinus; vel *spurius*; aut econtra *instinctualis*; vel *depravatus*, erga res, quæ in nutrimentum non serviunt, in pica, malacia; vel *imminutus* in vario gradu; absque fastidio ciborum, *anorexia*; cum fastidio & conatu vomendi, *nausea*; aut cum regurgitatione contentorum ventriculi, *vomituritis*; denique cum violenta eorum expulsionem per os, *vomitus*; qui tamen etiam *inanis* esse potest.

A. E. Büchner r. Lerche, Diss. de inappetentia. Hal,

1749,

## x. *Sitis.*

357. Desiderium potulentorum, seu *sitis*, simili modo uti adpetitus lædi potest, simili quoque modo signa morbosæ conditionis quandoque præbere. Estque morbosæ vel *adaucta*, vel & *insatiabilis*, vel *depravata* cum desiderio mirabilium; etiam *instinctualis*, ad salubria, frigida, acida; quandoque *nulla* (adipsia), uti sæpissime in hystericali & mania; quandoque etiam tale potulentorum fastidium, ut æger ab omni potu convulsivè abhoreat, *hydrophobia*.

R. G. Crause r. Falk, Diff. de siti immoderata. Jen. 1713.

## λ. *Vox.*

358. *Vox* denique ipsa ægri sub examine oris perpendenda venit. Illa erit vel *nulla* (aphonia), vel *exilis* & *submissa*, vel etiam varie immutata quoad naturalem homini sonum; mox *gravis*, *rauca*, mox *acuta*, *clangosa*, *nasalis* &c. Multiplicia etiam animi pathemata indicare potest.

L. Ph. Schröter r. Brandau, Diff. devocis signo in morbis characteristico. Rint. 1777.

C. S. Rückert, de vocis & loquelæ vitiis. Hal. 1793.

## ff. *Aures.*

359. Ultimo demum in facie adhuc examinandæ restant *aures* ægri; quæ aut nimis *siccæ*, heterogeneis variis *obturatæ*, aut *stillantes* sanguinem



vel pus, *rubrae*, *pallidae*, *frigidae*, *retractae*, *tumidae*, *inflammatae*, *exulceratae* &c. deprehendi possunt.

360. *Auditus* ipse vel nimis *acutus* erit, vel *imminutus* & *gravis* (*baryecolia*), vel penitus *abolitus* (*cophosis*); denique varie *depravatus*, *tinnitans*, *susurrans* (*syrrigmus*) &c.

*A. E. Büchner r. Dennowitz*, Diss. de indiciis aurium in morbis. Hal. 1754.

## gg. *Collum*.

361. Hisce omnibus in capite ægri exploratis descendit examinans medicus per *collum* ad *thoracem*. Externo in collo sæpe observandæ erunt inflammationes, tumores, *scrophulæ*, exulcerationes, *strumæ*, *carotidum* pulsationes, locales adfectiones variæ in *larynge*, *glandulis*, *musculis* &c. Interiores *colli* conditiones, sub *deglutitione*, *voce* ægri &c. jam exploratæ fuerunt.

## B. *Thorax*.

362. Examinando in *thorace* præsentis morbi phenomena & signa, adtendimus semper omnium primo ad *respirationem* ægri, utpote *vitalem* functionem; ad *respirationis* læsiones sub *tussi* & *singultu*; deinde etiam ad ceteras *interni* atque *externi* *thoracis* conditiones; demum ad *decumbendi* *rationem*.

## a. *Respiratio.*

363. *Respiratio* ægrorum summa cum attentione examinanda est; nam liquet de nobilitate hujus functionis, quæ dum vario modo læditur, varia quoque & momentosissima signa ad morbos cognoscendos largitur.

364. Quinimo, dum respirationis phenomena magis conspicua sunt, quam illa functionis cordis & arteriarum; hinc etiam vix non securiora signa ex respiratione, quam ex pulsu sæpe petuntur. Ipsa circulationis velocitas, ubi pulsum numerare non licet, ex respirationis frequentia desumitur; quoniam omni fere sexto arteriæ pulsu inspiratio fieri debet. Universim autem in infantibus, ob pulsus fallaciam, respirationis exacta consideratio maximi momenti est.

*M. Neven*, Probl. semiot. utrum certiora sunt, quæ a pulsu, quam quæ a respiratione desumuntur signa. Prag. 1760.

365. In exploranda respiratione omnium primo consideramus ægrum per plures inspirationes & expirationes, quin eum ad profundiores respirationem persuadeamus. Tali modo optime illa respiratio observatur, quæ morbo respondet. Deinde vero profundiores spiritum trahi jubemus aliquoties, atque iterum observamus illa phenomena, quæ sub inspiratione summe profunda comparent.

366. Quoad rhythmum imprimis distinguere oportet respirationem *æqualem* & *inæqualem*, impari intervallo peractam; morbose *tardam*, aut na-

turali frequentiore, *citata*, *citatissimam*; etiam quandoque *pulsui non respondentem*; denique *intermittentem*, aut penitus *deficientem* (*apnæa*).

367. Quoad extensionem & mobilitatem thoracis respiratio vel erit *magna*, vel econtra *parva*, *profunda* & *sublimis*.

368. Quoad molestias *anxia*, *dispnœica*, vel *laboriosa* & *orthopnœica*, sub erecto corporis situ & scapulis elatis instituta; vel demum & *suffocativa*; nonnunquam *duplicata* & *intercisa*. Dolorifica varie, mox *obpressiva*, mox *punctoria*, fixe, vage, continuo, periodice, dolore externo vel interno, proinde ad pressionem externi thoracis aucto, vel non aucto.

369. Quoad sonum sub inspiratione vel expiratione perceptum, respiratio observabitur *anhelosa*, *sibilosa* seu *asthmatica*, aut & *suspiriosa*, *luctuosa*, aut denique *stertorosa*.

370. Quoad sensum aëris sub expiratione emissi erit *calida*, aut *frigida*, aut *fetida* exspiratio.

371. Demum valde essentialis & summe observabilis datur differentia inter illam respirationem, quæ solo thorace dilatato, atque musculis abdominalibus fere immotis peragitur, atque inter illam, quæ viceversa immoto fere thorace & immobili, solo quasi abdomine absolvitur. Prior *thoracica* vocatur, atque mala plerumque abdominalia denotat; *abdominalis* posterior audit, atque thoracis graviores morbos præ aliis designat.

372. Neque negligenda est observatio illius respirationis, quæ *obliqua* dicitur, quia ex uno latere major thoracis dilatatio animadvertitur, quam ex altero; ergo etiam unum latus altero magis morbosum designat.

N. Schamberg, Diff. de respiratione læsa. Erf. 1693.

A. Burchard, Diff. de respiratione integra & laesa. Alt. 1667.

J. Adams, Diff. de suspensa respiratione. Edinb. 1796.

B. R. Fabre, Diff. sur la respiration. Par. An. VI.

## b. *Tussis*.

373. Sub inspiratione ægri profundiori tentata, aut etiam ex examine ægri elucebit, utrum is *tussi* vexetur; id est, utrum invite, violenter et cum sono expiret, ex stimulo quodam convellente irritatus.

374. Prouti stimulus iste (regione ab ægris non raro adsignata) vel in larynge persentietur, vel in thorace, vel in ventriculo aut reliquo abdomine, diaphragma in consensum ciens & convellens; sic tussis etiam erit vel *laryngea* vel *trachealis*, *pulmonalis* & *thoracica*, vel etiam *stomachica* & *abdominalis*.

375. Deinde quoad intensiorem tussis in vario gradu adparet; vel enim *levissima* (tussicula) solummodo erit; vel *vehementior*, vel in summo gradu *suffocativa*, aut & *convulsiva*, cum spastica organorum circumfrictione & vomitu sæpe subsequente.

376. *Indolens* quoque penitus aliqua tussis observatur; alia e contra *dolens*, ingrata varia sensatione in thorace aut abdomine, ardore, punctione, dedolatione stipata.

377. Denique tussis etiam vel *sicca* est, ubi omni conatu nulla sputa prodeunt; vel *humida*, quam sputa excreata comitantur.

*D. Verveer*, de tussium varietate. Duisb. 1783.

### c. *Singultus.*

378. A convulso oesophago læsa respiratio *singultum* facit, de quo, utpote symptomate quandoque summe molestante & debilitante, æger in certis morbis interrogandus erit. Quandoque autem sponte, dum in præsentia medici accidit, agnoscitur.

*Gr. Fl. H. Bruning*, singultus morbus, symptoma, signum. Traj. 1758.

### d. *Interni thoracis conditio.*

379. De nonnullis in thorace interno sensationibus ægri sedulo examinandi sunt; præsertim ubi topicorum malorum suspicio adest. *Pondus & gravitas* perçensa, *ardor* fixus, *fluctuatio*, *cordis palpitatio*, *anxietas* &c. varia pro cognoscendo morbo signa exhibent.

380. Imo in morbis thoracis nonnunquam ad melius explorandam cavi thoracis conditionem; & ad securius de interna constitutione cavi hujus ju-



dicium ferendum, etiam necesse est, percussione moderata thoracis qua signo uti.

*L. Auenbrugger*, inventum novum, ex percussione thoracis abstrusos interni pectoris morbos detegendi. Vien. 1763.

381. *Pulsus cordis* quoque, qui celerrimus quandoque & fortissimus, arteriarum ictui non respondet, diligentiore explorationem meretur in morbis præcipue pericardii, cordis ipsius & vasorum majorum.

*J. G. Maurer*, de pulsu cordis. Alt. 1758.

### e. *Pectoris externa conditio.*

382. Externe in pectore multa sæpe examinanda veniunt phenomena; *dolores* ad tactu adaucti, *tumores* aut *intumescentiæ*, *contusiones*, *inflammationes*, *localia* plura quandoque mala.

383. In gravidis, puerperis, atque ubi necesse erit, *mammæ* quoque explorandæ erunt, utrum inflammatae, induratae, exulceratae, lacte turgentes aut flaccidæ; *papillis* ad nutritionem aptis, non aptis, excoriatis &c.

### f. *Decumbendi ratio.*

384. Situs corporis ex trunci positione censetur. Ille decumbentis ægri optimus situs est, cui in sano statu adsuetus. Declinat autem in morbis a consuetudinario varie. Distinguendum igitur est, cuinam lateri & regioni corporis æger facillime insumbat, incumbere valeat, aut non valeat.

385. Nonnulli ægri, sub facultate omnibus regionibus incumbendi, nullo tamen in situ adquiescunt, continuo moti quietem in omni positione frustra quærunt (*Jactitatio*). Alii *tranquilli* per totum fere morbum uni lateri incumbunt; ob debilitatem, dolores, aut alia impedimenta situm corporis vel penitus non, vel ægre mutant.

386. Hunc ergo observamus *cubitus* mox in *sinistrum* *latus* solummodo possibilem, mox in *dextrum*; mox in ventrem, *prænum*, mox in dorsum, *supinum*. Et quidem posteriorem in summa ægrorum debilitate, trunco corporis propria quasi gravitate ad crura demisso, genibus flexis & divaricatis femoribus. Alii demum decumbere penitus non valent, sedent potius erecto trunco orthopnoicorum more, aut pluribus sustentati pulvinaribus sedendo cubant.

387. Molestiæ sub vario cubitu & situ persensæ, debito examine ex ægris etiam sunt eruendæ.

G. Chr. Handtwig, de situ corporis observata quædam. Ross. 1747.

A. E. Büchner, Diss. de necessaria medici ad ægrorum cubitus attentione. Hal. 1753.

### C. *Abdomen*.

388. Absoluto thôracis examine descendit examinans medicus anatomico ordine ad abdomen ægri. Ibi quamplurima & gravissima phenomena occurrunt, morborum naturam & mutationes sæpe indicantia. Quare hujus regionis examen sedulo & quotidie instituendum est.

389. Ut autem eo exactius instituatur, atque viscerum abdominalium conditiones sanæ ac morbosæ eo melius distinguantur, talem ægri situm feligere oportet, in quo musculis abdominalibus relaxatis, omnia contenta abdominis manu libere explorari possunt. Aeger scilicet horizontalis cubans, capite subfulto & thorace parum inclinato, genibus modice flexis, cruribusque erectis optimum situm præbebit medico, ut omni ex parte abdomen inquiri possit.

390. Aegro tranquille jacente, utraque dein manu, pressis quasi erga se invicem visceribus, partes hæ tentantur; ibique dolores, tumores, indurationes, fluctuationes &c. feliciter quandoque deteguntur; methodo practice ad lectos ægrorum melius demonstranda.

391. Cautus tamen hic debet esse medicus, ne in irritabilibus subjectis a musculorum abdominalium tensione, aut in gracilibus a corporibus vertebrarum seducatur, aut sub lapidea totius abdominis duritie aliquid distinguere putet, quod distinguendum non est.

392. Jam autem & hoc abdominis examen in ordine instituendum est. Incipimus scilicet in *scrobiculo cordis* examinare, utrum ibi æger *pondus* sentiat, aut *dolorem*, adtactum ferat vel non; utrum ibi *durities*, *tumor* compareat, aut *contractio* sub inspiratione.

393. Idem in *epigastrio* toto quæritur, simulque conditio ventriculi, omenti, lobique sinistri hepatis exploratur.

394. Deinde examinatur *hypochondrium* utrumque, an *durum* vel *molle*, *dolens* vel *indolens*, *infarctum*, *tensum* aut *contractum* sit. Exinde hepatis & lienis conditiones cognoscentur.

395. Tentatur postea *umbilicalis regio* & *religuum abdomen*. *Gracilitas*, *obesitas*, ipsa *gravitas* sæpe, sponte occurrunt. Dignoscetur simul etiam, utrum abdomen *contractum*, aut e contra *expansum*, *stercorosum*, scybalis refertum; *flatulentum*, *tympaniticum* (in febribus *meteorismus*), *asciticum*; utrum *elasticum*, *duriusculum*, *lapideum*; denique utrum *dolorificum*, adtactum sive rudiores, sive nullum ferens. Sub *molli* abdominis conditione intestina cum mesenterio in hac regione explorari possunt.

396. Sæpe in *lumbis dolores*, *dedolationes*, *formicationes*, *tensiones*, *horrores* persentiuntur. Quod examinandum.

397. *Hypogastrium* in multis casibus explorandum quoque erit, ubi *urgens malum* debitam erga ægrum modestiam elidit. Exploratur hic *vesicæ* conditio; exploratur quandoque *uterus*. *Regio* quoque *inguinalis* examinatur in illis, qui *hernia* laborant, aut mala ex pudicitia præsentem negant, ab adstantibus interim adfirmatam. Quinimo & *partium genitalium* examen necessarium erit, ubi topici ibi morbi ab ipso ægro confessi adsunt, vel suspicio de malo ibi hærente habetur.

398. Denique *regio sacra* quoque & *trochanterum* in illis ægris inspicienda est, qui diutius jam lecto incubuerunt, atque partium harum malam

*pressionem, excoriationem, inflammationem aut gangrænam* suspicari faciunt. Sæpe etiam de *hæmorrhoidibus, cæcis, fluentibus, de recti intestini ardore, pruritu, tenesmo, prolapsu &c.* quæstiones ponendæ sunt.

*L. Th. Luther r. Schæffenberg*, Diss. de peritonæo, san-  
nitatis & morbor. indice. Erf. 1734.

*J. C. Akermann*, Prælagia medica ex præcordiis. Got.  
1752.

*C. Chr. Schmiedel r. Kauffmann*, Diss. de præcordiis.  
Erl. 1753.

*H. Fr. Delii r. Wendrich*, Diss. de scrobiculo cordis,  
signo. Erl. 1766.

*J. G. Plenker*, de meteorismo, ejusque speciebus.  
Vien. 1783.

## D. *Extremities.*

399. Absoluto nunc totius trunci examine, transit medicus ad *artus & extremities corporis* ut & illa colligat phenomena, quæ ibi ad morbum melius cognoscendum conferre possunt.

400. Imprimis *vires animales* ex vigore musculorum voluntatis imperio subjectorum dignoscendæ, in artubus quamoptime cognoscuntur. Nam etiam si hæ etiam ex actione musculorum capitis & trunci, diversarumque eorum partium desumantur, tamen in directis ad voluntatem motisque cum robore constanti artubus quammaxime eas æstimare & dijudicare valemus. Quare sæpius ægros surgentes, aut obambulantes, si fieri potest, observamus.



401. Explorando vires animales in extremitatibus ægrorum, distinguemus musculorum *immobilitatem*, sive *flaccidam* (paralyfin), sive *rigidam* (spasmus tonicum, tetanum); deinde *mobilitatem imminutam*, mox *absque dolore molestam* (lassitudinem, torporem, debilitatem animale), mox iterum *molestam cum dolore* (dedolationem, rheuma, arthralgiam); denique *involuntarium motum*, sive *cum vehementia* (spasmus clonicum, convulsionem), sive *absque vehementia* (tremorem, tendinum subsultum, muscitationem, floccorum collectionem, pandiculationem &c.).

*A. E. Büchner r. Eminghaus*, Diff. de varia manuum gesticulatione in morbis ominosa. Hal. 1755.

*G. R. Böhmer r. Wagner*, Diff. de crocidismo & carphologia. Vit. 1757.

402. Melius sæpe in extremitatibus, quam in reliqua superficie discernere licet, utrum corpus bene nutritum & *torosum*, vel utrum extenuatum & *emaciatum* sit. *Dolores* etiam varii, *tumores*, *ædemata*, *perniones*, *vulnera*, *ulcera* &c. peculiariter in ipsis extremitatibus exploranda quandoque veniunt.

403. *Tactus* denique, utut sensus per omnem fere corporis superficiem extensus, præcipue tamen in manibus & digitis residet. Ejus autem læsiones, *abolitio*, *imminutio*, morbosa *intensio* &c. ex ipsius cutis conditione in quavis corporis regione delumi possunt.

404. Ipsi *ungnes* in nonnullis morbis diversas mutationes patiuntur, & diversa proinde signa præbent. Sub frigore febrili *livent*, sub uteri inflammatione immodice *rubent*, in exhaustis *pallent*, in phthisi ex continuo & nimio calore febrili exsiccantur, *adunci* evadunt, *molles* in chlorosi, *crassi* & *scabri* in cachexia plicosa &c.

*Cam. Baldi*, Comment. de naturali ex ungnium inspectione præfatio. Bon: 1629.

*G. Fr. de Frankenau*, Onichologia. Jen. 1696.

*J. Chr. Niemann*, Diss. de fæda ungnium mollitie. Magd. 1774.

## E. Qualitates externæ corporis.

405. Examinatis varie corporis artubus, tempus nunc esset pulsus ægri in carpo explorandi, si quis anatomico ordine in examine uteretur. Sed ægri tum ex medici ingressu animi pathemate vario commoti, tum etiam vario exercitio sub respiratione profundiori, sub fermocinatione &c. ad examen necessario alterati, pulsus arteriarum minus sincerum nunc exhiberent.

406. Proinde, ut ægri pro quiete aliquam moram habeant, medicus interim in examine transit ad varias adhuc externas corporis qualitates indagandas, tum etiam ad excretionum variarum conditiones explorandas, donec redux ad ægri lectum, pulsus pacatus & morbo respondentem invenire atque dijudicare possit.

407. Qualitatibus autem externis adnumeramus præcipue corporis *calorem*, *colorem*, & *cutis*

asque superficiei varias *conditiones*, quæ *externum* sic dictum *habitum* constitunt, quarum tamen reliquæ, uti volumen corporis &c. jam ex prægresso examine cognoscebantur.

### a. *Calor corporis.*

408. Calor ægri *naturali minor* aut *major* momentosum phenomenon, proinde explorandus est.

409. Minor *naturali animalis calor frigus* audit, quod sæpe morbosum. Erit autem vel *fallax*, ab ægro persensum & a medico non animadvertendum; vel *reale*, medici adtactu cognoscendum. In maximo gradu *marmoreum*, cadaverosum fere; in minori *horror* (frigus febrile cum partium rigiditate & tremore), in minimo gradu *horripilatio* (frigus momentaneum cum aliquo calore alternans). Denique erit vel æquabile, *universale*, vel *locale* in pedibus, genibus &c.

410. Idem de *calore morbo*so, qui *naturali* major est; mox *internus*, a medico non persentiendus; mox *externus & realis* in vario gradu, *moderatus*, *urens*, imo sub manu tangentis non raro *increscens*. Quoad diffusionem etiam mox *æquabilis* per totum corpus, mox *inæqualis* & in partibus singulis *localis*, v. g. *inflammatis*, in vola manus &c.

411. Ad explorandum morbosum calorem nonnulli *thermometro* utuntur. Aliis hæc ceremonia *ridicula* videtur & *superflua* (in multis saltem

calibus). Frequentius medici in explorando hocce calore manus suæ dorso utuntur variis ægroti corporis partibus denudatis, præcipue pectori admo-

412. Sed hoc examen caute est instituendum, quia calor & frigus sunt qualitates multum relativæ. Ubi enim medici manus frigida, ibi minimus ægri caloris gradus, magnus videbitur. Et vice versa. Calidior medici manus mediocrem ægri calorem pro frigore habere potest. Hinc medici tangentis manus sano moderato calore imbuta esse debet.

413. Notandum quoque est, certum determinatumque caloris animalis sani gradum non dari, ex quo morbosa declinatio desumi posset. Nam pro ratione ætatis, temperamenti, climatis, anni temporis &c. ipsorum sanorum calor multum variat.

*Fr. Cartheuser, Diss. de calore corpor. hum. naturali & præternat. Fr. 1745.*

## b. *Color corporis.*

414. *Color* corporis superficiei & cutis varius omnino in variis morbis deprehendi potest, morbi que cognoscendi signa aliqua non raro offert. Erit autem vel *inæquabilis*, vel *æquabilis* per totam superficiem; *pallidus*, *flavescens*, *profunde flavus*, *rubellus*, *ruber*, *lividus*, *luridus*, *maculatus* &c. *Locales* colores simili modo in diversis partibus variare possunt.

*N. van Dail*, Diff. de coloribus tanquam signis morborum. Utr. 1698.

*D. Schaper*, Diff. an a coloribus in medicina aliquid judicari potest? Rost. 1705.

### *c. Cutis conditio.*

415. Denique ipsa *cutis* varias exhibebit qualitates a medico indagandas, ex quibus signa aliqua morborum facilius cognoscendorum hauriri possunt. Neque enim functio cutis a multis medicis pro dignitate sua sat æstimatur, organique hujus in actionem vasorum absorbentium, glandularum & nervorum influxus, quantum meretur, perpenditur. Præter colorem ergo aliæ quamplurimæ cutis conditiones, cum morbo præsentis in aliqua ratione existentes, probe considerandæ veniunt.

416. Hocce intuitu, tum etiam ob transpirationem varie læsam, visu tactuque cutis examinatur, utrum *subsicca*, *sicca*, *strigosa*, *aspera*, *anserina*, *imperspirabilis*, aut & *arida* sit; aut e contra *mollis*, *perspirabilis*, *humida* vel & *madida* sit; *sudore universali* vel *topico*; *vaporoso*, *rorido* aut *in guttas collecto*, *seroso*, *viscido*, *pingui*, *croceo*, *sanguinolento*, *frigido*; *spontaneo* vel *artificiali*; quoad odorem *lacteo*, *acido*, *nidoso*, *putrido*, *specifico*; quoad levamen *critico*, aut *symptomatico*, aut *colliquativo*.

*E. A. Büchner r. Holland*, Diff. de sudore, ut signo  
Jen. 1760.



417. Sæpe etiam de tensione, pruritu, ardore, aliisque cutis sensationibus quæstiones movendæ sunt, ubi pars hæc examinatur.

418. *Exanthemata* in febribus, sive symptomata, uti *erysipelas*, *urticatum*, *miliare*, *bullosum*, *petechiæ*, *vibices*, *sudamina* & innominata plura; sive & essentialia, uti *variolæ*, *morbilli*, *scarlatina* &c. severius semper exploranda sunt. Idem intelligendum est de *impetiginibus* in chronico statu.

419. Non raro etiam & *insecta* in cute humana degentia signa morborum, præcipue cutaneorum præbent.

## F. *Excretionum conditiones.*

420. *Excreta*, si quæ adservata sunt, sæpe exploranda, aut de absentibus saltem interrogandum est. Huc pertinent *sputa*, *alvus*, *urina*, *materies vomitu ejecta*, *sanguis* quacunque via excretus,

### a. *Sputa.*

421. *Sputa* ab ægris in propriis vasis vulgo adservari solent, & in certis casibus adservari debent. Multiplicia erunt quoad consistentiam, colorem, copiam, homogeneitatem & heterogeneitatem, odorem, saporem, quoad locum, unde veniunt, denique quoad levamen ex iis perceptum, vel non perceptum,

422. Quoad consistentiam sputa distinguenda erunt *tenuia*, *aquosa* (salivalia), *viscida*, *mucosa*, *crassa*, *figurata*, *tenacia*, *spumosa*. Quoad colorem *alba*, *flavescentia*, *virescentia*, *rubella*, *rubra*, *cærulescentia* (e ventriculis Galeni), *cinerea* (post pulveres absorptos), *nigrescentia*, *lurida*, *variegata*. Quoad copiam *parca* vel *copiosa*.

423. Mox *homogenea*, sincere *sanguinolenta*, *purulenta*, *mucosa*; mox *heterogenea* & mixta, ex mucosum cum sanguine, sanguine cum pure &c. Huc etiam quodammodo spectat distinctio in *cruda* & *cocta* sputa.

424. Nonnulla præterea sunt penitus *inodora*, nonnulla *fætentia*, putrida. Sub ipsa excreatione saporem præbent vel nullum, *insipida* sputa; vel *dulcia*, *salsa*, *metallica*, *amara*, *rancida* palato sunt.

425. Quoad locum, unde veniunt, vel sunt *pulmonalia*, *trachæalia*, *laryngea*, (*tussi ejecta*); aut etiam *ex faucibus*, *naribus posticis*, *cavo oris* & *dentium* prodeunt, (*scœata*). Posteriora, dum sanguinolenta sunt, frustra sæpe imperitos terrent.

426. Denique quoad levamen quod adferunt, vel non adferunt, distinguuntur vulgo *critica* sputa & *levantia*, atque iterum *symptomata*, absque levamine prodeuntia. *Facile* quoque, aut *difficulter ejicienda*.

427. Criteria variorum sputorum (ut & reliquorum excretorum) optime ad lectos practice demonstrantur.

*Fr. Hoffmann*, Diff. de necess. salivæ inspectione. Hal. 1698.

*F. A. Weber*, Diff. de signis ex sputo. Got. 1774.

*Chr. G. Fr. Webel*, Diff. de sputis. Lips. 1783.

## b. *Alvus.*

428. Nimis momentosa, tum in sano statu, tum eo magis in morboſo, est *alvi* excretio. Etiam-  
li enim ab ea læsa non absolute plurimi morbi  
proveniant, ea tamen siue impedita, siue adaucta,  
mōrbi circumſtiantias multum immutat. Unde æque  
illos miramur praticos, qui functionem hancce  
summe naturalem adeo negligunt, ut ad alvum  
per plures dies retentam minime adtendant; ac  
alios ex obposito, qui cardinem morbi unice in ster-  
coribus quærant.

429. Non tantum inquirendum quotidie est,  
an æger alvum deponat, quoties & qualem; sed  
etiam quandoque necesse est, ipsam alvum excre-  
tam inspicere & explorare. Non hoc ita intelligen-  
dum est, ac si medicus omnium ægrorum alvum  
omnem pro misero soltro, aut inepta ex curiosita-  
te oculis conspiciere & naribus olfacere deberet;  
Hoc cum dignitate artis minus consentiret. Sed  
saltem illis in casibus, ubi peculiaris signa ex alvo  
hauriri possunt (ubi v. g. pus, tenia &c. excerni-  
tur), ibi alvi inspectionem denegare æque ridicula  
superbia foret, ac ridicula econtra illa facilitas,  
omnem alvum absque necessitate explorare.

430. Conditiones alvi, quæ ad lectos ægro-  
tum examinari debebunt, sequentes erunt: An

*nulla, rara, vel frequens deponatur; an absque dolore, an inscio ægro, an cum dolore aut tenesmo; an parca vel copiosa; an dura, scybalosa, caprilla, pultacea, liquida, spumosa; an quoad colorem & materiem serosa biliosa, sanguinolenta, purulenta, chymosa (lienterica), chylosa, pituitosa, glutinosa, fusca, nigra, verminosa (cum lumbricis, cum tenia, cum ascaridibus) hydatifosa, membranacea, calculosa, canina; aut a diversis medicaminibus vel alimentis varie colorata; an quoad odorem fetidissima, alcalescens, acescens; an denique quoad levamen critica, salubris, vel symptomatica, debilitans aut colliquativa sit.*

431. Sed non negligentur quæstiones de excreti hujus conditione in sano quoque statu; quum dentur homines, qui cum alvo segniori (mulieres & gravidæ præ ceteris) æque sani sunt, quam alii cum leviuscula aliqua habituali diarrhæa. Et universim maximus circumspectus habeatur ad illas circumstantias, quæ alvum in colore, consistencia, copia &c. immutant, quin morbus aliquis ad illas mutationes contribuat.

*L. Theophili, de excrementis alvi, & judicio medico ex illis ferendo, L. B. 1703.*

*H. Boerhaave, Diss. de utilitate explorandorum excrementorum. L. B. 1710.*

*J. Junker r. Leisner, Diss. de alvina excretionem ut signo. Hal. 1756.*

### *c. Urina.*

432. *Urinæ seu lotii conditio varia, atque varia excernendi facultas a medico sedulo & quo-*

tidie examinanda quoque est. A plerisque ægris in propriis vitris urinæ adservantur, vel adservari jubentur. Et quidem, ubi necesse videtur, quodvis lotium ab ægrò missum, separato in vase ad medici præsentiam conservatur.

433. Non quidem decet ex classe illorum medicorum esse, qui omnes fere, aut principes characteres morborum in urinis quærunt, aut in solis urinis ridicule quondam quæriverunt. Scimus contra, nullam corporis excretionem in sano et ægroto statu adeo variare, ac a plurimis accidentalibus rebus adeo immutari, ac illam urinæ. Spectant huc non tantum potus ratio, adsumtorum colorantes qualitates, motus & quies, refrigerium & calor, aliarum excretionum auctio vel imminutio; sed & aliæ vix non innumeræ circumstantiæ, quæ lotii tum quantitatem tum qualitatem ita alterare valent, ut summæ prudentiæ medicus requiratur, qui conditiones has debite dijudicare, & ad causas suas redigere possit. Scimus ergo, iudicium ex urinis universim non tantum difficillimum, sed & fere semper imperfectum esse.

434. Interim tamen nec penitus excreti hujus examen negligimus, atque aliqua saltem, quæ capi ex illo possunt signa, colligimus.

435. Quapropter quotidie omnem ægrum examinamus, an *mingat*, vel *non*, vel nimis *frequenter*; an *guttatim*, cum *impedimento* aut *dolore*; an *econtra inscius*; an *urinæ parvæ* vel *copiosæ*; an relate ad potum adsumtum & reliquas excretiones, præcipue alvum & transpirationem *sufficientem*.



*tes*; an quoad colorem & materiem *aquosæ* (*crudæ*) an *aquosæ* ex potu multo adtenuante (*urinæ potus*) aut ex spasmō vāforum emulgentium (*urinæ spasticae*); an econtra varīe coloratæ, *flavæ*, *crocceæ*, *flammeæ*, *rubræ*, *sanguinolentæ*, *fuscæ*, *nigrescentes*, aut *albæ*, *lacteæ*, *chylosæ*; an non fors ex medicamine adsumto *tinctæ*; uti ex rheo; an quoad transparentiam *limpidæ* aut *turbidæ*, *jumentosæ*, *lateritiæ*; an sub mictu, vel post mictum *turbidæ*; quoad consistentiam an *tenuēs*, vel *crassæ*, *viscidæ*, *pingues*, *spumosæ*, ubi virgula agitantur; an quoad levamen *criticæ*, aut econtra *debilitantes*; an quoad odorem *fetentes* (uti etiam post asparagum commestum) *putridæ*, *alcalescentes*, aut econtra *suaveolentes* (quemadmodum etiam post terebinthinam adsumtam); an istæ *urinæ* vitro detentæ mutantur; *cremorem* (*coronam sæpe*), *nubeculam*, *enæorema* aut sedimentum dimittant *coctæ & hypostaticæ*); *sedimentum* an *copiosum*, vel *parcum*, an *crystallinum*, *sabulosum*, *calcareum*, *calculosum*, an *furfuraceum*, *farinaceum*, *membranaceum*, *floccosum*, *verminosum*, *mucosum*, *purulentum*; an quoad colorem *lateritium*, *rubrum*, *roseum*, *album*, &c.

436. Sæpe etiam *urinæ* chemicorum reagentium ope explorandæ essent. Sic *urinæ* adfusum acidum nitri bilem viridem, infusum gallarum mucum præcipitat &c.

437. Præstant pro dijudicatione *urinæ* matutino tempore missæ, per binas saltem horas adservatæ.

438. Fallunt autem maxime urinæ infantum, ubera sugentium, & gravidarum, quæ fere semper turbidæ.

*E. Cordi*, de abusu uroscopiæ. Frf. 1546.

*P. Forestus*, de fallaci urinarum judicio. L. B. 1589.

*D. Usler*, de urinarum judicio. Var. 1602.

*E. R. Camerarius*, quale signum præbeat urina, Tub. 1680.

*Th. Zwingeri*, Diss. de uromantiæ usu & abusu. Bas. 1706.

*G. E. Stahl*, r. *Ruppard*, de uromantiæ abusu tollendo. Hal. 1711.

*B. Ewaldt*, Diss. de uroscopiæ abusu. Reg. 1718.

*Chr. Vater*. r. *Hake*, Diss. semiot. de sudore renali. Vit. 1720.

*A. O. Gælicke*. r. *Kühne*, Diss. de sedimentis urinarum. Fr. 1727.

*A. Vater*, Diss. de circumspectione in uroscopia. Vit. 1729.

*G. Prohaska*, Diss. de urinis. Vindeb. 1776.

*A. Fr. Metternich*, de urina ut signo. Mog. 1784.

*K. A. Kortum*, vom Urin, als Zeichen in Krankheiten. Duisb. 1793.

#### d. *Materies vomitu ejecta.*

439. Examinatis urinis, si quæ adest, vomitu ejecta materies, exploratur. Illa vel spontaneo vomitu, vel artificiali ejicitur; eritque varia, mox biliosa, vitellina, porracea, æruginosa; mox amurcosa, nigra, sanguinolenta, putrida, pitui-

*tofa, verminosa, purulenta, acida, aut chymosa, caseosa, varie mixta, medicaminibus adjumtis, aut et venenis imprægnata.*

### e. *Sanguis excretus.*

440. Explorabitur quoque *sanguis*, si quis adest excretus et adservatus; live *spontanea hæmorrhagia*, narium, oris, vaginæ, ani, vulnere; live *artificiali evacuatione*, venæsectione, hiru-  
dine, scarificatione.

441. Consideratur *quantitas & qualitas* ejus. Quoad colorem erit *floride*, aut *profunde ruber*, aut *nigrescens*; quoad consistentiam *tenuis*, *crassus*, facile *coagulabilis*, aut non concreescens, *dissolutus*. *Placenta* erit *tenax*, *globosa*, *fimbriata*, *corio*, (crusta inflammatoria) *tectæ*, variæ crassitie, tenacitatis, variique coloris; aut e contra erit *mollis*, *friabilis*, *diffluens*; itidem *serum* erit vel *nullum*, vel *copiosum*, *flavum*, *viscidum*, *aquosum* &c.

442. Sed et in sanguine hoc dijudicando magna circumscriptio necessaria erit, quoniam sanguis jam extra venam a nimis multis circumstantiis immutatur, aliusque longe comparet, quam in vasis circula-  
bat.

*J. Jessenii*, de sanguine misso judicium. Prag. 1618.  
Norimb. 1668.

*Chr. Vater*, judicium e sanguine per V. S. misso. Vi-  
teb. 1693.

*J. Gambs*, diss. de sanguinis e vena secta judicio. Arg.  
1720.

*J. Ph. Davier*, an deceptoria hæmorrhoscopia? Par:  
1721.

*Fr. Hoffmann*, Diff. de judicio ex sanguine per V. S.  
misso. Hal. 1727.

*Car. à Bergen*, Diff. de hæmatoscopia. Frf. 1740.

*G. M. Gattenhof*, Diff. de crusta sanguinis inflammat.  
Heid. 1766.

*H. P. Leveling*, Disquisitio crustæ inflammat. A. V.  
1772.

*J. Th. Klinkosch et Krause*, Diff. de natura crustæ in-  
flammat. Prag. 1773.

*W. Hewson*, vom Blut. A. d. Engl. Nürnberg. 1780.

443. *Menses* feminarum, quorum examen nunquam negligendum est, sunt vel *anticipantes*, vel *retardantes*; *nullæ*, aut *parcæ*, aut nimis *copiosæ*; *sanguisque menstrualis* mox *albicans*, *mucosus*, mox *rubellus*, mox *læte ruber*, *ater*, *grummosus*, cum vel *sine dolore* prodiens. Mox etiam loco menstrualis sanguinis alius *fluor* adesse poterit, *mitis*, *acer*, *rodens*, *assiduus*, *remittens*, *periodicus*; quoad colorem *albus*, *flavesceus*, *viresceus*; quoad odorem plus minus *foetens*, quoad copiam *plus minus largus*.

444. Idem de sanguine puerperali seu *lochiis* examinandum erit; lochia scilicet utrum *nulla*, utrum *parca*, vel nimis *copiosa*, *lactea*, *grummosa*, *foetentia* &c.

445. Nonnulli quoque medici *serum ex ves-*  
*cis discissis* collectum adservari jubent; atque exa-  
minant tum copiam, tum qualitatem ejusdem.

Idem quandoque instituendum erit cum *pure*, cum *aquis* per paracenthesin obtentis &c.

P. Fr. H. Grasmeyer, Abhandl. vom Eiter und den Mitteln ihn zu unterscheiden. Göt. 1790.

\*

\*

\*

446. Atque hisce omnibus e corpore excretis nunc bene examinatis & exploratis, medicus iterum accedit ægroti lectum. Aeger scilicet præsentiae atque ceremoniis medici interea magis adfuetus, atque post motus necessarios quieti relictus, circulum humorum jam pacatiorem, atque pulsum arteriarum examini medici aptiorem ac sinceriorem exhibet. Quem explorare adhuc restat.

447. Non tamen negatur, ordinem in pulsu explorando juxta circumstantias quandoque immutari debere.

### G. *Pulsus*.

448. *Pulsus* arteriarum magnam omnino in morbis adtentionem meretur, plurimaeque signa ad morbos varios cognoscendos & dijudicandos, & præcipue ad vires vitales aestimandas præbere potest.

449. Attamen valde incerta judicia ex pulsu nonnunquam trahuntur ab imprudentibus medicis. Nam æque fallacia sæpe esse possunt signa ex pulsu sumta, ac in aliis casibus veridica.

450. Quare summa cautione opus erit in dijudicandis illis phenomenis, quæ ex pulsu, ut signo colliguntur. Nec non sponte exoritur inde regula summe practica, ut scilicet ex unico arteriarum



pulsu medicus nunquam eruat diagnofin morbi aut prognofin; fed ut femper plura, et quidem plurima figna colligat, quorum unum alterius veritatem & fecuritatem confirmare debbit.

451. Innumeræ fere funt circumftantiæ, tum in ipfo ægro, tum extra ægrum, quæ arteriarum pulfum varie immutare valent; cum morbo autem ipfo in minima sæpe relatione exiftunt, ac eidem falfo nonnunquam adfcribuntur, aut alium, quam latet, morbum referunt. Sic ætas, fexus, temperamentum, fomnus, animi et corporis motus, tuffis, adfumta varia &c. pulfum varium conftituunt, ex ratione in corpore latente. Extra hominis corpus autem & clima, & anni, quinimo diei tempus, calor et frigus &c. miras mutationes in pulfu producerè folent.

452. Univerfim pulfus infantum maxime fallunt, & etiam fenum. Posterioribus femper pleni & duri funt. Fallunt quoque pulfus in morbis pulmonum, ubi fanguinis per illos circuitus turbatur. Fallunt denique maxime in ægris irritabilibus, a minima data caufa alterandis. Imo in faniffimis hominibus quandoque, ex peculiari idiofyncrafia, pulfus a confueta alias conditione aberrant, atque intermittendo, retardando &c. medicum fruftra terrent, cui circumftantiæ iftæ incognitæ funt.

453. Ad hæc, et ad plurima alia in dijudicando arteriarum pulfu attendere oportet. Atque fi adeo difficile eft, normam certam pulfum in fano ftatu adfignare, eo difficilior erit in morbofo ftatu eos dijudicare, iisque qua figno uti,

454. Ab arteriis plura et certiora morborum signa petere & prætereendere non debemus, quam quæ exhibere valent. Vanum igitur est, maxima morborum momenta in pulsu quærere. Tangendo arteriam nihil plus omnino distinguere possumus, quam 1. vim ejus muscularem & matricem, ceu vitalem; 2. sanguinis contenti quasdam conditiones; 3. motum sanguinis circolantis.

455. Cor ipsum, utut circuli humorum fons, profundius tamen situm & costis obtectum, exactiori explorationi non favet. Seligimus ergo arteriam aliquam, sed imprimis majorem, fortiozem & superficialem, ut pulsatio melius distinguatur; deinde arteriæ alicujus tractum longiozem, et arteriam denique ex obposita parte duro corpore subsultam, ut virium arteriosarum & circuli ratio securius explorari possit. Favet huic scopo arteria in carpo decurrens.

456. Et quidem, ut exactius de pulsu judicium feratur, pluribus medicis digitis (pollice semper excepto, ne propria arteriola ibi pulsans eum decipiat) arteriam in tota sua longitudine tentat, tentatam pro varia necessitate comprimit, atque per horæ saltem duo minuta explorat. Melius quoque semper et securius, ex utroque carpo arteriam tentare. Fallunt sæpe arteriarum pulsus, ubi brachium ligatum, pressum aut male positum. Imo locales laterum adfectiones diversum sæpe in utroque carpo pulsus faciunt.

457. Tali modo instituta exploratio demonstrabit omnium primo, quoad robur, quoad vita-

lilitatem aut vim arteriæ *pulsus liberum*, aut *sub-*  
*pressum*, *fortem*, aut *debilem* (a *contracto* & *spa-*  
*stico* probe distinguendum), deinde quoque *ma-*  
*gnum* & *parvum*, *celerem* & *tardum* (quoad viva-  
citatē contractionis & dilatationis). Quoad san-  
guinem contentum arteria exhibebit *pulsus ple-*  
*num* & *vacuum*; quodammodo etiam *durum* &  
*mollem* (qui uterque tamen etiam a rigiditate &  
flacciditate arteriæ æque, ac a sanguinis plus mi-  
nus compacti conditione pendere potest). Deni-  
que quoad sanguinis circulum & motum arteria  
dabit *pulsus* mox *rhythmo æqualem*, mox *inæ-*  
*qualem*, *intermittentem*, aut penitus *nullum*, vita  
adhuc superstitē (asphyxia). Etiam quoad circuli  
velocitatē *pulsus* in morbis erit vel *naturalis*,  
vel *rarior* naturali (minus velox, lentus) vel econ-  
tra *frequentior* (velocior), aut *frequentissimus*,  
*micans* & *tremulus*, ut numerari amplius non  
possit.

458. Sed notandum est (quod memoratum  
jam fuit) in *pulsu* universim, & præcipue in  
morboſæ ejus velocitatē dijudicatione, summa  
prudentiā opus esse, quum modo summe relativo  
*frequentissimus* *pulsus* uni subjecto æque naturalis  
& sanus esse possit, ac alteri rarissimus.

459. Variat hæc *pulsus* velocitas omnium  
primo in varia *ætate*. Eo frequentiores *pulsus* ha-  
bet homo, quo origini suæ propior est. In neona-  
tis 100, in infantibus 90, in pueris 80, in adultis  
70, in senibus 60 fere *pulsus* in horæ minuto ob-  
servantur, dum sani sunt. Observato *sexu*, femi-

nis quoque, ceteris paribus, pulsus frequentiores sunt, quam maribus. Quo minor hominis *statura* est, eo plures intra datum tempus pulsus habet; quo is procerus magis est, eo pauciores. *Temperamentorum* præterea vis non minima est in mutandis pulsibus; frigidis minus veloces sunt, velocius calidis. Et jam quoad *anni tempus* pulsus mutantur; hyemali tempore pauciores, æstivo plures in eodem homine pulsus fiunt; plures item in calido *climate*, quam in frigido. Imo in eodem die eidem homini pulsus sunt varii; bene *pasto* velocius, ac *jejuno*; velocius *vigilanti* & e somno surgenti, quam *dormienti*; velocius semper *vespertino* tempore quam reliquo die. Denique *corporis motus* & *animi affectus* miro modo pulsus accelerant; unde et ipse medici introitus ægro non raro velociorem pulsus causat.

460. Optima omnino methodus, pulsus velocitatem determinandi, esset ope horologii, quod minuta secunda indicat. Sed quoniam a medico perito subponitur, eum id absque horologio præstare posse, ideo prudentiores (paucis peculiaribus casibus exceptis) libentius a consimili ceremonia abstinere, medicastis eam relinquentes.

461. Isti jam, quos adnotavimus, sunt pulsus arteriarum in praxi communius occurrentes, medicum sæpe instruere & signa morborum exhibentes. Legimus in libris & audimus a medicis subtilia atque mira in arteria quærentibus de pulsu *vermiculari*, *myuro*, *formicante*, *ferrato*, *caprizante* &c.; quæ vero subtilitates nullum in praxi

fructum largiuntur. Unicum exceperis *dicrotam* pulsum.

462. Ceterum signa ex hisce pulsibus desumenda tum in generalis Pathologiæ Semiologia jam explicata sunt, tum in decursu Pathologiæ specialis explicantur, tum etiam ad lectos ægrorum practice demonstrantur, unacum methodo, varios hosce pulsus inter se distinguendi.

*F. Struthii*, ars sphymica. Bas. 1602.

*D. Abercrombii*, observ. de varietate pulsus. Lond. 1685.

*G. Chr. Schelhamer* Epist. qua pulsus ratio diligentius expenditur. Helmst. 1696.

*Fr. Hoffmann*, de pulsus natura & usu.

*S. P. Hilscher* r. *Wendler*, Diss. de Sphymomantia. Jen. 1732.

*J. E. Hebenstreit* r. *Ungebauer*, Diss. de pulsu inæquali. Lips. 1741.

*B. D. Mauchart* r. *Cameratio* de pulsu. Tub. 1748.

*J. G. Gmelin* r. *Streiff*, Diss. de tactu pulsus. Tubing 1753.

*A. E. Büchner* r. *Tralles*, Diss. de causis pulsus intermit. Hal. 1755.

*Ejusdem*, Diss. de pulsu ut signo fallaci. Hal. 1758.

*G. S. Schneider*, Adversaria de pulsu. Lips. 1763.

*E. A. Nicolai*, Progr. de pulsu. Jen. 1763.—1790.

*W. Rikemann*, Diss. de judicio ex pulsu. Göt. 1765.

*H. Foucquet*, Essais sur le pouls. Montp. 1767.

*J. P. Eberhard* r. *Bong*, de pulsu, ut signo fallaci. Hal. 1767.

*M. Menuret*, traité du pouls. Par. 1768.



*Ant. de Haen*, ratio medendi p. XII.

*J. J. Wetsch*, Medicina ex pulsu. Vindob. 1778.

*Chr. Th. Mayer*, Com. de arte sphymica. Jen. 1771.

*C. Gandini*, Elementi dell' arte sphymica. Nap. 1776.

*G. G. Franz*, Diss. de medicor. legibus metricis.  
Lips. 1782.

*A. Pelissier*, Diss. de pulsu arter. Edinb. 1784.

*H. Fr. Delius*, von einigen Pulsarten. Erl. 1784.

*G. Cerri*, Diss. interno al polso. Milan. 1786.

*K. Sprengel*, Beyträge zur Geschichte des Pulses.  
Leips. 1787.

463. Explorato autem pulsu, omnia jam illa phenomena collecta sunt, quæ colligenda erant, & cognoscendi præsentis morbi signa exhibere possunt. Examen ergo ægri & morbi hisce absolutum est. Supplementi in locum aliquæ tantum regulæ adhuc subjungentur, in examine hocce probe observandæ.

### *Regulæ quædam in ægrorum examine observandæ.*

464. *Prima regula.* Adducta superius momenta ad ægri examen necessaria sunt quidem in ordine exploranda; multa tamen illorum in specialibus casibus superflua esse possunt; proinde quæstiones a medici prudentia dirigendæ, & dato casui adcommodandæ erunt. Multa etiam phenomena, quin interrogetur æger, solis sensibus deteguntur, aut et alio ordine quandoque explorantur.

465. *Secunda regula.* Locales tamen morbi peculiare & adcuratius adhuc examen deposcunt. Ita morbi oculorum, auditus, uteri &c.

466. *Tertia regula.* Non omnia semper vera sunt, quæ ab ægris de morbo referuntur. Præter ficta signa simulatorum morborum adferuntur quoque & talia quandoque, quæ ægri sibi imaginantur; aut sæpe ex mentis imbecillitate, sæpe ex dolore &c. confuse respondent. Ad quod attendendum.

467. *Quarta regula.* Respondentes & narrantes ægri sunt patienter exaudiendi, tum in illorum relatione, quæ ad præsentium phenomenorum, tum in expositione eorum, quæ ad historiam præteritorum spectant. Aegri enim plerique ante medici adventum jam sibi parant systema quoddam narrationis suæ, in quo turbari sæpe non debent, ne filum ordinis deperdant. Impatientes in ægris exaudiendis medici ad veram morbi cognitionem raro adscendunt.

468. *Quinta regula.* Aegri a medico in examine nunquam sunt præoccupandi, id est, signa quædam non sunt quærenda, aut quasi extorquenda, de quorum præsentia nulla probabilitas apparet. Nullum v. g. morborum symptoma existit, a quo ægri hypochondriaci vexari sibi sæpe non imaginentur. Si ergo medicus inepte interrogat, affirmative non raro respondent, & tamen adfertis symptomatibus carent. Ita & alii nonnunquam ægri, præcipue stupidi,

469. *Sexta regula.* Aegri morosi, melancholici, minus fuse examinandi, atque paucioribus quæstionibus expediendi sunt. Nam plerumque ex talibus nihil extorquetur, atque in iram & impatientiam cito effervescunt.

470. *Septima regula.* Debiles quoque ægri, aut quibus fermocinatio vel nociva, vel difficilis est; ægri, qui magnas hæmorrhagias, dolores, anxietates, deliquia animi &c. patiuntur, succinctissime sunt examinandi; atque tunc ab adstantibus, aut ex aliis circumstantiis notitiæ de morbo fors plures colligendæ erunt, quam ex ipso ægro.

471. *Octava regula.* Infantes loquela & iudicio circa proprium morbum adhuc destituti, non possunt eo modo examinari, quo adulti. Propterea infantilium morborum semiologia pauperrima est. Idem intelligitur de examine adultorum, loquela ex variis causis carentium, aut hominum mente captorum & delirantium, qui, etiamsi fors responderent, inepte tamen respondere, & contraria quandoque aut falsa enarrare solent. Tali in casu ex responsis ægrorum non multum notitiæ de morbo latente sperandum est, atque plura phenomena debent tum ex circumstantiis externis exactius ac alibi colligi, tum ex adstantibus, adfinibus, amicis, vel custodibus hauriri.

472. Plurima denique alia adhuc (præter superius commemorata) impedimenta in ægris explorandis occurrunt, tum *ex parte ægrotantium*, (inadvertentia, indifferentia, mysteria, oblivio, sæpe lingua aliena &c.); tum *ex parte morbi ipsius*

(surditas, sopor &c.); tum *ex parte adstantium* (falsæ relationes); tum *ex parte aliarum circumstantiarum* (tenebræ v. g.); tum denique *ex parte medici* (v. g. trepidatio versus ægros contagio aut furore adfectos) quæ omnia exactiori ægrorum examini sæpe obstant.

473, Ipsi igitur prudentiæ circumstantiis obvenientibus adcommoandæ, sub variorum ægrorum examine plurimum relinquendum erit. Speciale morborum specialia examina ad ipsos ægrorum lectos docentur.

*A. Planer*, methodus investigandi locos adfectos. Tub. 1579.

*J. J. Scharandæi*, modus et ratio visendi ægros. Solod. 1679. Erf. 1749.

*J. H. Slevogt*, Pr. de mediis morbos explorandi naturalibus. Jen. 1721.

*Ejusdem*, Pr. de quibusd. explorationis morborum impedimentis. Jen. 1721.

*M. Alberti*, Diss. de ægrorum examinis methodo. Hal. 1731.

*D. Michels*, de indagandæ histor. morbor. utilitate ad cognoscend. & curand. morbos. Arg. 1766.

*A. W. Smith*, Entwurf eines methodisch. systemat. Krankenexamens. Wien 1787. 1796.

*F. de Stahl*, Diss. de examine ægri rite instituendo. Wirceb. 1791.

Allgemeine Anleitung Kranke zu examiniren. Marb. 1792.

*J. J. H. Bücking*, Beytrag zur Zeichenlehre in Krankheiten. Stendal 1793.

*J. Fr. Gotthard*, *Leitsaden für angehende Aerzte*  
*Kranke zu prüfen.* Erl. 1793,

*S. G. Vogel*, *Krankenexamen.* Stend. 1796. *Wien*  
 1797. (*Liber omnium maxime commen-*  
*dandus*).

*Ejusdem*, *Früherer Aufsatz im Taschenbuche für*  
*Freunde der Gesundheit.* 1784.

*Chr. A. Struve*, *tabellarische Uebersicht zum Behuf*  
*des Krankenexamens.* Han. 1800.

*Fragmenta hujus materiei inveniuntur in*  
*Dav. Hamiltonio*, (de praxeos regulis. Lond. 1710.)

*H. Boerhaavio* (introductio in praxin clinicam);

*C. G. Ludwigio* (methód. doctrinæ medic. univers.  
 Lips. 1766.);

*S. A. D. Tissoto* (Anleitung für das Landvolk);

*J. Kämpfio* (Enchirid. med. Frf. 1778.);

*F. L. Bangio* (Praxis medic. Hafn. 1789.);

*M. Stollio* (ratio medendi, Tom. VI);

*J. Eyerelio* (Observ. medic. Vien. 1794.);

*J. N. Thomahno* (Gedanken und Beobacht. aus der  
 pract. Arzneyk. Würzb. 1794.); & aliis.

*Etiam si denique in Candidatis praxin clinicam*  
*adeuntibus sufficientes semioticæ cognitiones sub-*  
*ponantur ad ipsa signa morborum dijudicanda;*  
*iterum tamen iterumque commendantur lectiones*  
*sequentium librorum:*

*Chr. G. Gruner*, *Semiotice physiol. & patholog.*  
 Hal. 1775.

— — — — *physiolog. und patholog. Zeichenlehre*  
 Jen. 1794.

*C. Sprengel*, *Handb. der Semiotik.* Hal. 1801.



## CAPUT SEXTUM.

### *De praxi in morbis cognoscendis & determinandis.*

474. **C**ollectis per ægri examen momentis supradictis, medicus ad morbi cognitionem & determinationem adscendit.

475. Examinabantur imprimis proclivitates ægri in certos morbos. Huc conferebant cognitio sexus, ætatis, temperamenti, habitus corporis, vitæ generis, opificii, morborum variorum prægressorum &c. Exinde sæpe notitia impossibilitatis aut improbabilitatis certorum quorundam morborum præsentiae, aut & quandoque suspicio exoritur de morbi præsentis natura. Imo causæ nonnullæ occasionales ex ipso dispositionis hujus examine sæpe patefunt.

476. Deinde vero causæ excitantes ipsæ, ac nocentes potentiae, quæ morbum præsentem generarunt, omnibus vestigiis indagabantur. Computabantur simul & illa, quæ ægrum circumdant; morbum, si non reapse producant, saltem vario

mutant; præcipue diætæ in victu & aëre conditiones. Ex hisce jam, quorum effectus morbus est, clarius de natura illius idea acquiritur; suspicio de morbo prius habita vel confirmatur, vel imminuitur, vel deletur; indolesque morbi vel certo, vel saltem probabiliter patescit. Atque ubi causæ omnes silent, consideratio grassantium in ceteros homines morborum vel indolem cognoscendi mali definit, vel varias ejus ab epidemico genio, cujus imperio obedit, modificationes enucleat.

477. Serius exaudiebatur historia præsentis morbi anamnestica, initium morbi, phenomena exordii & decursus, unacum therapia hucusque adhibita, juvante vel nocente. Pernoscitur inde, in quonam stadio & in quanam ætate morbus versetur, aut quænam stadia quandoque (uti v. g. in variolis) percurrenda adhuc sint. Pernoscitur quoque modus, velocitas, decursus, & vires ægri morbo ferendo pares aut impares sæpe dijudicari possunt. Imo rescitur sæpe, ad quamnam classem morborum præsens referendus sit, acutorum sive chronicorum, sincerorum sive anormalorum &c.

478. Sed non semper elapsa feliciter deteguntur. Multo sæpius causæ omni industria indagatæ, atque prægressa phenomena explorata aut conjecturalem tantum, aut nullam penitus morbi cognitionem largiuntur. Propterea demum colliguntur signa proprie diagnostica. Examinantur symptomata capitis, thoracis, abdominis atque artuum, functionum scilicet omnium conditio exploratur; indagantur qualitates corporis externi &

superficieï , atque excretionum rationes variæ. Gignitur jam vel recens de morbi indole idea, dum ab effectibus (symptomatibus) cauto ratiocinio ad causas latentes penetramus; aut prior de morbo capta idea confirmatur, dum effectus causis exantlatis correspondent.

479. Tot igitur & tanta momenta simul sumta et computata requiruntur, ad morbi cognitionem severe eruendam. Neque mirandum, si medici juniores vertiginosi fiant sub tot phenomenorum consideratione. Nec etiam mirandum, expertos quoque medicos quandoque in arduo hoc negotio hallucinari; ubi scilicet causarum symptomatumque morbi vel intricatio, vel fallacia.

480. Jam ergo leges quædam, quæ hisce ex multiplicibus fontibus adcuratiorem morbi cognitionem haurire docent, fusius exponendæ erunt.

481. Et quum non semper sufficiat morbum solummodo nosse, sed persæpe etiam requiratur, ut medicus medico ideam de morbo habitam communicare, proinde morbum quemvis nomine apto exprimere sciat; hinc primo de morbi cognitione seu *diagnosi*, dein de morbi determinatione seu *denominatione* agendum erit.

## I.

### Diagnosîs morbi.

482. Cognitio morbi præsentis *diagnosîs* vocatur. Quæ si nomine apto notatur & exprimitur,

a medicis agnito & in morborum systematibus comprehenso, definitio morbi, determinatio aut *denominatio* dicitur.

483. Stricto in sensu diagnosi est ipsa nosologia specialis totius morbi in ægro præsentis. Dummodo enim fieri posset, in cujusvis morbi consideratione non esset prius adquiescendum, donec omnia phenomena occurrentia ex capta ejus idea eruantur & explicentur. Sed hoc in plurimis morbis difficillimum, quousque firmiora medicorum dogmatum fundamenta (præcipue physiologica) posita non fuerint. Hinc plura morborum phenomena potius consideramus, quam explicamus; contenti, si ita saltem morbum cognoscimus, ut nexum præcipuorum phenomenorum morbosorum cum causis suis in tantum perspiciamus, in quantum pro apte dirigenda medela hoc requiritur.

484. Ad quatuor momenta in morbi cujusvis diagnosi quammaxime attendendum est; scilicet 1. ad *naturam*, 2. ad *formam*, 3. ad *stadium*, & 4. ad *magnitudinem* ejus.

## 1. *Natura morbi.*

485. *Natura* morbi & indoles proprie consistit in illis attributis, quæ pro diversitate & differentia sua, diversa quoque auxilia, id est diversam therapiam deprecant.

486. Permulti quidem observantur morbi quoad formam; longe autem pauciores quoad genus huncce. *Natura* enim morborum eos in classes,

ordines & genera distribuit, perpetuo essentialia eadem morbo characteres, & generaliores comprehendit; forma autem morborum nonnisi varietates eorum determinat, variabiliores characteres exhibet, aut ad summum speciem morbi definit.

487. *Diagnos* naturæ morbi ex omnibus illis momentis desumitur, quæ in examine ægri adsignata fuerunt; videlicet *ex proclivitate* & dispositione ægri; *ex causis* morbi, aut *ex genio morborum populari*, atque *ex morbi decurrendi modo* & *ex symptomatibus*, ceu effectibus causarum. Hæc autem omnia momenta insimul computanda sunt; nam singula non sufficiunt.

## Diagnos naturæ morbi ex proclivitate ægri.

488. Ex unica *proclivitate* & *dispositione* ægri in certos morbos nunquam secura diagnos formari potest. Sexualibus enim morbis exceptis, omnis homo in omnem fere morbum dispositus esse potest. Nam & de variolatis variolantibus, de seniculis dentientibus, de infantibus hæmorrhoidariis &c. exempla jam fuerunt. Et universim dispositio unicum tantum pro morbo momentum sistit, internum scilicet, quod nunquam morbum ponit, nisi externum momentum, causa nempe excitans insimul concuxat. Dantur veror *potentiæ* nocentes *absolutæ*, quæ sub dispositione qualicumque certum eundemque morbum progenerant.



489. Meræ ergo probabilitates, nunquam certitudines ex unicis dispositionibus morbos erui possunt. Et conjecturalis in genere illa diagnosi est, quæ ex hominum in certos morbos proclivitatibus, dispositionibus aut indispositionibus unice desumitur; nisi ceteris diagnosticis circumstantiis confirmetur.

490. Attamen in singulis casibus quandoque non infida est. *Potentia* enim quædam *relative* tantum nocent, certis tantum dispositionibus insensæ; atque sub aliis iterum dispositionibus morbum minime producant. Hinc dispositio, quæ causarum vires varie omnino dirigit, extollit, imminuit, enervat, non tantum respicienda, sed etiam cum notis causarum viribus probe computanda erit.

491. Distinguatur tamen a dispositione morbosa ille status corporis, quem neoterici *opportunitatem* vocant, ubi homo sanitate perfecta privatus, morbi tamen limites nondum ingressus est. Hicce enim status jam initium morbi est, aut prodromus.

## Diagnosis naturæ morbi ex causis.

492. *Diagnosis ex causis* morborum desumpta, omnium est securissima; nam optime ducit ad notitiam naturæ & indolis effectuum, qui morbum constituunt.

493. Et quidem facillima & securissima diagnosi ibi est, ubi *causa unica* prægressa est, *vehemens & manifesta*.

494. Sæpe autem vehementes & manifestæ causæ morbo non antecedunt; sed *syndrome causarum plurium & minus violentarum* eum progenerat; quarum collectio diagnosin minus faciliat, quum raro ad consimiles effectus progignendos conspirent, ac obposito modo agentium prævalentes potestates non facile determinantur.

495. Imo in aliis casibus causæ penitus *ignorantur*, nec facile conjectantur. Aut etiam ex primariis causis, utut cognitis, effectus oriuntur, qui secundariæ denuo causæ evadunt, non feliciter sæpe cognoscendæ.

496. Ipsi demum & unicæ causæ ac manifestæ, in diverse disposita subjecta, *diversi* fere effectus esse possunt.

497. Atque hisce sub circumstantiis, & aliis pluribus, natura morbi etiam ex causis prægressis non tuto sæpe desumitur, & incerta aut anceps diagnosis exoritur. Alii igitur præterea diagnoseos fontes quærendi sunt; in ipsis præcipue symptomatibus morbi.

498. Semper autem, ubi causæ morbi frustra quærantur, oculus dirigendus est ad illas morborum universales causas, quæ in populos sæviunt, *epidemicæ* aut *contagiosæ*, atque naturam morborum persæpe aperiunt.

## Diagnosis naturæ morbi ex symptomatibus.

499. Diagnosis *ex symptomatibus*, præcipue singularibus, non semper secuta est & vera, nec

adeo tuta, ac illa ex causis desumpta. Eadem enim symptomata in diversæ & obpositæ naturæ morbis comparere sæpe possunt.

500. Nam horum nonnulla sunt adeo *communia*, ut omni fere morbo, absque exceptione adhæreant. Sic anorexia, lassitudo, somnus turbatus &c. sunt adeo vulgaria morbosa phenomena, ut vix non cuivis morbo se adsociant.

501. Imo quædam, leviorum functionum *leviusculæ læsiones* nec morbum semper præsentem, sed turbatam potius sanitatem in genere denotant, & in ipsa opportunitate, intermedia inter morbum & valetudinem conditione æque observantur, ac in gravissimis morbis.

502. Alia iterum sunt *subalterna*, principalium nonnisi symptomatum symptomata, a diversa corporis partium morbosa dispositione ut plurimum pendencia. Neque hæcce prioribus magis conferunt ad naturam morbi certe eruendam.

503. Idem valet de symptomatibus mere *consensualibus*, in diversis hominibus sub eodem morbo sæpe variis.

504. Denique etiam nonnulla symptomata penitus *accidentalia* sunt, ex ipsa natura morbi minime fluunt, adesse vel abesse possunt, quin species morbi ideo mutetur; proinde etiam naturam & indolem morbi minime indicant. Veniunt ex causis lateralibus, morbo extrinsecis, in ipso decursu ut plurimum adsociata, parasitica, *epigenomena*. Ex hisce, utpote infidelibus, forma quidem morbi, complicatio &c. nunquam autem veram

natura secure desumi poterit. Pluritas ipsa symptomatum horum, & simul sumptorum conspectus æque parum docet in diagnosi instituenda, ac singulorum conditio.

505. Si quæ certior naturæ morbi diagnosi ex symptomatibus eruenda venit, tunc ex illis omnino desumenda erit, quæ *essentialia & pathognomica* sunt, in dato morbo semper adsunt; ex natura morbi immediate fluunt, proinde ad naturam ejus infallibiliter reducunt. Sed hæc rara sunt, aut non dantur in omni morbo, aut saltem non sufficienter cognita. Neque unicum tale pro essentiali caractere sufficit; sed requiritur selectus plurium eminentiorum signorum; quæ qui noverit exquirere, diagnosin fere jam fecit.

506. Præcipue autem ad ea debite exquirenda, debiteque pro diagnosi ordinanda, definitiones morborum in Pathologia speciali adsignatas optime callere oportet.

507. Utut summe arduum negotium sit, a symptomatibus ad naturam morbi adscendere, nunquam tamen eorum considerationem vilipendere, præcipue summarium omnium simul amplexum negligere decet.

508. Nam symptomata morbi sunt partes, quæ omnes simul sumtæ totum, scilicet morbum constituunt. Sunt effectus, a quorum contemplatione casto ratiocinio ad causas concludere licet. Sunt phenomena denique, quorum empirica consideratio analogico argumento ad similia diffimi-

liumque morborum cognitionem, proinde ad aliqualem diagnofin ducit.

509. Necesse autem infimul erit femper, *decursus modum* in omni morbo probe confiderare; id eft, non tantum præfentia fymptomata pèrpendere, fed & eorum fucceffionem, fucceffionisque velociam, eorum ordinem, nexum, incrementum, decrementum &c. cum præteritis optime reputare, atque in ipfa decurrendi ratione fimilitudinem aut diffimilitudinem morborum denuo invenire.

## Diagnofis naturæ morbi ex toto morbi habitu.

510. Cum denique nec fymptomatibus morbofis penitus & ubique fidere liceat, nec penitus ea, fimul confiderata contemnere; neque etiam omnem fidem unice caufis dare, quæ, ubi manifeftæ non fuerint, conjectantur tantum, aut et falſæ adſumuntur; hinc ex comparatione fymptomatum cum caufis, & caufarum reciproca cum effectibus hiſce computatione, habita femper infimul ad ægri difpofitionem aut fanitatem prægreffam ratione, optime, quantum fieri poteft, ad præfentis morbi naturam concludetur; quæ unice ad fontes indicationum ducit, videlicet ad id, quod morbo & ejus caufis contrarium eft, vel & ad incurabilitatis determinationem.

511. Ex omnibus hic dictis autem elucet, diagnofeos valorem multiplicem eſſe poſſe. Illo



tantum in casu, ubi omnia momenta memorata ad revelandam morbi naturam exacte conferunt, *diagnosis certa & secuta* fieri potest, quæ agendorum in therapia rationem clare determinat. Aliis in casibus vel *probabilis* erit, vel *conjecturalis & dubia*, vel & *nulla* penitus.

## 2. *Forma morbi.*

512. Conspectus omnium symptomatum morbosorum simul sumtorum, tum essentialium, tum & accidentalium, *formam* morbi externam designat.

513. Hæc symptomata vel ex communi & unica causa oriuntur, in simplici morbo; vel ex pluribus causis, diverso modo agentibus, in morbo complicato.

514. Dum horum morbosorum symptomatum, utpote functionum adeo multiplicium & adeo multifarie læsarum, ingentem numerum consideramus, eorumque multifariæ ac innumeræ fere mixtionis & modificationis possibilitatem; non mirabimur, innumeras morborum formas esse, quæ tamen aliud nihil, quam physiognomiæ quasi morborum sunt. Et male esset generi humano, si tot darentur genera, quot formæ morborum, aut varietates.

515. A formis hisce ad naturæ morbi cognitionem adscendi, ultimamque ex iis differentiam, qua morbus a morbo differt, erui absque fallacia non posse, dictum fuit; quum diversis quoad naturam morbis forma quandoque consimilis adhæ-

rere possit; & diversa vicissim exterior forma eidem quoad genium morbo nonnunquam adsocietur.

516. Interim tamen singulorum organorum morbosæ adfectiones, harumque adfectionum ad se invicem relatio, copia, extensio, intensio, proinde causarum vehementia, directio, simplicitas, complicatio &c. ex formæ morbi consideratione sufficienter sæpe elucere possunt. Quod quidem non minimum momentum in praxi est, auxiliique dirigendi rationem multum determinat.

517. Sufficit pro dignitate formæ morborum agnoscenda, quod cum causis eorum semper in nexu sit.

### 3. *Stadium morbi.*

518. Nunquam vero forma morbi adeo constans est, ut per totum ejus decursum una eademque maneat. Phenomenorum enim morbosorum successio, successioneque series, modus & celeritas &c. pro diversis morborum stadiis multum variat.

519. Imo ipsa natura morbi in decursu quandoque immutatur. Exemplum in variolis.

520. Quare ad formam & naturam morbi rite dijudicandam & cognoscendam sæpius requiritur, ut respectus habeatur ad *stadium* illud, in quo impræsentiarum versatur morbus, atque ut præsens stadium cum elapsis bene conferatur; ut ergo morbus in quavis fere ætate sua consideretur.

521. Nam uti omnium reliquarum circumstantiarum amplexus ad morbum definiendum re-

quiritur, ita & amplexus totius decursus in omnibus stadiis ad morbum peniculate dijudicandum necessarius erit; atque unica præsentis stadii consideratio non exactissimam morbi ideam dabit. Dantur plures morbi, uti v. g. exanthematici & febres intermittentes, qui nisi post decursum aliquot dierum, ex serie symptomatum sibi invicem succedentium dignosci possunt.

522. Historia præsentis morbi anamnestica probe examinata ac perpenſa, nec non comparata insimul cum rite cognita morbi alicujus ratione decurrendi, plurimum huc faciet. Nam dantur morbi, quorum stadia in propria eorum natura stabilita sunt, & absolute percurri debent. Ceterum autem cognito more in initium, incrementum statum ( $\alpha\chi\mu\eta$ ), decrementum & finem stadia morborum dividuntur.

523. Denique non tantum juvantium & nocentium perspectio, sed & ipsarum curativarum indicationum directio in stadiorum horum adcurata consideratione multum fundatur.

*A. Haller*, Diss. de temporis observatione in curandis morbis. Gæt. 1746.

*A. E. Büchner*, de morborum temporibus. Hal. 1757.

#### 4. *Magnitudo morbi.*

524. Ut promptitudo auxilii necessarii determinari, nec non, ut debitus medelæ gradus dato mali gradui rite adaptari possit, *morbi magnitudo*,

vehementiæ scilicet aut levitatis gradatio varia, in diagnosi instituenda semper erit æstimanda, atque in morbi denominatione exprimenda. Sic tussicula, tussis; febricula, febris &c. distinguuntur & re et nomine.

525. Hæc vero magnitudo morbi ex causis, symptomatumque morbosorum quantitate, qualitate tum intensiva tum extensiva optime mensuratur, computando & hic dispositionum prægressarum conditiones.

526. Ex ipsa demum magnitudinis morbi diagnosi, optima prognosis simul eruitur. De qua inferius in proprio capite.

527. Hæc sunt momenta, ex quibus requisita morbi cujusvis cognitio erui; hicque modus est, quo momenta hæc omnia memorata considerari debent. Exinde idea morbi capitur, & specialis ejus Nosologia, plus minus exacta habetur. Morbus cognoscitur.

528. Sed scire quoque oportet, quomodo ex capta hacce idea morbus denominari, ac per denominationem aliis quoque communicari possit.

## II.

### Denominatio morbi.

529. Cognitio morbi ipsamet ad definitionem & denominationem ejus ducit. Hæcce *denomina-*

*tio morbi debet autem talis esse, ut non tantum characteres summe essentialia, scitu pro indicationibus necessarios exprimat; sed ut etiam ab aliis medicis intelligatur, ut uni ab altero ergo exacta morbi idea paucis verbis communicari possit.*

530. Si daretur naturale & perfectum morborum systema, quale plantarum v. g., tunc exiguum esset negotium, signa in morbo quodam collecta, seu characteres observatos, cum characteribus morborum in pathologico systemate contentis conferre, datumque morbum ad classes, ordines, genera, species reducere, differentiam ab aliis deprehendere, ac apte illum denominare.

531. Sed naturale morborum systema adhuc inter desiderata est. Plurima eorum, quæ habemus, vel fusæ symptomatologiæ sunt; vel e contra (sub falso simplicium nomine) tenues, macellæ ac insufficientes sciographiæ.

532. Conabimur tamen in Pathologiæ specialis delineatione tales morborum divisiones sistere, quæ — etsi non perfectissimæ adhuc (nam nec viri unius, nec unius ætatis hic labor est), practico tamen valore non erunt destitutæ.

533. Ibi omnium primo morbi juxta generaliores, attamen essentialia characteres ex omni ambitu desumptos, in certas familias, seu classes distribuuntur. (Exquirendi scilicet omnium primo generaliores, plurimisque familiis vulgares characteres sunt). V. g. febres, ob peculiarem indolem, ob horrorem sub initiante morbi nunquam absentem, ob virium vitalium, circuli humorum calorisque



animalis manifestas læsiones, ob versatilitatem in decursu, ob nism in repentinas spontaneasque mutationes seu crises, familiam quoque peculiarem sistunt. Requisitis ergo characteribus instructus morbus ad classem febrium reducitur, ac *febris* generaliter nominatur.

534. Deinde specialius indagatur in illos characteres, qui paucioribus ac certis morborum ejusdem familiæ ordinibus aut generibus tantum conveniunt, principaliumque classium subdivisiones sistunt. Dantur v. g. febres, quæ ab aliis ob virium vitalium exorbitantiam, ob reactionis vitalis in stimulos morbosos vehementiam, ob typum continentem, decursum peracutum, sanguinem cum impetu circulantem & accensum &c. sese distinguunt. Hisce characteribus donatæ *febres inflammatoriæ* dicuntur (pyrexia).

535. Demum autem specialissime illæ adhuc morborum notæ exquiruntur, quæ singularibus tantum familiarum membris ita sunt propriæ, ut species saltem, si non & varietates morborum, designent. Respiratio e. g. oppressiva aut dolorifica cum tussi in priori casu obveniens, *febrim inflammatoriam cum topica adfectione pulmonum* constituet (peripneumonicam).

536. Optima igitur morbi denominatio & naturam morbi, et formam morbi designare debet. Tali expressione integra morbi idea practica communicatur. Nec interest, quo ordine hoc exprimatur. V. g. *Peripneumonia inflammatoria; fe-*

*bris inflammatoria cum topica adfectione pulmonum; pyrexia pneumonica &c.*

537. Si adhuc unacum differentia illa ultima & causa proxima in denominatione adsignatur, tunc optima morbi imago exprimitur. Ita *phrenitis traumatica, colica pictonum &c.* binis vocibus totam morbi ideam communicat.

538. Tandem eo exactior illa denominatio erit, quo magis omnia circa morbum scienda & pro indicationibus necessaria simul amplectitur; videlicet non tantum naturam & formam morbi, sed & stadium & magnitudinem ejus. v. g. *febris variolosa suppuratoria maligna.*

539. Non tamen semper talem denominationem dari posse, libenter concedimus. Imo sæpe totius morbi natura latet, aut anceps est, & ex unico symptomate prævalente tota denominatio petitur. E. g. *surditas.*

540. Ad finem hujus capitis, totius practicæ medicinæ difficillimi ac momentosissimi, liceat adhuc regulas quasdam adsignare, sub instituendo hocce negotio observandas.

## Regulæ quædam.

541. *Prima regula.* In morbis dijudicandis quammaxime semper attendere oportet, utrum morbus inquirendus sit morbus totius systematis,

virium, facultatumve; aut localis, organicus; aut ex utroque compositus.

542. *Secunda regula.* Plures in eodem individuo morbi (locales plerumque), complicati, aut potius compositi, plurium videlicet causarum effectus, quos ad unicum fontem communem reducere non licet, singulatim considerandi, definiendi, denominandi veniunt. Relatio signorum inter se & cum causis, cognitio unius ab altero independentiæ aut & contradictionis, prudens illorum a se invicem separatio, medicum ad genuinam horum morborum cognitionem & distinctionem ducere debent.

543. *Tertia regula.* Simplex autem morbus ne facile pro complicato habeatur. Symptomatum copiosorum syndrome in morbo vehementi, symptomatumve alternatio, successio in morbo durante & longævo; præ aliis autem symptomata lateralialia, accidentalialia & morbo extraordinaria, ne seducant juniorem medicum, ut simplicem morbum pro composito agnoscat. Morbus quivis, arboris adinstar in morbosa symptomata diramificatur. Quæ ad radicem non possunt referri rami, illi tantummodo alienæ originis habeantur.

544. *Quarta regula.* Præmaturo judicio & præpostero, ex paucis aut singularibus phenomenis desumpto, neglectis philosophicis inductionibus, nunquam firma diagnosi formari potest.

545. *Quinta regula.* Diagnosi optima illa est, quæ a decursu futuro essentialibus morbi characteribus quotidie confirmatur, successuque adhi-

bitæ rationalis therapie coronatur. Obposito in casu a diagnosi prius instituta prudenter recedendum erit.

546. *Sexta regula.* Quotidie igitur ad lectos ægrorum, collectis recenter phenomenis, recens quoque diagnosi formari debet; qua scilicet iudicium de morbo prius habitum confirmabitur, vel rejicietur.

547. *Septima regula.* Sæpe primo die conspecti morbi, vel ob defectum, vel ob contradictionem characterum & signorum, secura diagnosi institui non potest, sed aut conjecturalis, aut nulla penitus. Ne pudeat medicum artis insufficientis. In decursu morbi ex circumstantiis adfirmantibus vel negantibus securitas diagnoseos sæpe roboratur.

548. *Octava regula.* Debemus quandoque etiam negativa diagnosi contenti esse. Sufficere debet scire, quid morbus non sit, si nescitur, quid sit.

549. *Nona regula.* Medicus nunquam fidat denominationibus morbi ab ipso ægro adsignatis, aut ab adstante quodam; neque eorum propriis interpollatis opinionibus seducatur. Dantur ægri, qui medicum præoccupant, ac si v. g. in hæmorrhoidibus, flatulentia &c. totus morbus consisteret, cum hoc minime verum sit.

550. *Decima regula.* Nomenclaturam medicam, diuturno usu confirmatam sine gravi causa mutare non licet, ne confusio babylonica in artis nostræ lingua magis adhuc adaugeatur. Novas, frivolas, ineptas terminologias penitus rejicimus.

- A. Campolongi*, vera cognoscendi morbos methodus. Viteb. 1600.
- G. Baglivi*, de morborum hypothefi rite conftruenda.
- D. Fischer*, de eo, quod in cognoscendis morbis præcipuum eft. Erf. 1717.
- A. Ziegler*, Diff. de methodo cognoscendi morbos. Rint. 1745.
- J. Junker* r. *Köppe*, Diff. de vera morbor. diagnosi, certo therapiaë fundamento. Hal. 1756.
- Fr. Chr. Juncker* r. *Piftenio*, Diff. de plurium signorum in morbis cognoscendis & curandis neceffaria conjecturatione. Hal. 1764.
- J. L. Elzmann*, Officium medici coram ægris. Lond. 1770.
- D. Ludwig*, Pr. de Diagnostices morborum fontibus. Lipf. 1797.

---

## CAPUT SEPTIMUM.

### *De praxi in morbis tractandis.*

---

551. **D**iagnofis morbi rationem medendi unice determinat. Cognitus fcilicet in omni fuo ambitu morbus medelam adæquatam fponde quali indicat, ubi fanabilis eft. Ubi vero fanitatis reftituendæ impoffibilitas, leniendæ faltem fortis auxilia fponde oftendit.



552. Hic duplex *tractationis* morborum scopus et modus est. Sanabilem *sanatio*, insanabilem *curatio*.

553. Quas diagnosi stabilita dirigit *indicatio*, *indicantium* & *contraindicantium* phenomenorum perpensio, atque ipsorum *indicatorum* remediorum selectus.

554. Hæcce omnia autem inductione summe philosophica unum ex alio eruere oportet.

## I.

### Indicatio.

555. Id, quod petit morbus sanabilis, ut sanari possit, atque insanabilis, ut saltem leniri queat, *indicatio* dicitur.

556. Hæc ex ipsa diagnosi logico ordine fluit; atque duplex est: *curatoria*, ubi sanitatis perfecte restituendæ possibilitas datur; & *palliativa*, qua sanitas perfecta adtingi non potest, sed vita ægri sustinetur & prolongatur, aut urgentiorum symptomatum molestia levatur.

557. Quoniam autem hæc memorata divisio in causæ morbificæ ablatione possibili aut impossibili plurimum fundatur; hinc melius hocce intuitu indicationes dividuntur in *directas* & *indirectas*.

558. *Directa indicatio* & medendi methodus ibi locum habet, 1. ubi causa morbi probe cognita est; 2. ubi ita constituta, ut auxilio medico

aufferri, aut enervari penitus possit; 3. ubi talem permanentem effectum non produxit, qui pro recenti denuo causa ad morbum vel secundarium producendum, vel primum prolongandum haberi posset.

559. Omnia hæc tria momenta ad formandam directam indicationem requiruntur; nec unum deficere debet. V. g. Comedit aliquis homo fungos venenatos, in febrim cum delirio incidit. Causa hæc rescitur; venenum vomitorio mature & feliciter aufertur; ex vomitu nullus alius organicus morbus subsecutus est; plenaria ergo sanitas per directam medelæ indicationem restitui potest.

560. Patet exinde sponte, omnia illa auxilia (indicata quoque vocant) indicationi directæ satisfacere, quæ causis morbi sunt contraria. Ergo (uti in *Hippocratis* libris jam habetur) „repletioni  
„evacuatio, evacuationi repletio, labori quies &  
„quieti labor. Nam contraria contrariorum sunt  
„medicamina; & medicina nihil aliud est, nisi  
„adpositio & ablatio; ablatio quidem eorum, quæ  
„excedunt, adpositio vero eorum, quæ deficiunt.  
„Qui autem istud optime facere potest, is optimus  
„medicus censebitur.“

561. Rariores tamen illi casus in praxi sunt, quibus directa auxilia adhiberi possunt; nam præmemoratae tres conditiones raro insimul obveniunt.

562. Neoterici, qui juxta incitabilitatis systema praxin instituunt, minime hoc perpendunt. Male opinantur, nec absque arrogantia, se directissima methodo morbosam incitationem adgredi debere;

ubi tamen causæ prægressæ vel conjecturales sunt, vel alieno & occulto modo agunt (uti in morbis v. g. contagiosis); vel ubi effectus generarunt, qui secundariam jamjam causam pro recenti malo, præcipue locali sistunt, correcta incitatione nequaquam amovendam. Ita in phthisi ulcerosa, in hydrope &c.

563. *Indirecta indicatio* & medendi methodus ibi econtra locum habet; 1. ubi causa morbi incognita, aut conjecturalis tantum, aut modus actionis ejus ignoratur; 2. ubi causa quidem cognita, sed ita constituta est, ut auferri nullo modo & auxilio possit (v. g. in nephritide a calculo, in febre variolosa &c.); 3. ubi causa primaria quidem cognita, aut & amovenda, aut jamjam amota, sed adeo permanentes effectus progeneravit, qui recentes denuo causæ pro secundo morbo evadunt; & præcipue pro organico malo. (v. g. Globus sclopetarius, qui utut extractus, per hæmorrhagias, per suppurationem &c. posthuma relinquit, directo modo non amplius amovenda).

564. Hæcce indirecta indicatio denuo duplex erit; *empirica* & *rationalis*. Quarum utramque combinare, optimum semper,

565. *Empirica indicatio* sub morbi occulta natura & causa, ex analogis felicibus experienciis desumitur, intellectu vix declarandis. Ita luem veneram mercurio, scorbutum acidis vegetabilibus sanamus.

566. Rationalis tamen empiricam hanc indicationem semper dirigere debet.

567. *Rationalis indicatio indirecta*, in casibus, ubi causam morbi directe adgredi non possumus, vitam tantum conservare, prolongare, molestiasque ægri lenire suadet. Estque igitur duplex; *vitalis & symptomatica*.

568. *Indicatio vitalis* vitæ ac viribus vitalibus consulere studet; subpressas liberando, exorbitantes compescendo, debilitatas erigendo, exhaustas subflammando, sufficientes in futurum sustinendo (methodo *expectativa* aut *temporisante*), atque salubres naturæ per vires conatus subfulciendo. Sic temporis lucrum, si nihil aliud, obtinetur, ut vita ægri eousque conservetur, donec causa morbifica agere cesset, vel inefficax tempore reddita, vel ab ipsis naturæ viribus subacta, expulsa &c.

569. *Symptomatica indicatio* autem symptomata urgentiora lenire contendit, ægro periculosiora, aut molestiora. Idque obtinetur 1. vires vitæ aberrantes, in singularia organa morbose inæqualiter directas debite reducendo; 2. locales adfectiones ex læsa ipsius organismi structura, quantum fieri poterit, corrigendo aut amovendo; 3. epigenomena & parasitica symptomata, quæ vexam morbi adaugent, quin essentialiter ad eum pertineant, ablegando, & 4. corpus (aut organa certa) contra causam morbificam haud amovendam ita muniendo, ut impressio & effectus ejus quodammodo mitigentur.

570. Ipsa hæc symptomatica indicatio vitalem etiam includit,

571. Sponte autem patet, medicos, qui omnibus istis indicationibus in praxi satisfacere volunt, solidis therapiae generalis fundamentis instructos esse debere.

572. Generatim adhuc in formandis indicationibus sequentia observanda erunt.

573. Uti diagnoseos, ita & indicationis fontium varii securitatis gradus habentur. Non semper *indicatio vera & secuta* datur; sæpe *hypothetica & anceps*. Quærat autem sedulo illa semper, quæ, quantum fieri potest, experientia rationali nititur.

574. A præcipite indicatione caveatur. Sunt quidem medici, qui ægro vix viso & exaudito indicationes faciunt. Sed prudentia jubet, ut absque salu in ratiocinio, per logicarum inductionum catenam, haud interruptam quærantur. Caveatur autem a falsis argumentis. Totius morborum therapiae basis, indicationibus unice fulcitur.

575. In casu dubio & ancipite heroicæ indicationes ne unquam formentur; quibus, si non juvatur, persæpe noceri potest. Ὁρᾶν ἢ ἢ βλάπτειν. Præsertim ubi nullum in mora periculum, & sub cautâ expectatione manifestiores indicationes sperari possunt.

576. Indicationibus factis nunquam pertinaciter adhærendum, si morbus reclamet. Sapientis enim est mutare consilium, & recedere, quin pudeat, ab erroribus commissis.

577. Econtra autem absque sufficienti ratione quotidie, aut sæpius indicationes mutare, est medici tantum incerti et fluctuantis.



578. A tractamine morbi tractamen ægri semper distinguendum est. Ipsi scilicet ægri status, ætas, sexus, consuetudines, idiosyncrasie, & individuales aliæ plures circumstantiæ, sub uno eodemque morbo formandas indicationes varie resfringunt.

579. In morbis vere compositis, pro quovis morbo separato, separatæ indicationes sunt quærendæ.

580. Ne unquam seducatur medicus a nomine morbi, ubi inepte expressum. V. g. febris intermittens, ergo indicatur cortex peruvianus; hydrops, ergo indicantur diurectica &c. Illa omnino cæca & detestabilis empiria esset.

*L. Collado*, de indicationibus. Valent. 1572.

*D. Gavasseri*, liber de indicationibus curativis. Ven. 1586.

*D. Bartsch*, de indicationibus. Arg. 1624.

*A. Berger*, Diff. de filo medicinali. Vit. 1702.

*D. Hebenstreit*, Diff. de indicatione formanda. Lips. 1749.

— — — de indicatione vitali. Lips. 1750.

— — — de indicatione mitigatoria. Lips. 1751.

*A. Büchner*, Diff. de prudenti morbor, insanabil. mitigatione. Hal, 1750.

*D. Krause*, de inventione indicationum. Lips. 1753.

*D. Stubbendorf*, Diff. de vita in morbis insanabil. prologanda, 1781.

*C. C. Matthæi* in *Hufeland Journ.* XI. B. 2. St.

*Ibidem*, XI. B. 4. St.

A. Röschlaub, über die bisherige Eintheilung der Indication. Magaz. VII. B.

## II.

### Indicantia.

581. Si indicatio est id, quod morbus petit, ut sanari possit, tunc ergo omnia illa momenta, quæ simul sumta morbum constituunt, urgent medicum ad adhibendam debitam, scilicet indicationibus factis respondentem medelam; atque propterea scholastico sermone *indicantia* vocantur, quia indicant medico, quidnam instituendum sit, ut morbus aut sanari, aut insanabilis apte tractari possit. Sed hæcce ab ipsa indicatione separare superfluum esset.

582. Male quondam illi sentiebant, qui unice symptomata morboſa pro indicantibus habuerunt. Plura enim & graviora, uti dictum fuit, momenta, ad requisita pro morbo auxilia ducunt. Atque nostra opinione & dispositio ægri, & causæ morbi, & denique ipsa symptomata sistunt indicantia momenta.

D. Sennert, de indicantibus. Viteb. 1603.

## III.

### Contraindicantia.

583. Potest tamen etiam contingere in morbis nonnullis, quod indicantia diversa contraria

quandoque auxilia petant, aut uni indicanti contrarium sit, quod alteri proficuum.

584. Illa momenta nunc, quæ contraria aut obposita auxilia petunt, quorumve unum alterius medelam non admittit, *contraindicantia* scholis vocantur, atque in morbis tractandis non raro efficiunt, quod neutri indicanti satisfieri possit.

585. Nam etsi non dentur stricto in sensu contraindicationes, quum omnis morbus suam solummodo sanationem indicet; dantur tamen omnino momenta talia, quorum unius ablatio tantam cum alio auferendo obpositam methodum requirit, ut vere contraria ablationis petitio exoriat; & illa momenta inter se vere contraindicantia merito nominari possunt. Sic v. g. ingluviæ prægressa, pondus ventriculi, nausea, vomitus spontaneus &c. sunt indicantia emeticum remedium; sed hernia, senium exhaustum, graviditas &c. vetant vomitum instituendum, suntque ergo vere contraindicantia vomitum.

586. Sunt quidem, qui istas distinctiones nimis subtiles & scholasticas dicunt; sed non ubique inutilis labor erit, eas sedulo perpendere, atque contraindicantes saltem circumstantias exacte considerare; quoniam sic longe securius medicus adscendit ad determinationem indicatorum, auxiliorum scilicet solide præstandorum.

*J. M. Trillerus*, de officio medici præsentibus contraindicationibus. Jen. 1701.

#### IV.

### Indicata.

587. Illa auxilia, quæ indicationi satisfaciunt, & quorum ope medicus in praxi scopum suum adsequitur, *indicata* vocantur. Si ergo v. g. indicatio petit emesin instituendam, tunc in ipecacuanha, in tartaro emetico &c. indicatum habebitur.

588. De genuino autem indicatorum selectu sequentia notanda erunt.

589. Indicata selecta debent *indicationi factæ plenarie satisfacere* & respondere.

590. *Gradus* virtutis *indicatorum* auxiliorum debet *gradui morbi* semper esse *adaptatus*, proinde indicationibus institutis in qualitate & quantitate respondere. Medela scilicet nec minor, nec etiam major sit ipso morbo oportet. Si enim minores sunt vires indicatorum viribus morbi, tunc morbo tollendo non sufficiunt; si vero majores sunt, tunc morbum ad obpositam naturam trahunt.

591. Consideremus tantum duo remedia, venæsectionem & opium, quæ si apte & morbo proportionate adhibentur, æque divina auxilia sunt, ac injusto gradu adplicita vitæ humanæ infensissima instrumenta.

592. Id de omnibus heroicis auxiliis valet. Ex inepti medici manu discrimina minantur illa, quæ cultri acies ex manu infantis. Optimus medicus ille tantum censendus, qui probe scit, eo

rum tum qualitatem, tum quantitatem morbis adaptare, stimulosque necessarios sive adponendos sive detrahendos ita dirigere, ut exactæ indicationi plenarie satisfiat.

593. Quantum fieri possit, *simplicia indicata selignantur*. Ridiculi sunt illi medici & damnifici, qui pro quovis indicante aut symptomate occurrente, peculiare indicatum quærunt, & in formula præscribunt. Sic enim sanctæ simplicitatis, & ipsius veritatis filum deperditur, atque in copiosorum & compositorum remediorum farragine frustra sæpe auxilium exspectatur, quoniam unum alterius vires immutat, infringit, elidit, penitus quandoque tollit.

594. Propterea illa præprimis regula observetur, ut rite formata indicatione, illa semper exquirantur indicata ex adparatu remediorum, quæ *pluribus fors indicantibus momentis simul satisfacere* possunt. Exinde enim magna & laudabilis exoritur tum in medendo, tum in formulis præscribendis simplicitas. V. g. urget in febre prostratio virium, diarrhæa & cutis arida. Vesicantia omnibus simul satisficient.

595. Est quoque singulare medicorum ornamentum, si artem possident adeo apte indicata seligere, quorum unum ex omni parte auxilium præbet. Uti enim natura simplex videtur in progignendis morbis, ita & medicus simplex fit oportet in illis abigendis. Utinam hoc semper præstari possit.



596. Plura specialiora circa hoc objectum in therapia speciali occurrent, et ad lectos ægrorum.

597. Notandum denique est, memorata auxilia indicata ad morbos tractandos necessaria, ex triplici fonte hauriri; 1. *ex adparatu pharmaceutico*, seu proprie ex materie medica; 2. *ex adparatu chirurgico*; 3. *ex adparatu diætetico*.

598. Triplex igitur etiam medico officium incumbit in ordinatione ad quemvis ægrorum lectum; 1. scilicet debet ordinare medicamina necessaria; 2. requisitum chirurgicum auxilium; 3. debitam diætam ægri.

## 1. *Pharmaceutica.*

599. Adparatus pharmaceuticus in ipsis officinis pharmaceuticis habetur. Propterea medicus ex indicatis medicaminibus debite selectis *prescriptionem* facit, seu *formulam* scribit, juxta quam pharmacopæus medicamina ordinata vel varie commiscere, vel etiam præparare debet.

600. Subponitur hic, quod sponte liquet, in medicis praxin adeuntibus tanta totius pharmacologiæ ac artis formulandi cognitio, qua non tantum medicaminum requisitorum selectum, sed ea apte combinandi, debitamque in formam redigendi modum in promptu habent.

601. Sequentia circa hoc objectum præcipue in memoriam vocanda erunt.

602. Formula bene concinnata debet mere necessaria, nequaquam superflua indicata continere; nunquam ex obpositis in virtute sua medicaminibus, sed ex meris in unum scopum conspirantibus constare; nihil contra chemicas & pharmaceuticas leges continere; ac ipsius saporis denique gratiam (quin tamen de viribus medicaminum aliquid deperdatur) nunquam ita negligere, ut exinde vomitus frustraneus & nocivus, aut nausea causetur, aut inobedientia in pharmacis adsumendis.

603. Viliora medicamina & facile parabilia pretiosis, & vernacula æquivalentia exoticis semper præferantur. Imo præstat nonnunquam præ pharmaceuticis domestica ordinare, quorum tamen adhibendi ratio non quidem præscriptione, sed informatione indiget.

604. Inefficacia & exoleta nunquam seligantur, sed illa in usum tantummodo vocentur, quæ multis experiētiis comprobata sunt. Dispensatorii patrii studium præcipue commendatur.

605. Studendum præterea non tantum erit formæ, sub qua medicamina, habito ad morbum & ægrum respectu, exhibenda sint; mixturæ, pulveres, pilulæ &c. sed et considerata semper insimul erit quantitas, aut volumen medicaminis exhibendi. Aliis v. g. casibus guttulæ quadrabunt, aliis iterum decocta affatim forbillanda.

606. Variis eodem tempore sumendis medicaminibus nunquam ægri onerentur; in formis scilicet medicaminum æque simplex sit medicus, ac in selectu eorum. Et mixturam, et decoctum, &

pulveres, & linctum, & linimentum &c. simul præscribere, tum ægris molestiam; tum confusio-  
nem facile causat. Præstat quoque copiosiora me-  
dicamina non præscribere, quam pro nychthemeri  
spatio.

607. Etiam si formulis præscriptis signatura ad-  
hibendi modum indicans semper adnectatur, nun-  
quam tamen obliviscendum est, ægrum, aut ad-  
stantes, aut custodes oretenus instruere, quomodo  
præscriptis medicaminibus utendum sit. Ita mul-  
tifarii errores evitantur.

608. Medicamina adsumenda & jamjam pa-  
rata exploranda quotidie sunt, visu, olfactu, gu-  
stu. Etiam si a pharmacopolis bene parata, sæpe  
tamen commutari, & cum aliis aliorum ægrorum  
alternari possunt, medicumque de effectu incertio-  
rem reddere. Demum & quantitas adsumti medi-  
caminis hacce exploratione pernoscitur. Falso non-  
nunquam medicaminibus adscribuntur mutationes,  
quæ morbo debentur aut aliis circumstantiis, & vi-  
cissim.

609. Quum denique non tantum summe ne-  
cessarium attributum, sed etiam maximum orna-  
mentum medico sit, promptitudinem peculiarem  
tum in medicaminibus seligendis, tum in iis præ-  
scribendis possidere, ideo in hocce negotio habi-  
tum quemdam & volubilitatem partim quotidianis  
in nosocomio, partim domesticis etiam exercitiis  
acquirere oportet. Meliorum formularum exempla  
in operibus (inter nostrates) *L. B. a Störk*, *L. B.  
a Quarin*, & *M. Stollii* invenientur.

## 2. *Chirurgica.*

610. Finita præscriptione pharmaceutica medicus simul ordinare debet auxilia necessaria externa; tum illa, quæ chirurgico adparatui inepte adnumerantur; clismata, inunctiones, fomentationes &c. tum & illa, quæ stricte ad illum adparatum pertinent, vesicantia, venæsectiones, aliasque varii momenti operationes requisitas.

611. Nonnunquam peculiari informatione hic opus est. v. g. de loco & numero vesicantium, de loco ac quantitate sanguinis emittendi &c.; nonnunquam consultatio cum Chirurgo operationes exequente necessaria est; etiam medico ipsi adfiteri istis operationibus oportet.

## 3. *Diætetica.*

612. Demum circa diætetica etiam auxilia medicus ægrum informat, vel adstantes; regimen scilicet vitæ præscribit, morbo & ægro adcommo- datum; quo ad sanitatem restituendam aut vitam sustentandam plus quandoque confertur, quam lagenis pharmaceuticis. Prouti enim causæ morbi- ficæ non semper per os in ventriculum ingeruntur; ita etiam unica ore adsumta medicamina non semper directe causam morbi & morbum ipsum corrigunt.

613. Præcipua regiminis vitæ momenta consistunt in aëre, cibo, potu, motu, quiete corporis.

& animi, somno, vigiliis, atque pluribus externe applicari solitis.

614. Medicus igitur ægrum exacte commonefacere debet: 1. quonam aëre frui debeat, quoad calorem, puritatem, siccitatem, ventilationem, aliasve requisitas conditiones; 2. quibusnam tibus & potulentis, quoad quantitatem & qualitatem; 3. an motum exercere possit vel debeat, & qualem, an econtra quiescere; itidem a quibusnam animi affectibus quammaxime abstinendum ipsi erit; 4. an somnus vel nullus, vel moderatus necessarius erit; 5. lecti lodicumque mundities commendanda, stragulorum culcitarumque conditio ordinanda, an plumeæ, laneæ, equinosetaceæ, stramineæ, leves, ponderosæ &c. 6. circa ipsum vestitum nonnulla sæpe notanda veniunt; imo 7. circa alia plura externa, quæ vel suadenda vel evitanda erunt (v. g. fasciationes); 8. balneorum quoque usus, adeo momentosus in praxi, ad diætetica spectat.

615. Prima tamen regula est, ut omnia indicata ex diæteticiis petita, ad eundem cum omnibus reliquis indicatis, pharmaceuticis et chirurgicis scopum collineent; alias enim contrarii effectus e contrariis indicatis sperandi erunt.

616. Deinde etiam in diæta ordinanda debitus semper respectus habendus est, non tantum ad morbum, sed etiam ad ægrum ipsum; ad ejus scilicet ætatem, sexum, consuetudines & idiosyncrasias, imo ad ipsum anni tempus, ad clima, & ad alias circumstantias. Quæ quidem omnia repetenda




erunt ex illis regulis, quæ in diæteticis institutionibus generatim expositæ fuerunt, in therapia speciali & ad singulorum ægrorum lectum specialius tradentur.

617. Quantum denique ipsius animæ conditio sub vitæ ægri regimine respectum mereatur, ex illis liquet, quæ de reciproca mentis in physicum hominis statum actione, multiplici experientia confirmantur. Spectant ergo quodammodo etiam psychologica remedia quædam ad Diæteticam, quibus pusillanimes ægri erigi; furiosi, desperabundi, impatientes pacari; tristes, morosi exhilarari; indifferentes excitari possunt &c., ac quibus uno verbo, quod non minimum in morbis est, talis animi fortitudo, si non adest, conciliatur, quæ optimum internum stimulum pro vita conservanda aut erigenda sistit, gravissimosque morbos, voluntatis fere imperio, non raro illudit.

*D. Schmid, psychologische Arzneimittellehre. (In Hufeland Journal, XV. B.)*

## CAPUT OCTAVUM.

*De praxi in futuro eventu prædicendo.*



618. **U**bi medicus cognito morbo, diagnosi & indicationibus factis debita auxilia ordinavit; necesse adhuc est, ut de futura ægri sorte & morbi mutatione cogitet; id est, ut etiam *prognosin* instituat, quæ nullo die negligenda. Non solum nosse in morbis oportet, quæ sint & quæ fuerint, sed et illa, quæ mox ventura sequentur.

619. Prognosis hæcce, seu cognitio de futuro morbi eventu, tum in propriam medici satisfactionem; tum propter confirmationem eorum, quæ de morbo judicata fuerunt; tum propter ipsam agendorum rationem & promptitudinem; tum propter adfinium vel ipsius ægri curiolitatem, quinimo necessitatem, ad implendas illas dispositiones, quas animæ salus & res domestica deprecant, quotidie instituenda est, atque in historiis morborum adnotanda, ut ex eventu deinde adpareat prædicti veritas aut falsitas.

620. Res summe ardua & lubrica in praxi, in qua cautissimus medicus juvenis esse debet, quoniam fama ejus plurimum ab ea dependet.

621. Astute quidem nonnulli adsuescunt in minimis & minime periculosis morbis tristem semper prognosin facere, ideo, quodsi æger moriatur, prænunciasse videantur; si vero evadat, majoris honoris atque soslri lucrum sperare possint, dum morbum periculosum sanare sciverint. Sed indecorum est, ejusmodi ambagibus scopum adire velle, cum sola rectissima via ad solidam famam ducat. Neque ægri aut adfines adeo sunt semper incallidi, ut exitum morbi quandoque ipsimet utcunque non prævideant; deridentes postea medicum, qui nimis meticulosus in formanda prognosi est.

622. Meliores ergo & solidiores regulæ, præcipue practicæ monstrandæ sunt, quibus securior, quantum fieri potest, prognosis fundatur. Aliqua circa hoc objectum generalia, jam in generali Pathologia præmissa fuerunt; alia plura specialiora in speciali Nosologia, & ad speciales in lecto casus explicantur.

623. Notandum omnium primo est, fundamenta, quibus prognosis universim nititur, duplicia dari; rationem scilicet, & experientiam. Proinde quoad basin prognosis duplex est, *rationalis* & *empirica*. Prior eventus in morbis futuros ex principiis pathologicis eruit, demonstrat; posterior eos, silente ratione, ex analogis experiētiis determinare satagit.

624. Eventus autem futuri omnium rerum, & etiam morborum, sunt quoque duplices; necessarii & accidentales (saltem relate ad debilem nostrum intellectum accidentales), de quibus posteriaribus non datur evidens cognitio. Hi accidentales denuo duplices sunt, probabiles aut plane dubii. Hinc etiam in morbis, prognosis quoad valorem mox *certa*, mox *incerta* est; aut *probabilis*, aut penitus *dubia*.

625. Denique, cum omnis morbus terminetur vel in sanitatem, vel in mortem, vel in alium morbum, aliusque exitus non detur; hinc prognosis quoad eventum in morbis futurum etiam triplex est, *in perfectam sanitatem*, *in mortem*, aut *in alium morbum*.

626. Hæcce omnia momenta in omni prognosi instituenda rite perpendere oportet. Nam totum prognoseos negotium in eo consistit, ut medicus sive ratione ductus, sive experientiis securis tractus bene dijudicet, quænam morbi possibilitium terminationum in dato morbo vel certo, vel probabiliter, vel plane dubie sperari aut metui possit.

## Prognosis rationalis.

627. Si pathologico ratiocinio ad eventum morbi futurum prævidendum & præsagiendum pervenire licet; tunc *rationalis prognosis* datur.

628. Hæc ex iisdem fontibus eruenda est ex quibus diagnosin eruendam diximus. Nam

vera morbi cognitio unice ducit ad prognosin veram, & arctissime sibi junctæ sunt diagnosi & prognosis, ita ut una ex altera fluat. Hinc neoterici aliqui prognosin ante diagnosin instituire volunt; & *Hippocrates* (de prælag.) jam dicit, qui futuras adfectiones prævidet, optime sanare intelligit.

629. Uti ergo in diagnosticis, ita in prognosticis singularium morborum phenomenorum separata consideratio non sufficit; sed totius morbi amplexus, omniumque circumstantiarum perpensatio requiritur. Quo faciunt dispositio ægri, causæ, decursus ac symptomata morbi, habito semper ad naturam, formam, stadium ac magnitudinem morbi respectu.

630. Cognita ægri *dispositio* morbum antecedens ad prognosin formandam confert; 1. in quantum prægressis morbis æger vel exhaustus est, vel non est; 2. in quantum morbi seminum potentiarum nocivarum actioni plus vel minus favet; 3. in quantum singularia organa plus minusve nobilia, peculiarius morbose disposita sunt; 4. in quantum organica & quodammodo perpetua mala in corpore ægri latent. Hinc sexus, ætas, corporis habitus, morbi prægressi &c., prouti gravia ad diagnosin momenta largiuntur, ita etiam ad prognoseos dijudicationem in certis morbis plurimum contribuunt.

631. Certissima autem prognosis ex *causis* morbi cognitis desumitur, quoniam, ubi cogni-



tæ, naturam morbi optime designant. Adtendendum igitur erit; 1. utrum causa una, aut plures; 2. utrum causæ violentæ, aut mitēs; 3. utrum amovendæ, vel non amovendæ; 4. utrum agendi earum ratio cognita, aut occulta; 5. utrum organismum partium, in quas egerunt, devastantes, immutantes, aut non; 6. utrum penitus ignoratæ.

632. Postremo in casu (quod quidem nunquam negligendum) eo major adtentio ad modum decurrentis morbi, & ad symptomata ejus habenda erit, dum de futura ægri forte cogitatur.

633. In *decursu* morbi adtendendum erit; 1. utrum præceps, aut lentus; 2. utrum regularis, aut irregularis sit.

634. *Symptomata* autem morbosa, quæ non tantum formam morbi, sed computatis causis etiam magnitudinem ejus, proinde & periculum ægri optime docent, maximum quoque respectum merentur.

635. Aestimanda autem symptomata erunt; ex gravitate sua, ex intensione, ex extensione, ex numero, & ex duratione.

636. *Gravitas symptomatum* mensuratur ex usu, seu necessitate aut nobilitate organorum, quorum functiones sunt læsæ & mutatæ. Sic palpitatio cordis est gravius symptoma claudicatione, in quantum motus cordis pro vita est magis necessarius, quam motus cruris.

637. *Intensio symptomatis* ex vehementiæ gradu, seu ex modo læsæ functionis desumitur. Sic qui duplo frequentius respirat altero, is dispnæam duplo intensiorem habet; & ceteris paribus periculosiorem.

638. *Extensio symptomatum* ejusdem speciei æstimatur ex numero partium eadem adfectione detentarum, atque earum spatio. Periculum morbi diverse adauget. Sic paralyfis cruris minus periculosa est paraplegia.

639. *Numerus symptomatum* quo major est ceteris paribus, eo major censetur morbus & periculosior, siue eadem organa adficiantur, siue diversa. Hocce periculum ex symptomatum pluritate adauctum seduxit nonnullos medicos, ut in symptomatum syndrome malignitatis morborum ideam posuerint.

640. Denique *duratio* seu pertinacia symptomatum majus quoque periculum designat, quam disprens subito adparitio. Exemplum in delirio & convulsionibus.

641. Atque ex omnibus hisce dictis facile adparet, symptomatum ipsorum considerationem, tum quoniam vires vitæ vario modo læsas designant, tum quoniam locum, copiam, modumque organicarum adfectionum indicant, magnum omnino momentum, uti in diagnosi, ita etiam in prognosi formanda sistere. Quod quidem in ipsis *Hippocratis* libris jam habetur.

642. Cæterum, quæ de stadiis morborum in instituenda diagnosi adserta fuerunt, docent,

etiam in prognosi formanda debitum semper ad morbi ætatem, ad ejus anamnesticam historiam, et ad ipsum, in quo impræsentiarum versatur, stadium, respectum habendum esse. Docet enim progressum, quem morbus hucusque fecit, & quem faciendum adhuc habet. Sic ex stadio inflammationis concludimus ad suppurationem futuram.

643. Imo & aliarum plurimarum, tum absolutarum (uti climatis, anni temporis &c.) tum & mere accidentalium circumstantiarum (v. g. pathematum animi) perpensatio requiritur, si medicus prognosin prudentissime instituere velit.

644. Hæ circumstantiæ, dum accidentales sunt, ac prævideri nequeunt, certissimam præflagitationem *in sanitatem* futuram nunquam permittunt. Minime enim, quod & ratio dicat, experientiæ defunt, levissimos nonnunquam morbos a fortuitis ejusmodi contingentibus adeo exacerbatos aut complicatos cum aliis malis fuisse, ut in mortem, improvisam ab initio, finiverint. In sanitatem ergo nunquam certissima prognosis datur.

645. *In mortem* datur. Futuri enim eventus in morbis quandoque sunt absoluti & evidentes, ut nullum accidens miseram ægri sortem immutare valeat. Ita v. g. in destructione organorum ad vitam directe necessariorum, quo pertinent vulnera absolute lethalia.

646. Etiam mors in omnibus morbi stadiis contingere potest. Sanitas non ita.

647. Sub futuro autem absoluto eventu non lethali, prognosis certa rationalis etiam in aliis morbos datur.

## Prognosis empirica.

648. Sed & ex analogis experiētiis ad futuram ægri sortem sæpe concludere licet, quin ratio pathologica hujus prognoseos assignari possit. Atque propterea *empirica* vocatur. Hanc multi callent homines, artis medicæ penitus ignari, frequenti tantum cum ægris & morbis commercio eruditi. Ita sacerdotes, parabolani, obstetrices. Hanc & medici penitus negligere non possunt.

649. Nonnulla empiricorum prognosees signorum adeo sunt generalia, ut ad omnes fere morbos extendantur. Sic facies hippocratica, sudor frigidus viscidus &c. sunt mala in omni morbo auguria. Nonnulla iterum specialibus tantum morbis conveniunt. Sic hæmorrhagia auris in phrenitide pro lethali, cophosis in typho pro bono signo habetur. Atque hæc specialiora in decursu nosologiæ specialis & ad lectos ægrorum semper adducentur.

650. Notandum tamen venit, quod sæpius jam monitum fuit, singulatim in morbis considerata phenomena, uti in diagnosticis, ita in prognosticis nihil certi promittere; sed morbum

semper & circumstantias morbi in omni ambitu considerata esse.

651. Talis quoque empirica prognosis datur, quæ ex integri morbi amplexu desumpta futurum eventum, atque vitæ periculum timendum vel non timendum vario certitudinis gradu determinat.

652. *Periculum* est ille status, in quo juxta experientiam dantur casus, quibus malus eventus contingit. Quo plures illi casus, eo majus periculum; quo pauciores, eo minus. Ita etiam in morbis.

653. *Evidentissimum periculum* ibi est, ubi experientiæ felicem eventum vix unquam observatum docent. Ita v. g. in hydrophobia a veneno canis rabidi.

654. *Periculum* mortis *probabile* in omnibus illis morbis habetur, quibus ceteris paribus plures homines succumbunt, quam ex iis convalescunt. Hujus probabilitatis variæ omnino gradationes sunt. Ita in febre pestilentiali & maligna, variolosa, angina membranacea, phthisi pulmonali &c.

655. Quo nunc fundamentum probabilitatis minus est, eo minor est ipsa probabilitas. In illis ergo casibus, ubi juxta experientiam plures ex dato morbo convalescunt, quam moriuntur, *periculum* vitæ est *minus probabile*. Ita in pneumonia vera, morbo venereo &c.

656. Imo, quo pauciora tristiorum eventuum exempla experientia exhibet, eo magis suspicio periculi deletur. Ita v. g. in corrhyza.



657. Sed hæcce momenta prognostica sunt nimis generalia, uti jam dictum fuit. Solido ratiocinio, ad morbi speciem, subjectum, aliasque circumstantias caute respiciente, prudenter sunt ubique modificanda. Alias cæcus empirismus.

658. Tandem autem empirico tali modo, non tantum vitæ spes aut periculum, sed & morborum in alios transitiones varia certitudine prænoscentur, sub diverso eorum *in posthuma mala* nisu. Febris variolosa v. g. de simili exitu ut plurimum suspecta est.

Vide *J. Lommii*, observat. medicinal. librum III.

## Regulæ quædam.

659. Junioribus medicis, atque in initio cursus practici sequentes præcipue canones quoad prognosin sunt commendandi.

660. In illis solummodo casibus confidenter præsagiendum est, ubi futurum necessarium expectatur. Nam sicuti certo præsagiri potest v. g. crastinus solis ortus, sic etiam vulneris absolute lethalis periculum certo prænunciari potest.

661. In omni autem casu ancipiti, ubi mortis periculum vel probabile tantum, vel dubium est, prudenter prognosin suspendenda, & quantum licet, differenda. Rogatus tunc medicus adfirmet periculum vel probabile, vel dubium. Et in leviori casu nonnisi ea sub conditione sanitatem promittat, si nulla accidentalia supervē-

nerint. Relate ergo tantummodo ad præsentem morbi statum, atque ad ipsius probabilitatis valorem, eventum futurum adsecuret.

662. Optimum est prognosin non anticipare ad plures dies & hebdomadas, sed crastini præcipue aut futuri diei periculum perpendere; quod probabilius utcunque dignosci potest, ubi interim longioris temporis spatio multa improvisè mutari possunt in morbo. Atque suspendendo dubiam prognosin in casu dubio, lucratur medicus interea tempus, ad certiore[m] postea instituendam.

663. Sub ipso morbi initio ergo, nunquam aliquid certi de futura remotiori sorte pronuntiandum est, præcipue illis in morbis, qui versatiles in decursu sunt. Attamen dantur casus, ubi ob moræ periculum prompta præflagitio deponitur, cautissime instituenda.

664. Tristis prognosis ipsi ægro vix unquam, vel rarissime aperienda; propinquis autem non celanda est. Vitæ periculum ipsis ægris communicatum tristi pathemate animi, mortem omnino accelerare potest. Propterea in prælectionibus clinicis aut aliena ægris lingua, aut cautissimo modo prognosis profertur.

665. E contrario, periculosissimi ægri, dummodo animi præsentia gaudeant, exhilarandi sunt & dulci spe nutriendi. Illis autem, quorum scire interest, periculum non est negandum, præcipue ubi dispositiones in re domestica ægri, aut ad animæ salutem necessariae sunt.

666. Quare etiam medicus, utut ab adstantibus non rogatus, conscientia sua obligatur, ut quamprimum vitæ periculum viderit, religionis officiis satisfacere jubeat; tum & morbi statum illis aperiat, qui rei domesticæ curas agunt, ne ægri aliorum sæpe in detrimentum, intestato defungantur.

*N. Taurelli*, medicæ prædictionis methodus. Frfti. 1581.

*Th. Monset*, Nosomantica Hippocratica. Frft. 1588.

*L. Lemosii*, de optima prædicendi ratione, libri VI. Venet. 1592.

*Pr. Alpini*, de prælagiendâ vita & morte ægrotantium, libri VII. Venet. 1601.

*Dr. Usler*, de eventu in morbis præcognoscendo. Jen. 1601.

*J. Hucheri*, de prognosi medica, libri II. Lugd. 1602.

*P. Holtzenii* prognosis vitæ & mortis. Col. 1605.

*Rod. Castrénfis*, Syntaxis prædiction. medicar. Lugd. 1661.

*J. Juncker*, r. *Schankebank*, monita circa prognosin rite instituendam. Hal. 1733.

— — r. *Wilcke*, Diss. de cauta prognosi a cauto medico instituenda. Hal. 1756.

*J. Th. Prochnau*, de prælagiendâ vita & morte. L. B. 1746.

*J. V. Zeocani*, neuentdeckte Quellen von den Prognostiken. Leipz. 1760.

*J. H. Pfutsch*, Diss. exhibens fontes prædictionum in morbis. Lips. 1760.

*M. D. T.* Dictionnaire des Prognostics. Par. 1770.

— — — deutsch. Bresl. 1771.

*A. W. Smith*, Kunst vorhinein zu wissen, ob ein Kranker geneset, &c. Wien 1803.

*A. Röschlaub*, Beyträge zur medicinischen Prognost. (Magaz. VII. B.)

\* \* \*

667. Hæc jam sunt omnia officia, quæ medicus practicus non solum in prima ægri visitatione, sed pleraque & quotidie observare debet ad lectos ægrorum.

668. Plurimis verbis examen ægri explicatum fuit, quoniam ex eo difficillimum negotium, cognitio scilicet morbi pendet.

669. Dantur autem casus, ubi ægri examen auribus non exauditur, sed ubi totum quasi examen, vel momentosissimæ saltem morbi circumstantiæ calamo describuntur, atque aliis medicis scriptotenus communicantur, aut etiam in proprios usus conservantur.

670. Hinc aliqua adhuc superadducere liceat de modo historias morborum scribendi.

## CAPUT NONUM.

### *De modo historias morborum scribendi.*

---

671. **H**istoriæ morborum sæpe locum examinis ægri oretenus instituti subplere debent, ibi ubi medicus occasione destituitur, ægrum auribus exaudiendi.

672. Sæpius contingit, ægros sub ipso morbi decursu aliorum medicorum consilium exposcere; quo intuitu necesse erit, ut medicus ordinarius historiam morbi enarret. Hanc vero labili memoriæ vix fidet, sed pugillari suo rectius inscribet.

673. Cujusvis medici officium ergo petit, ut diarium ægrorum suorum, morborumque tractandorum formet, cui quotidie sedulo notatu digniora inferuntur.

674. Mittuntur quoque non raro ad facultates & celebres viros epistolæ consultatoriæ. Puderet tunc medicum ordinarium historiæ morbi vel mancæ, vel inepte scriptæ.



675. In scholis practicis historiæ omnium morborum occurrentium absolute consignari debent, atque omni die recitari; nec non præcipue in tertio examine rigoroso morbi tractatorum ægrorum unacum reddita ratione medelæ infirmitatæ describendi, atque eorum historiæ facultatis medicæ censuræ subjiçienda sunt.

676. In noscomiis quoque aliis debite dispositis acta medica colliguntur & adservantur.

677. Selectiores denique historiæ a publicis institutis, aut viris amplificandæ arti insudantibus prelo subjiçuntur, aut scriptotenus sibi invicem communicantur.

678. Exinde abunde elucescit, multiplici titulo necessariam ac utilem esse medico artem historias morborum rite adnotandi & exarandi.

679. Totius præterea medicinæ incrementum omne præcipue in eo consistit, ut habeantur historiæ seu descriptiones morborum, quoad fieri potest, graphicæ & naturales. Quævis observationum suarum, qualemcunque symbolam confert ampliandæ arti, quæ meris observationibus originem debet. Uinam ergo omnium temporum, terrarumque omnium medici sedulo semper observassent, observata *utiliter* adnotassent, adnotata posteritati tradidissent. Solæ enim hæ observationes sunt securissima Data artis nostræ. Eum nobis valorem habent, quem axiomata solidioribus disciplinis.

680. Dolemus interim, plerosque medicos copiæ observatorum magis studuisse, quam se-

lectui & fructuosæ eorum narrationi; nam pauciora illa videntur, ex quibus utilis fructus legi potest. Penitus in historiis illa quandoque desideramus, in quibus totius quasi negotii cardo vertitur. Ex una parte superfluas, ex altera contrario defectuosas deprehendimus, atque meliores & solidiores morborum historias in parvum omnino volumen redigere possumus.

681. Junioribus ergo medicis suadendum, ut exarandis bonis morborum historiis in ipsis practicis scholis adhuc, consuetudine se adcommovent, ad debitam sibi dexteritatem comparandam, quæ nonnisi longiori exercitio attingi potest.

682. Quare etiam nostrorum ægrorum historiarum quotidie describuntur, quotidie recitantur, Professoris animadversionibus interpollantur ac emendantur.

683. Regulæ quædam generales de illis rite conscribendis hic adhuc adnectentur.

## Regulæ.

684. Prima regula. *Historiæ morborum debent esse veræ.* Phenomena morborum debent certo enarrata, & medentia auxilia adhibita sincere assignata esse. Facta historica, ubi a veritate recedunt & fabulosa fiunt, ad pravas consequentias ducunt; & dum postea in arte experimentalis ad analogicas adplicationes occasionem præbent, non tantum nullius penitus valoris, sed & pessime nociva evadere possunt.

685. Mala est conscientia & larga eorum medicorum, qui narrant phenomena, quæ non videntur, ubi sat male fuisset, si illa narrassent, quæ male viderunt. Sunt ignes quasi fatui, qui in salebras aut abyssum sequentes trahunt; dum interim veri scriptores, ceu faces, ex devio itinere secure reducunt.

686. Adulterantur historiæ morborum e multiplici ratione. Nonnulli fingunt phenomena, ut negligentiam suam dissimulent; alii ut opinionem suam defendant; alii iterum obiter & negligenter observant, aut denique ex oblivione aliena adducunt. Maxima veritas medica in omnem posteritatem æstimanda ex scriptis Hippocraticis & Sydenhamianis elucescit. Horum virorum candor eo se extendit, ut inaudita sinceritate & ea proferant, quæ ex propria quandoque culpa contigerunt.

687. *Secunda regula. Historiæ morborum debent esse accurate scriptæ.* Non sufficit, ut vera solummodo phenomena morbi adducantur, sed debent etiam omnia illa accurate adferri, quæ ad morbum depingendum, & illum dijudicandum scitu necessaria sunt. Nullus saltem character morbi essentialis præteriri debet, & nihil reticeri de omni illo, quod tempore morbi institutum aut commissum fuerit. Multi in hunc errorem labuntur, ut summe necessaria scitu sicco pede transeant, et ex nimia brevitate lectorem minus sufficienter de morbo depicto instruant. Exinde vagum & incertum circa morbos judicium fertur; nam multa desiderantur, quæ ad morbum exacte dijudicandum requirerentur.

688. Quare *Th. Sydenhamus* suadet, ut morborum phenomena clara quoque & naturalia, quantumvis minuta, adcuratissime omnia adnotentur, imitando pictorum industriam & sinceritatem, qui vel nævos & levissimas maculas in imagine exprimunt, si veram cum originali similitudinem adtingere volunt.

689. Tertia regula. *Morborum tamen historiae debent esse simplices*, nunquam nimis fuse scriptæ & superfluis infartæ. Displicet non tantum illa garrulitas in morborum historiis, quæ minime ad objectum quadrat; sed & nec minimus labor est, ex tanta verborum colluvie ea exquirere, quæ ad rem dignoscendam necessaria sunt.

690. Præprimis illa phenomena morborum in historiis non sunt referenda, quæ non adsunt. Functiones enim sanæ & illæ sæ subponuntur illæ, de quibus silentium observatur.

691. Attamen nobiliores functiones, utut penitus illæ sæ, v. g. respiratio, pulsus &c. non sunt silentio prætereundæ, ne negligentiae aut oblivionis fors suspicio excitetur.

692. Item, transeunte morbo in convalescentiæ stadium, redeuntis sanitatis in variis functionibus phenomena, sub diversis suis gradibus enumeranda semper veniunt.

693. Penitus superflua in historiis morborum sunt nomina & cognomina ægrorum, atque omnes illæ circumstantiæ, quæ potius rem familiarem ægri, ac particularia varia, quam morbum describendum spectant.

694. Illam unice & ubique laudamus scribendi methodum, quæ nihil superflui addit, necessarii nihil omittit; simplicitate sua veritatis tymbum secumfert modo summe conspicuo. Pulcherrimæ & utilissimæ omnino sunt tales morborum historię.

695. Quarta regula. *Historię morborum debent ab omni hypothese liberę esse, & mere historica facta continere.* Nihil damniosius est ejusmodi historia, ubi quævis prolata veritas in sententiam & hypothesin scriptoris invertitur & torquetur. Præoccupantur tali modo animi-lectorum, atque in similes opiniones non raro trahuntur, minimeque ex debito fonte indicationes petuntur.

696. Quinta regula. *Attamen sinceris ratiociniis historias morborum interpolare omnino decet.* Scriptor scilicet debet sæpius rationem reddere illorum, quæ durante morbo suscepit, & quæ ex causa suscepit; qualem ergo ideam diagnosticam de morbo, & directricem in indicationibus formavit.

697. Sed ista ratiocinia ex narratis morbi phenomenon tracta debet esse firma, duce philosophia fluentia, hypothesebus nequaquam superstructa. Neglectis istis rationibus, legentes de medela instituta non sufficienter instruuntur, atque stupent non raro ad auxilia selecta.

698. Sexta regula. *Optime eodem ordine historię morborum scribuntur, quem circa ægros examinandos & universim tractandos exposuimus.* Tali enim ordine nihil prætermittitur, & simpli-



cissima simul inductione unum historiae membrum alteri jungitur.

699. Hæ quidem, etsi non solæ, saltem insigniores sunt regulæ in scribendis morborum historiis observandæ.

*E. Stahl*, Pr. de historiae morbor. criterio. Hal. 1707.

*Fr. Hoffmann*, Diss. de modo historias morbor. recte consignandi. Hal. 1721.

*P. Detharding*, histor. morb. conscribend. fida methodus. Rost. 1734.

*N. Rosen*, Diss. de historiis morbor. conscribendis. Harderw.

700. Fragmenta utilia in *Th. Sydenhami*, *M. Stollii* & *G. Richteri* operibus invenientur.

---

